

Luka Yesuhât Den Pat Âlepņe Lukaņe kulemguop.

O bukune Teopilo,

¹ Yesuņe hohetnenņan manmâ kulem topņe topņe memu lohimbî yâk orop manmâ ya ekbiņe den pat âlepņe ya kâsikum ningiwi.

² Den pat ya lok sesengâlâkņe kulemguwi.

³⁻⁴ Otmu nâņe gurâ den pat ya topņambâek nâņgâm heņgenġum kulemġum katġihian. Yakât otmâ pepa yu sâlikumâmâ anġoân Yesuhât den pat kâsikum ġihiwi ya nâņgâm heņgenġuwuat. Den pat ya yuwu tap.

Anġelo âlâņe Sakaria yâkâlen teteop.

⁵ Emelâk lok kutdâ âlâ, kutņe Herot sâm, yâkņe Yuraia ambolipņe yeņġât kunyeņe otmâ galemġ-ongom manop. Sâp yan Anitâhât hotom uminiwi ya yeņġâlen ġâtņe lok âlâ, kutņe Sakaria sâm. Yâhâmâ Awiahât senâmbâ ġâtņe. Yâkņe imbi âlâ, kutņe Elisapet sâm, ya miop. Yâhâmâ Aron yâkât senâmbâ ġâtņe.

⁶⁻⁷ Otmu lohimbî yuņe inâk kâsi manmâ gam sombo olowot. Yawu manmâ tem lâuwangim gamutâ Anitâņe yelekmu ârândânġ olop.

⁸ Yâhâ Anitâhât hotom uminiwiņe amboņan amboņan hotom um ġaminiwi.

⁹ Otmu hotom u uhât sâp ya tâlâhumu Sakaria mem katņetâ opon kâmbukņahât biwiņe âlâen yâhâ hotom uop.

10 Hotom uop sâp yan lohimbi nombotņane opon kâmbukņe yakât dâmân kâlehen yâhâ kinmâ Anitâ ulitguwi.

11 Ulitgum kinņetâ Anitâhât aņelo âlâ, kutņe Gawirie sâm, hotom uminiwi yakât alata bonângen tetem kinop.

12 Tetem kinmu Sakariaņe ekmâ pârâk pilâop.

13 Yawu otmu aņelo yaņe yuwu sâm ekuop. “Sakaria, ki kiņgitgahât ot. Imbihane naom miâk nâņgâm Anitâ ulitgum gamat. Yakât otmâ Anitâne nâņgâhahimu imbihane naom membuap. Naom yakât kutņe Yoane sâm kunbuat.

14 Tetewuap yan lohimbi kiņgitņe orowâkņe yet orop herone nâņgâwaņginomai.

15 Nanyetņe yaņe tem lâuwaņgim manmu Anitâne nâņgâwaņgimu ârândâņ otbuap. Târârâhâk manmâ to kârikņe ki nembuap.

16 Yawu manmu Anitâhât Wâtgât mâmâņahât Heakņe mâmâne otbaņgimu Isirae lohimbi kuwikyekmu Kutdâ Anitâhâlen biwiyene kepeim mannomai.

17 Emelâk embâņân Anitâhât poropete âlâ, kutņe Elia sâm, yaņe yâkât wâtņan kinmâ yu ya otminiop ya Anitâne ekmu ârândâņ otminiop. Yakât dopņeâk nanyetņane manmâ Kutdâhât mâtâp mewaņgiwuap. Yâhâ âwâlipyene nan baralipyene kuk otyiņgimai ya biwiyene mem huruņ tuhuyiņgimu kaok oraņginomai. Otmu lohimbi kunyene kârikņe otmâ Anitâhât den kumai ya ekyongomu orotmemeyene bâlene pilâm tem lâuwaņgim mannomai. Nanyetņane yawu otmâ Kutdâhât mâtâp mewaņgiwuap. Yawu.”

18 Yawu sâmu, Sakariaŋe yuwu sâmu âikuop. “Net emelâk sombo oait. Yakât otmâ gâhât den ya nângâm biwi yâhâp oan. Girawu otmâ yakât nângâmune bulâŋe otbuap?” Yawu sâop.

19 Sâmu sâop. “Ahonakmune nângâ. Nâ Gawirie, Anitâhât hoŋ bawanŋiman. Yâkŋe hângânnohomu ge den yu ekgohoan.

20 Yawu gârâmâ den ekgohomune nângâm biwi yâhâp oat yakât matŋe den biaek manbuat. Yâhâ den ekgohoan yukât bulâŋe tetewuwânâk lauhe hâreakmu den otbuat.” Yawu sâmu yanâk biatmu, lok sombo ya ikŋiâk kinop.

21 Lok sombo ya opon kâmbukŋan yâhâ sâp kâlep talop. Yakât otmâ lohimbî yaehen kinbiŋe “Girawu otmâ kâihumboŋ ot tap?” sâmu mambot-banŋiwi.

22 Yawu otŋetâ yâk yengâlen ge den ekyongowe sâmu otmu engatŋe manŋuakmu kopa olop. Kopa otmâ kinmu ekmâ yuwu sâwi. “Opon kâmbukŋan yâhâmu Anitâŋe biwiŋe mem purik pilâwanŋimu kulem âlâ tetemu eksap mon?” Yawu sâŋetâ den sâwe sâmu bâtnaŋak kai toka olop.

23 Otmu nep sâpŋe pesuk sâmu kapiân âwurem gem ariop.

24-25 Otmu yakât kakŋan imbiŋe ya tepŋe olop. Tepŋe otmâ yuwu sâop. “Anitâ Kutdâŋe nângânihimu tepne oan yakât otmâ ki anulakbom.” Yawu sâmu emetŋanâk tatmu emetsenŋe mome pesuk sâop.

Anŋeloŋe Maria yâkâlen teteop.

26 Emetsenŋe mome pesuk sâmu yan, Anitâŋe anŋelo, kutŋe Gawirie, ya yâhâpŋe hângângumu

giop. Hângângumu ge Nasaret kapi Galilaia hânân tap yan imbi sihan âlâ, kutnje Maria sâam, ya tete-waŋgiop.

²⁷ Yâhâ imbi sihan ya Dawitihât senâmbâ gâtje yakât otmâ lok âlâ, kutnje Yosep sâam, yâkât pat kuwaŋgiŋetâ manop.

²⁸ Anjelo yaŋe tetewaŋgim yuwu sâop. “Anitâŋe nâŋgâhihim mâmâŋe otgihiap yakât otmâ biwihaŋe heronje otbuat.”

²⁹ Yawu sâam ekumu nâŋgâm kiwilim biwiŋaŋe yuwu nâŋgâop. “Den eknohoap yakât topje girawu?”

³⁰ Biwiŋaŋe yawu nâŋgâmu yuwu sâam ekuop. “Anitâŋe nâŋgâhihiap. Yakât otmâ biwihe sânduk sâek.

³¹ Gâŋe tepge otmâ naom membuat yâkât kutnje Yesu sâam kunbuat.

³² Lohimbiŋe yâkât nâŋgâwaŋgiŋetâ yahatmu “Anitâ pato nandoronje yâkât nanje” sâanomai. Otmu emelâk embâŋân Kutdânenje Anitâŋe tâmbânenje Dawiti lok kutdâ sâam katmu bukulpnje galemyongom manop. Yakât dopŋeâk Anitâŋe nange âi sâam waŋmu

³³ Yakop sen nengât kunnenje kinmâ tihitnenje otbisâp.” Yawu sâop.

³⁴ Sâamu sâop. “Nâ lok orop ki mansan. Yakât otmâ den yat yakât bulâŋe girawu tetewuap?” Yawu sâop.

³⁵ Sâamu sâop. “Anitâhât Wâtgât mâmâŋahât Heakje biwihan gemu Anitâŋe mâmâŋe otgihimu tepge otmâ naom membuat. Yakât otmâ naom ya koko salehâk manbuap. Yawuhât lohimbiŋe ekmâ kutnje “Anitâhât nanje” sâam kunomai.

36-37 Den âlâ torokatmâ sâmunê nângâ. Anitâñe yu ya otbe sâm yakât ki hâum pâpgumap. Yawu otmâ bukuhe Elisapet kâsi manmâ gamap ya nângâwanjimu tepñe otmâ manmâ gamu emet-senñe nombolân konok pesuk yap. Imbi kâsi sâmai ya yawu tetewanjiap.” Yawu sâop.

38 Sâmu sâop. “Nâ Kutdâhât hoñ bawa imbi. Yakât otmâ den yat ya bulâñe teteâkgât nanjan.” Yawu sâmu aneloñe pilâm ariop.

Mariane Elisapet arim ehop.

39 Sâp kâlep ki otmuâk Mariane Sakaria imbiñeit yetgâlen ariwe sâm kapiñe pilâm kapi âlâ Yuraia hân yakât halângen tap yan ariop.

40 Yan arim yâk yetgât emelan yâhâm Elisapet ekmâ heronje otbanjiop.

41 Heronje otbanjimu yanâk tepñe kâlehen naom talop yanje kâlâwahomu nângâop. Yawu otmu Anitâhât Wâtgât mâmâñahât Heakñe Elisapet mâmâñe otbanjimu bukunje yuwu sâm ekuop.

42-43 “O bukune, Anitâñe gâ nângâhihim mâmâñe otgihiap. Yakât otmâ imbi kerekñe gâhât nângâhihiñetâ yahatbuap. Otmu naom membuat ya Anitâñe mâmâñe otbanjimu tihitnenñe otmu Kutdânenñe sâm tem lâuwangim mannom. Nâmâ imbi inñe mansan. Yamâ gâñe nâhâlen takarâ nângâmune âlâ kândâkdâ oap.

44 Taka nohondâ yanâk naom tepnan tap yunje kâlâwahomu nanjan.

45 Otmu den âlâ torokatmâ sâmunê nângâ. Anitâñe anelo âlâ hângângumu ge den ekgohop yakât bulâñe tetewuap yakât nângâm biwi yâhâp ki oat. Yawu otmâ biwi heronje nanjat.” Yawu sâop.

Marianje Anitâ mepaem heronje otbaŋgiop.

⁴⁶ Yawu sâmu Marianje yuwu sâm ekuop.

⁴⁷⁻⁴⁸ “Nâ Anitâhât hoŋ bawa mansan. Yawu gârâmâ Kutdâne Anitâ tihitnenŋe otmapŋe nâŋgânihim mâmâŋe otnihiap. Yakât otmâ lohimbi komotŋe komotŋe tetem mannomaiŋe nâhât nâŋgâŋetâ yahatmu “Anitâŋe nâŋgâwaŋgiap,” sânomai.

⁴⁹ Anitâ Manman koko salek Amboŋaŋe mâmâŋe otnihim kulem miap yukât nâŋgâmune ewe membe otmu mepaem mansan.

⁵⁰ Otmu lohimbi âlâ me âlâŋe Anitâhât nâŋgâm tem lâuwaŋgimai ya wawaeyekmap.

⁵¹ Wâtŋe pato nandoroŋe tatbaŋgiap. Yakât otmâ yu yakât ki pâpŋumap.

⁵² Lohimbi yeŋe eŋgatyeneâk watmâ manmâ hâkyeŋe mepaeakmai ya mem ge katyekmap. Otmu lok kutdâlipyenŋe lohimbi mem bâleyekmai ya mem ge katyekmap. Mem ge katyekmâ lok geheŋe ya mem yâhâ katyekmap.

⁵³ Otmu lok iri sikumyeŋe orowâk ya misihem manmai ya mem ge katyekmu umburuk otmâ manmai. Yâhâ lohimbi po manmai ya tihityeŋe otmâ sot kâlê yingimap.

⁵⁴ Emelâk embânân tâmbâlipnenŋe yeŋgât pat kuyingiop ya mem mete tuhum Isirae lohimbi nengât tihitnenŋe otmâ gamap.

⁵⁵ Yawu otmâ tâmbânenŋe Awaraham yâkât pat kuwaŋgiop. Pat yakât bulâŋe nen yâkât sen nengâlen teteap. Yawu.” Yawu sâop.

⁵⁶ Marianje yawu sâm Elisapet ekuop. Otmu yâk orop manmu emetsenŋe kalimbu pesuk sâmu

kapiņehen âwurem ariop.

Yoane teteop.

⁵⁷⁻⁵⁸ Maria âwurem ariop yakât kakņan Elisapetņe nanņe miop. Yâhâ Kutdâņe nâņgâwanņimu nanņe miop yakât nâņgâm hep torehenlipņe otmu kapi ambolipņane heroņe nâņgâwanņiwi.

⁵⁹ Otmu hilâm nombolân kalimbu pesuk sâmu yan hep torehenlipņane menduhuakmâ naom yakât hâkņahât undip tuhuwanņine sâm, âwâņe Sakaria, yâkât kutņe membuap sâwi.

⁶⁰ Yawu sâņetâ mâmâņane kuyiņgim yuwu sâop. “Bia, kutņe Yoane sâm kunom.” Yawu sâop.

⁶¹ Yawu sâmu yuwu sâm ekuwi. “Âlepņe yat yamâ bukulipge me hep torehenlipge yenġât kut âlâ yawuya ki tap.”

⁶² Yawu sâm kuanņiwi. Otmu “Âwâņane girawu nanņap?” sâm bâtyeņane kai toka otmâ tape kiripi mem wanņbi.

⁶³ Tape kiripi mem wanņetâ yuwu kulemguoop. “Kutņe Yoane sâm kunom,” yawu kulemguoop. Kulemgumu ekmâ nâņgâņetâ âlâ kândâkdâ olop.

⁶⁴ Yawu otmâ Sakariahât lauņe hâreakmu Anitâ mepaeop.

⁶⁵⁻⁶⁶ Yawu otmâ Anitâņe naom ya mâmâņe otbanņim ikņe den biwiņan katmu lohimbi ekyongowuap yakât sâm mepaeop. Kulem yawu teteop yakât nâņgâņetâ sâtņe otmu kapi ambolipņane yakât den pat sâm haok tuhuņetâ lohimbi Yuraia halângen manmâ ariwiņe nâņgâm yuwu sâm alahuwi. “Naom yu lok otbuawân girawu otbuap?” Yawu sâm nâņgâwi.

Sakariaņe Yesuhât sâm ekyongop.

⁶⁷ Sakariaņe Anitâ mepaeop yan Wâtgât mâmâņahât Heakņe biwiņe mem hewewen tuhumu yuwu sâop.

⁶⁸⁻⁶⁹ “Ambonenņe Anitâņe nen lohimbilipņe manman bâleņambâ menenekmâ tihitnenņe otbe sâm tâmbânenņe Dawiti yâkât senâmbâ gâtņe âlâ kânâņgâwuap. Yawu otmâ mâmâņe otbaņgimu yâkņe manman âlepņan katnenekbuap. Yakât otmâ mepaene.

⁷⁰⁻⁷¹ Yâhâ kasalipnenņe nongom itit kiom tuhuningimaihât sârerenenekmâ tihitnenņe otmu mannom.

⁷² Yakât nâņgâm emelâk embâņân tâmbâlipnenņe yeņgât pat kuyiņgiop yakât ki nelâmguop. Ya mem mete tuhum poropetelipņe ekyongomu kulemgowi.

⁷³⁻⁷⁴ Yâhâ yâkņe kasalipnenņe yeņgât bâtyeņambâ menenekmu biwinenņe sânduk sâm tem lâuwaņgim manmâ yâhânomgât pat Awarahamgât kuwaņgiop.

⁷⁵ Yakât otmâ nen Isirae lohimbiņe tem lâuwaņgim ki kiņgittnenņahât otmâ manmâ yâhânom. Yawu otmâ uwawapņe bia manmunņe nenekmu ârândâņ otbuap.” Yawu sâm mepaeop.

⁷⁶⁻⁷⁷ Otmu den âlâ torokatmâ nanņahât yuwu sâm ekyongop.

“Nanne yuņe Kutdânenņe kulet sâwaņgim ari mâtâp mewaņgiwuap. Otmu nenņe orotmemenenņe bâleņe bet pilâm Anitâhâlen biwinenņe kepeimunņe tosanenņe pilâningiwuap yakât den eknongomu nâņgânom. Yakât otmâ lohimbi biwihâlâkņe

yâkât nângânetâ yahatmu “Anitâ yahat yahatne yâkât poropete” sânomai.

⁷⁸ Yakât den âlâen hâum sâmune nângânet. Nen omoŋ bâleŋan dop yawu manmain. Yâhâ emet haŋ sâwe sâm otmap yanâmâ pitu kâmpne papato yaŋe tetemu tatmâ yaŋak emet haŋ sâmap. Emet haŋ sâmu emetsenŋe ga takamap.

⁷⁹ Yakât dopneâk Anitâne kaok nângâningim ikne hoŋ bawa himbimâmbâ hângângumu ge ikne laŋinŋe biwinenŋan pilâmu haŋ sâningimu yâkât mâttâp watmâ yâhâmunŋe manman kârikŋan katnenekbuap. Yawu.”

Sakariane yawu sâm ekyongop.

⁸⁰ Otmu naom ya kâine hâwimu lok otmâ nângân nângânne keterakbaŋgiop. Yawu otmâ âwâne mâmâne pilâyelekmâ ari lok ki manmaiângen manop. Yan ari manmâ Isirae lohimbi hohetyeŋan âwurem taka âi tuhuwuap yakât mambotmâ manop.

2

Yesu teteop.

(Mataio 1:18-25)

¹⁻² Yâhâ Elisapetne nanŋe Yoane miop sâp yan kiap pato âlâ, kutne Kurinio sâm, yâhâmâ Siria lohimbi yengât kunyeŋe pato manop. Otmu Roma lok yengât lok kutdâ âlâ manop, kutne Ahusto sâm. Yâkne puwâk lohimbi amon mansai ya yengât dop nângâwe sâm olop. Yakât otmâ Roma yengât amutgen lohimbi hân âlâen âlâen tatmâ ariwi yengât kutyenŋe kulemgunomaihât den katyŋgim ariop.

³ Yakât otmâ lok kerekne kutyene katne sâm kapiyene tâmbânan ariwi.

⁴⁻⁵ Otmu emelâk embânân Isirae yengât lok kutdâ âlâ manop, kutne Dawiti sâm, yâkne Yuraia hânân kapi âlâ, kutne Betelem, yan teteop. Yawu gârâmâ Ahustone den katyîngiop yan Dawitihât senâmbâ gâtne, lok âlâ, kutne Yosep sâm, yâku yawuâk kapije tâmbânan ariop yamâ yuwu. Yosepgât imbi sâm pat kuwanjiwi, yamâ kutne Maria sâm, yâhâmâ tepdâek manop. Yawu gârâmâ orowâk kapiyetne, kutne Nasaret, Galilaila hânân tap, ya pilâm Betelem hân tâmbânan ariowot.

⁶ Arimutâ omoj otmu kapi yan lombane ari emet iminiwi ya kândikum ariwine gewâk menetâ pik sâop. Yakât otmâ emetgât ekmutâ biatmu bulimakaohât emetjan yâhâ talowot.

⁷ Tatmutâ yanâk naom kâlâpgumu nanne miop. Mem bulimakaone sot kondoân neminiwi yan sângumân katipgum katmu iop.

Lama galemyongom tatbi yakât den pat

⁸ Otmu kapi ya gotjan lok nombotjane bau âlâ, kutne lama sâm, ya galemyongom tatbi.

⁹ Tatjetâ yan Anitâhât anelo âlâne yâk yengâlen tetemu, yâkât lanjinnane siliñ siliñ sâmu ekmâ umutyene ariop.

¹⁰ Umutyene arimu yuwu sâm ekyongop. “Kingityenahât ki otjet. Nâne den âilonjo ekyongowe sâm teteyîngian. Yakât yuwu sâmune nângânet.

¹¹ Anitâne ikne hoj bawa hângângumu ge sârereyekmâ tihityene otbuap sâmâi ya yiwerene Dawitihât kapiân teteap. Yâkât kutne Kiristo.

Yâkņe kutdâyeņe otmâ tihityeņe otbuap yakât nâņgâm lohimbî kiņgitņe orowâkņe heroņe otnomai.

¹² Otmu mâmâņeņe ņaņe ya sâņgumân katipgum bulimakaoņe sot kondoân nemai yan katmu iap ya ari mem tetenomai. Ya mem tetenomai yan den ekyongoan yukât nâņgâņetâ bulâņe otbuap.” Yawu sâm ekyongop.

¹³ Yawu sâm ekyongomu yanâk aņelo kiņgitņe orowâkņe tetem bukuyeņe penewangim yuwu sâm Anitâ kiki mewangim mepaewi.

¹⁴ “Anitâņe lohimbî yekmu ârândân otmap yâhâmâ biwi sânduhân katyekmu buku oraņginomai. Yakât otmâ yeņe heroņe otmâ Anitâ Himbim Amboņe mepaenjet.”

¹⁵ Yawu sâm kiki mewangim mepaem himbimân âwurem yâhâņetâ lama galemguwiņe yuwu sâwi. “Kutdâņe aņelo hâņgâņgumu ge den eknongoap. Yakât otmâ kapiân yâhâm ekne.”

¹⁶ Yawu sâm lama ya katyekmâ kapiân sururuk sâm yâhâ Maria, Yosep, nanyetņe mem teteyekbi. Mem tetem yan Mariaņe nanņe ya sâņgumân katipgum katmu iop ya ekbi.

¹⁷ Ekmâ yan aņeloņe teteyiņgim ņaņe yakât den pat ekyongomu nâņgâwi ya ekyotgowi.

¹⁸ Ekyotgoņetâ nâņgâmutâ âlâ kândâkdâ olop.

¹⁹ Yawu gârâmâ Mariaņeâmâ den ya nâņgâm biwiņan katmâ manop.

²⁰ Yâhâ Anitâhât aņeloņe lama galemņe den ekyongop ya ekņetâ bulâņe otmu yâkņe âwurem ari Anitâ mepaem heroņe otbaņgiwi.

Simion yet Hana yâk yetgât den

²¹ Yesu teteop yakât kakņan hilâm nombolân kalimbu pesuk sâmu hâkņahât undip tuhuwaņgim kutņe Yesu sâmu kunbi. Yâhâ Mariane tepņe ki olop sâp yan aņeloņe tetewaņgim kutņe Yesu sâmu kunbuat sâop ya watmâ kunbi.

Yesuņe Kutdâhât hoņ bawaņgiwuapgât Yosep yet Mariane pat kuwaņgiowot.

²²⁻²⁴ Isirae imbiņe naom meņetâ hepyeņe saņ sâwuap yan salek otmâ mannomaihât Anitâņe Mose den âlâ ekumu kulemgum katyিংgiop yamâ yuwu tap. “Âwâņe mâmâņe kembâ me upu kutulup yâhâp mem hotom unihromawot.” Yawu tap. Den ya lâum Maria yet Yosepņe Yesu lâum Yerusalem kapiân yâhâowot. Yâhâ emelâk Anitâņe Mose den âlâ ekumu kulemguop yamâ yuwu. “Nanlipyeņe kunņe tetenomai yamâ Kutdâhât hoņ bawaņginomaihât pat kuwaņginomai.” Den yâhâp ya lâum Yesu lâum opon kâmbukņan yâhâowot.

²⁵ Sâp yan Yerusalem kapiân lok âlâ manop, kutņe Simion. Yâhâmâ Anitâhât Wâtgât mâmâņahât Heakņe mâmâņe otbaņgimu Anitâhât tem lâuwaņgim uwawapņe bia manmâ gaop. Yawu manmâ Anitâņe ikņe hoņ bawa hângângumu ge Isirae lohimbi tihityeņe otmâ kasalipyeņe watyekmu arinomai yakât mambotmâ manop.

²⁶ Yâhâ emelâk Wâtgât mâmâņahât Heakņe biwiņan kionmu Anitâhât hoņ bawaņe tetem Isirae lohimbi yengât tihityeņe otbuap ya ekbuap yakât nângâm biwi yâhâp ki olop.

²⁷ Aiop, Yosep yet Mariane Yesu lâum opon kâmbukņan yâhâowot sâp yan Wâtgât mâmâņahât Heakņe Simion mem heweweņ tuhumu yawuâk

opon kâmbukņan yâhâop. Yâhâ kinmu Maria yet Yosepņe Anitâhât den lâum Yesu lâum yâhâowot.

²⁸ Yâhâmutâ ekyotgomu nanyetņe waņmutâ lâum yuwu sâm Anitâ mepaeop.

²⁹ “O Kuldâ pato, gâņe nâņgânihirâ yiwerene Isirae nengât tihitnenņe otbuap yâk eksangât biwine huruņ yap. Yakât otmâ inâk ki mum-bom.

³⁰⁻³¹ Yâhâ naom yu pato otmu lohimbi âlâ me âlâņe yâkâlen biwinenņane kepeim mannom yan gâņe nengât tihitnenņe otmâ manman âlepņan mem katnenekdâ manmâ yâhânom.

³² Yâhâ pâku lohimbiņe manman âlepņahât mâtâp ekmâ watnomaihât gâhât laņingane biwiyeņan pilâmu haņ sâyiņgiwuap. Yawu otmâ yâkâlen biwiyeņane kepeim Isirae nengât herone nâņgâninginomai.” Yawu sâop.

³³ Yesu lâum yawu sâm Anitâ mepaemu, âwâņe mâmâņane nâņgâmutâ âlâ kândâkdâ olop.

³⁴ Yawu otmâ Anitâņe yâk yetgât nâņgâyitgiâkgât Simionņe ulitguop. Yawu otmâ mâmâņe yuwu sâm ekuop.

“Sâmune nâņgâ. Nen Isirae lohimbiņe nangahât nâņgâmâmâ hionaknomgât Anitâņe sâm kalop. Nombotņe yâkâlen biwinenņane kepeim manmâ manman kârikņahât pat yakât bulâņe menom. Yâhâ nombotņeâmâ yâk betbangim hiliwahonomaihât pat mannomai.

³⁵ Yawu manņetâ Anitâņe ikņe kai toka sâm senyeņan katmu kinbuap. Katmâ kinmu sâm ge katnomai ya yengât topyeņe mem tetewuap. Yawu gârâmâ kuņetâ mumbuap yan we bâle pato nâņgâwuat. Yawu.” Yawu sâm ekuop.

³⁶ Otmu Simionne den yawu sâm ekuop sâp yanâk imbi sombo âlâ Anitâhât den sâm tetem lohimbi ekyongom manopne mem teteyehop. Imbi sombo yakât topne yuwu. Imbi yakât kutne Ana sâm, yâhâmâ Panue baratne, Asehât senâmbâ gâtne. Yâkne lokneit miakmâ manmutâ yambu 7 pesuk sâmu lokne muop.

³⁷ Lokne mumu ikne kambut manmâ gamu yambu 84 pesuk sâop. Yâhâ imbi sombo yanê omoņe hilâmne opon kâmbukņan tatmâ Anitâ mepaeminiop. Otmu sâp sâsâņan sot barak manmâ ulitguminiop.

³⁸ Otmu yâkne naom ya mem tetem yâku yawuâk Anitâ mepaeop. Otmu Anitâne ikne hoņ bawa hâņgâņumu ge Isirae tihityeņe otmâ kasalipyeņe watyekbuapgât nâņgâm biwiyeņeņe mem manbi ya Yesuhât ekyongop.

³⁹ Yâhâ Maria yet Yosepne Anitâhât den tiņâk lâum hotom uwangimutâ pesuk sâmu opon kâmbukņambâ ge Nasaret kapi Galilaia hânân tawân âwurem ariowot.

⁴⁰ Yan ari manmutâ naom ya Anitâne mâmâņe otbaņgimu kâiņe hâwimu nâņgân nâņgâņe keterahop.

Maria yet Yosepne Yesu dâim Yerusalem kapiân yâhâowot.

⁴¹ Yura yeņgât Tihit tihit Hombaņ ya tâlâhumu Yosep yet Mariane nanyetne orowâk Yerusalem kapiân yâhâwi.

⁴² Sâp yan Yesuâmâ yambuņe kâiân yâhâp otbaņgiop.

43-44 Homban ya ekjetâ pesuk sâmu lohimbi iton galan kapiyenjehen arim kinbi. Sâp yan Maria yet Yosepne nanyetne ki ekmâ lohimbi nombotne orop arap nângâowot. Yawu nângâm yetniâk Yerusalem kapi pilâm âwurem ariowot. Mâtâwân arim tatjetâ njin sâop. Emet njin sâmu bukulipyetne yengâlen ba pâinmutâ bialop.

45 Emet han sâmu yahatmâ Yerusalem kapiân âwurem ari iowot.

46 Imutâ han sâmu pâinmâ opon kâmbuknan yâhâowot. Yâhâ lok Mosehât girem den lohimbi kâsikum yingiminiwi ya yengât denyene nângâm Yesune topjahât âiyongom talop yan mem teteowot.

47 Otmu Yesune yâk orop den huhuwi ya lohimbi yan tatbiñe nângâñetâ âlâ kândâkdâ olop.

48 Yâhâ âwâñe mâmâñeñe mem tetem pârâk pilâowot. Yawu otmâ mâmâñeñe yuwu sâm ekuop. “Net âwâheit pâingekmutne biatmu gorâ kakñan takait. Gâñe wongât otmâ mângâeneleksat?”

49 Sâmu sâop. “Nâñe awoñnahât nep tuhuan ya emelâk nângâmbâwât. Yamâ wongât pâinnekmâ takawot?”

50 Yawu sâmu nângâmutâ ki keterakyitgiop.

51 Yamâ mâmâñeñeamâ nanñahât den ya biwiñan katmâ nângâm gaop.

Yawu otmâ âwâñe mâmâñe orop Nasaret kapiân âwurem ari manmâ tem lâuyitgim manmâ gam kundenñe sânduk sâop.

52 Otmu Anitâñe mâmâñe otbangimu nângân nângânñe keterakmâ henñenguop. Yawu gamu lohimbñe ekjetâ âilongo olop.

3

Yoaneŋe âi topŋe kalop

(Mataio 3:1-12 Mareko 1:2-8 Yoane 1:19-28)

¹ Roma yengât lok kutdâ âlâ, kutŋe Tiwerio Sisa sâŋ, yâk kânâŋgâŋetâ lohimbi kerek nengât kunnenŋe pato otmâ galemyongomu yambu 15 pesuk sâop. Otmu sâp yan kiap âlâ, kutŋe Pontio Pilato sâŋ, yâhâmâ Yuraia ambolipŋe galemyongom manop. Yâhâ lok kutdâ âlâ, kutŋe Herot, yâhâmâ Galilaia ambolipŋe galemyongom manop. Yâhâ imiŋe Pilip, yâhâmâ Ituria otmu Taroniti ambolipŋe galemyongom manop. Yâhâ lok kutdâ âlâ, kutŋe Lisania sâŋ, yâkŋeâmâ Awilene kapi ambolipŋe galemyongom manop.

²Yâhâ Anitâhât opon kâmbukŋan hotom uminiwi ya yengât kunyeŋe lok yâhâp manowot, kutyetŋe Anasi yet Kaipa. Aiop, sâp yan Sakaria nanŋe, kutŋe Yoane sâŋ, yâkŋe lok ki manmaiângen ari manmâ âi topŋe kalop.

³Yan manmu Anitâŋe ikŋe den biwiŋan katmu Yoran to nombot nombot bam gam lohimbi yuwu sâŋ ekyongop. “Orotmemeyeŋe bâleŋe ya kerek betgunŋetâmâ toen katyekbom. Toen katyekmune Anitâŋe tosayeŋe pilâyinŋiwuap.” Yawu sâŋ ekyongop.

⁴Yâhâ emelâk emet inânŋan poropete âlâ, kutŋe Yesaia sâŋ, Anitâŋe yuwu sâŋ ekumu kulempuap tap.

“Lok ki manmaiângen, lok âlâ yan ari manbuap. Lohimbi yâkâlen takanomai ya yuwu sâŋ ekyongowuap. “Lok kutdâhât mâtâp ya mem pitinŋet. Otmu mâtâp mewanŋinŋet.

⁵ Otmu uk sâm huruŋ sâm, pumŋe lauŋe ya kum kilikmâ mem ârândân merândân tuhuŋetâ ya talâk. Otmu mâtâp gongon maŋgon ya heŋgenunomai. Otmu mâtâp gâwikŋe ya mem perereŋ tuhunomai.

⁶ Yawu otmâ Anitâŋe lohimbi kerek yengât tihi-tyeŋe otbe sâm oap yakât topŋe nâŋgânomai.” Yawu sâm ekyongowuap.”

Yesiaŋe den yawu kulemguop tap yakât bulâŋe yamâ Yoanehâlen teteop.

⁷⁻⁸ Yoaneŋe den yawu ekyongop sâp yan lohimbi kiŋgitŋe orowâkŋe yâkŋe toen mem katnenehâk sâm yâkâlen ariwi. Ariŋetâ yekmâ yuwu sâm ekyongop. “Yenâmâ lok perâkŋe. Otŋetâ bâlem gamap yakât matŋe Anitâŋe meŋet sâmu yakât yeŋeâmâ kiŋgityeŋahât otmâ bâleŋe ya pilai mâne âlepŋe otbâp. Yawu gârâmâ den yan yu nâŋgâŋetâ ki ârândân oap.

Yawu otmâmâ yuwu mon nâŋgânomai, “Nenâmâ Awarahamgât komot bulâŋe mansain. Yakât otmâ Anitâŋe nengât ki nâŋgâm bâleningimap.” Yawu ki nâŋgânomai. Yakât yuwu sâmune nâŋgâŋet. Anitâŋe sâmu kât yuŋe Awarahamgât komot tetenomaihât dop tap. Yawu gârâmâ yenâmâ ya imbiâk sâmai. Yakât matŋe hâmbâi menomai.

⁹ Yakât den âlâen hâum sâmune nâŋgâŋet. Emelâk unam sâtŋe katmu tap. Yâhâ nak âlâhât bonŋe ki kinbuap yamâ kârâm panmu ge mum hâlâlân sâmu kâlâpŋe sewuap. Yenâmâ nak yakât dop otmâ mansai.”

¹⁰ Yawu sâm ekyongomu yuwu sâm âikuwi. “Nenŋe wuân otmunŋe ârândân otbuap?”

11 Sâñetâ sâop. “Lok âlâ me âlâ hâk katipñe yâhâp tatyinjiwuapñe bukulipyene âlâ me âlâ umburuk mannomai ya yekmâmâ âlepñe âlâ ya yinjinomai. Otmu sotgât po manmai ya gurâ yawuâk nembe kalem otyinjinomai.” ” Yawu sâop.

12 Yawu sâm ekyongomu takesi meme lok nombotñane yawuâk toen mem katnenehâk sâm yâkâlen taka yuwu sâm âikuwi. “Lok pato, nenñe wuân otmunñe ârândân otbuap ya eknongorâ nâñgâne.”

13 Sâñetâ sâop. Kunlipyenane “Takesihât dop yuwu meñet” sânomai yawuâk menomai. Yeñe andemñe ya wañgim âlâ torokatmâ ki menomai.”

14 Yawu sâm ekyongomu Roma yeñgât tembe lâu yawuâk yâkâlen taka yuwu sâm âikuwi. “Girawu nañgat? Nenñeamâ wuân otmunñe ârândân otbuap?” Yawu sâwi.

Sâñetâ sâop. “Yeñe lok ki mem âlâlâ tuhuyekmâ kombo meyinginomai. Otmu tewetsenñe yinjinjetgât ki hakyenjan sânomai. Otmu âi memai yakât hâmenahât kunlipyenane puluhuyeknomai yakât nâñgâñetâ ârândân otbuap. Yawu.” Yawu sâm ekyongop.

Yoaneñe lohimbi ya Yesuhât ekyongop.

15 Yawu sâm ekyongomu nâñgâñetâ âlâ kândâkdâ otmu nâñgâm yuwu sâwi. “Anitâne ikñe hoñ bawane hâñgângumu ge tihitnenñe otbuap ya Yoane mon?”

16 Yawu sâñetâ nâñgâm yuwu sâm ekyongop. “Yeñe orotmemeyene bâleñe betbañinjetâmâ toen katyebom. Lok âlâ irak betnehembâ âi topñe katbuap yâhâmâ wâtñe pato tatbañiap. Yakât

otmâ nâñe yâkât itâkat ya mem kêpekmâ golewanjiwomgât dop ki tap. Otmu tânguwomgât dop gurâ ki tap. Nâñeâmâ yâkât amutgen manmâ yâhâwom. Yâkñeâmâ Wâtgât mâmânahât Heak hânġângumu ge mem ketetyekbuap. Nombotñe manman âilonġoân mem katyекbuap. Yâhâ nombotñeâmâ hâhiwin kakñan katyекmu mannomai.

17 Otmu den âlâen hâum sâwe. Yeñeâmâ sot ekmâ mem kiwilim komot ikñiâk ikñiâk katmai. Neneñahât pat otmâp ya konohân mem hâwurujetâ tatmap. Yâhâ ki neneñahât pat otmâp yamâ mem pilâmai. Yakât dopñeâk yâkñe taka biwinenñahât topñe ekmâ mem kâsipnongowuap yakât topñe yuwu. Yâkât tem lâum manmâ yâhânom yamâ ikñan mem torokatnenekbuap. Yâhâ nombotñeñe yâkât hâkâñ otmâ betbañġim manmai yamâ watyекmu kâlâwân kionmâ hâhiwin nânġâmbisâi.” Yawu sâop.

18 Yâhâ Anitâñe tihityeñe otbe sâm oap yakât den pat âlepñe ekyongop. Yawu otmâ orotmemeyeñe bâleñe betbañġijet sâm den âlâlâ ekyongom enġatyeñan ġiop.

Herotñe otmâ hilipġuop.

19 Sâp yan lok kutdâ, kutñe Herot sâm, yâkñe imiñahât betñehen kionmâ kahañe, kutñe Herotia sâm, ya miop. Otmu orotmeme bâleñe topñe topñe otmâ ġaop. Yakât otmâ Yoaneñe ekmu bâlemu yakât ġirem den ekuop.

20 ġirem den ekuop ya nânġâmu bâlemu imbiâk mem pâi emetñan katmu talop. Yawu otmâ tosa âlâ miop.

*Yoaneŋe Yesu mem toen kalop.
(Mataio 3:13-17 Mareko 1:9-11)*

²¹ Yoaneŋe toen mem katnenehâk sâŋ lohimbî kiŋgitŋe orowâkŋe yâkâlen ariwi. Yâkâlen ariŋetâ toen mem katyehop. Sâp yan Yesu gurâ yawuâk yâkâlen ariop.

²² Arimu toen mem katmu Anitâ mepaeop. Yawu otmu himbim pâroŋ sâmu Anitâhât Wâtgât mâmâŋahât Heakŋe kembâ hâtgum Yesu kakŋan ge mâmâŋe otbaŋgiop. Yawu otmu himbimâmbâ Anitâŋe yuwu sâop. “Gâ nine nanne kambiamne. Nâ biwinanŋe gâhâlâk nâŋgâm kepeihekman.” Yawu sâop.

*Yesuhât tâmbâliphâhât kutyeŋe
(Mataio 1:1-17)*

²³⁻³⁸ Topŋe katmâ Anitâŋe Atam Ewa katyelehop. Atamgât nanŋe, Set sâŋ, ya teteop. Setgât nanŋe, Enosi sâŋ, ya teteop. Enosihât nanŋe, Kenan sâŋ, ya teteop. Kenangât nanŋe, Mahalali sâŋ, ya teteop. Mahalalihât nanŋe, Yaret sâŋ, ya teteop. Yaretgât nanŋe, Enok sâŋ, ya teteop. Enokgât nanŋe, Metusela sâŋ, ya teteop. Metuselahât nanŋe, Lamek sâŋ, ya teteop. Lamekgât nanŋe, Noa sâŋ, ya teteop. Noahât nanŋe, Sem sâŋ, ya teteop. Semgât nanŋe, Arapasat sâŋ, ya teteop. Arapasatgât nanŋe, Kenan sâŋ, ya teteop. Kenangât nanŋe, Sela sâŋ, ya teteop. Selahât nanŋe, Ewe sâŋ, ya teteop. Ewehât nanŋe, Pelek sâŋ, ya teteop. Pelekgât nanŋe, Lahau sâŋ, ya teteop. Lahauhât nanŋe, Seruk sâŋ, ya teteop. Serukgât nanŋe, Neho sâŋ, ya teteop. Nehohât nanŋe, Tara sâŋ, ya teteop. Tarahât

nanje, Awaraham sâ, ya teteop. Awarahamgât nanje, Isaka sâ, ya teteop. Isakahât nanje, Yakop sâ, ya teteop. Yakopgât nanje, Yura sâ, ya teteop. Yurahât nanje, Peresi sâ, ya teteop. Peresihât nanje, Hesoron sâ, ya teteop. Hesorongât nanje, Arani sâ, ya teteop. Aranihât nanje, Aramin sâ, ya teteop. Aramingât nanje, Aminarap sâ, ya teteop. Aminarapgât nanje, Nason sâ, ya teteop. Nasongât nanje, Salamon sâ, ya teteop. Salamongât nanje, Boasi sâ, ya teteop. Boasihât nanje, Owet sâ, ya teteop. Owetgât nanje, Yese sâ, ya teteop. Yesehât nanje, Dawiti sâ, ya teteop. Dawitihât nanje, Natan sâ, ya teteop. Natangât nanje, Matat sâ, ya teteop. Matatgât nanje, Mena sâ, ya teteop. Menahât nanje, Melia sâ, ya teteop. Meliahât nanje, Eliakim sâ, ya teteop. Eliakingât nanje, Yonam sâ, ya teteop. Yonamgât nanje, Yosep sâ, ya teteop. Yosepgât nanje, Yura sâ, ya teteop. Yurahât nanje, Simion sâ, ya teteop. Simiongât nanje, Lewi sâ, ya teteop. Lewihât nanje, Matat sâ, ya teteop. Matatgât nanje, Yorim sâ, ya teteop. Yoringât nanje, Eliese sâ, ya teteop. Eliesehât nanje, Yosua sâ, ya teteop. Yosuahât nanje, Ere sâ, ya teteop. Erehât nanje, Elimatam sâ, ya teteop. Elimatamgât nanje, Ati sâ, ya teteop. Atihât nanje, Meliki sâ, ya teteop. Melikihât nanje, Neri sâ, ya teteop. Nerihât nanje, Salatie sâ, ya teteop. Salatiehât nanje, Seruwawe sâ, ya teteop. Seruwawehât nanje, Lesa sâ, ya teteop. Lesahât nanje, Yoanan sâ, ya teteop. Yoanangât nanje, Yota sâ, ya teteop. Yotahât nanje, Yosek sâ, ya teteop. Yosekgât

nanje Semen sâ, ya teteop. Semengât nanje, Matatia sâ, ya teteop. Matatihât nanje, Mata sâ, ya teteop. Matahât nanje, Nahai sâ, ya teteop. Nahaihât nanje, Esili sâ, ya teteop. Esilihât nanje, Nahum sâ, ya teteop. Nahumgât nanje, Amosi sâ, ya teteop. Amosihât nanje, Matatia sâ, ya teteop. Matatihât nanje, Yosep sâ, ya teteop. Yosepgât nanje, Yanai sâ, ya teteop. Yanaihât nanje, Meliki sâ, ya teteop. Melikihât nanje, Lewi sâ, ya teteop. Lewihât nanje, Matat sâ, ya teteop. Matatgât nanje, Eli sâ, ya teteop. Elihât nanje, Yosep sâ, ya teteop. Otmu Yosepgât yuwu nângâm hilipguwi. “Yosepgât nanje, Yesu sâ, ya teteop.” Yawu gârâmâ Yesu ya Anitâne himbimâmbâ hângângumu ge manop. Otmu Yesune manmu yambu 30 otbanjimu nep topne kalop.

4

*Satanne Yesuhât biwiñahât topne ekbe sâ olop.
(Mataio 4:1-11 Mareko 1:12-13)*

¹ Anitâhât Wâtgât mâmâñahât Heakne Yesu mâmâne otbanjimu Yoran to ya pilâm lok ki manmaiângen ariop.

² Yan ari sot barak manmâ gamu hilâm 40 pesuk sâop. Sotgât po wanjimu wâtne houñ sâop.

³ Yawu otmu Satanne biwiñahât topne nângâwe sâ yuwu sâ ekuop. “Gâ bonñanâk Anitâhât nanje mansat otmuâmâ kât yu sârâ sot otmu nendâ gekbe. Yawu otdâ yanâmâ gâ bonñanâk Anitâhât nanje bulâne mansat sâwom.” Yawu sâ ekuop.

4 Sâmu sâop. “Âlepņe yarâke yamâ benņe An-itâhât den âlâ yuwu tap.

“Anitâņe haonmâ ârândâņ tihitnenņe otmâp. Yawu gârâmâ sotņak konok wâtnenņe miangim manmâ yâhânongât dop ki tap. Yamâ wongât? Anitâņe den sâm ningimap ya gurâ lâum yâhânôm. Yawu otmunņe ârândâņ otbuap yakâ.”

Den yawu tap yakât otmâ gâņe den eknohoat ya ki nâņgâwom.” Yawu sâop.

5 Yawu sâmu pumņe gip gipņan dâim yâhâop. Dâim yâhâm yanâmâ hânņe hânņe lok kutyeņe pato ya yeņgât senņe âlâlâ dondâ tatyinņiop ya tiripgum yuwu sâm ekuop.

6 “Senņe âlâlâ tatmâ arap enda eksat? Nâņe yukât kunyeņe manman. Otmu yu kerek nâhât pat oap. Yakât otmâ lok âlâ me âlâņe galemyeņe katnek sâm eknohonomai yamâ âlepņe galemyeņe katbom. Yamâ nâhât wahap.

7 Yakât otmâ gâņe nâ mepaenekbuat yanâmâ galemyeņe katgekmune senņe âlâlâ yu gâhâlâk hârok otbuap.” Yawu sâop.

8 Sâmu sâop. “Maiņ, Anitâņe den âlâ sâop ya yuwu tap.

“Anitâ pato konohâk tap. Yâk konok mepaenom. Otmu yâkât den konohâk tem lâum hoņ bawanņim mannom.”

Den yawu tap. Yakât otmâ gâņe den eknohoat ya lâuwomgât dop âlâ ki tap.” Yawu sâop.

9-11 Yawu sâmu yanâk Satanņe dâimu Yerusalem kapi pato yakât opon kâmbukņahât gimbâņan yâhâowot. Yâhâm Satanņe yuwu sâm ekuop. “An-itâņe sâmu den âlâ kulemgowi ya yuwu tap.

“Kâlân kâihan tenj sâmapgât Anitâņeâmâ aņelolipņe hânġânyongomu ge tihitge otņetâ ki hiliwahowuat.”

Den yawu tap. Yawu ġârâmâ ġâmâ bulânânâk Anitâhât nanņe mansat otmuâmâ yupâ soņ pilâm kioņ. Kioņdâ ki gohowuap. Yâhâ gekmâ yuwu nânġâwom. “O, bulânânâk lok yuâmâ Anitâhât nanņe mansap.” Yawu sâwom.”

¹² Sâmu purik pilâwanġim sâop. “Bâiņ, den âlâ yuwu tap.

“Anitâņe tihitnenņe otmap. Yakât otmâ “Ihilâk otbe,” ki sânom.”

Den yawu tap yakât otmâ ġâņe den eknohoat ya nânġâmune tâņât oap.” Yawu sâop.

¹³ Yawu sâmu Satanņe pilâm sâp ġirawuân topņe mem tetewom nânġâm manop.

Yesuņe topņe katmâ den kâsikum yinġiop.

(Mataio 4:12-17 Mareko 1:14-15)

¹⁴ Anitâhât Wâtġât mâmânġahât Heakņe Yesu mâmâņe otbaņgimu lok ki manmaiânġembâ Galilaia hânân âwurem ariop. Âwurem ariop yakât den pat kapi ambolipņe sâp haok tuhuņetâ kapi tipi tapi tatmâ arap ya ambolipņe kerekņe nânġâwi.

¹⁵ Yawu otmâ miti emetņe ârândân ari den kâsikum yinġimu heroņe otbaņgiwi.

Nasaret kapi ambolipņe Yesuhât nânġâņetâ ġiop.

(Mataio 13:53-58 Mareko 6:1-6)

¹⁶ Yawu otmâ ikņe kapi Nasaret yan ariop. Otmu tatmâ nânġâ nânġâ sâp ârândânâk miti emetņan yâhâ Anitâ mepaeminiop yawuâk olop. Emelâk

Anitâñe poropetelipñe ekyongomu Miti pepaen kulemguwi ya sâlikuwe sâñ yahatmâ kinop.

17 Yahatmâ kinmâ poropete Yesaianje pepa kulemguop ya wañetâ miop. Mem gahaem ekmâ den yuwu kulemguop ya mem teteop.

18-19 “Kutdâhât Wâtgât mâmâñahât Heakñe mâmâñe otnihim âi yuwu sâñ nihiop. Lohimbi biwiyene orotok sâñu mansai ya yengâlen ari den pat âlepñe ekyongowom. Yâhâ lohimbi umatñe kakñan mansai yâk holañyekbom. Yâhâ lohimbi senyene bok sâsâñe ya hengemyongomune senyene hâreakmu eknomai. Yâhâ lohimbi mem âlâlâ tuhuyekñetâ hâhiwin nâñgâmai ya mem hewewen tuhuyekmune biwi herone nâñgânomai. Yâhâ Kutdâñe lohimbi nâñgâyingim tihityene otmâ manman âlepñan katyekmu manmâ herone nâñgâwanjinomai yakât sâp tâlâhuap yakât den pat ekyongowom. Yawu.”

20 Den ya sâlikum pepa ya mem gonjongum hon bawa âlâ wañmâ ge talop. Ge tatmu miti emetñan tatbi kerekñe denñe nâñgâne sâñ ândâp katbi.

21 Ândâp katñetâ yuwu sâñ ekyongop. “Den sâlikum ekyongomune nañgai yukât bulâñe yiwereñe teteap.”

22 Yawu sâñ ekyongomu yâkât nâñgâñetâ yahatmu den âilongo eknongoap sâñ nâñgâñetâ âlâ kândâkdâ olop. Yawu olowâke yamâ nombotñane yâkât nâñgâñetâ gemu yuwu sâwi. “O yu Yosep nanñe yukâ.”

23 Yawu sâñetâ yuwu sâñ ekyongop. “Hâmbâi

yeŋe yuwu sâŋ eknohonomai. “Lohimbi heŋgemyongomat gârâmâ gike tânaŋo.” Otmu den âlâmâ yuwu sâŋ eknohonomai. “Kapanaum kapiân kulem mem gat yakât den pat sâŋetâ nâŋgâmain. Yukât otmâ yuân yawuâk mendâ ekne.” Yawu sâŋ eknohonomai.

²⁴ Yakât otmâ yuwu sâŋmune nâŋgâŋet. Anitâhât poropetelipŋaŋe kapi âlâen ari yâkât den kâsikum yinŋiŋetâ nâŋgâŋetâ bulâŋe otmap. Yâhâ yâk hep torehenlipyene den kâsikum yinŋiŋetâ nâŋgâŋetâ tâŋât otmap.

²⁵ Yakât den âlâ torokatmâ sâŋmune nâŋgâŋet. Emelâk Anitâhât poropete, Isirae lok âlâ, kutŋe Elia sâŋ, ya manop. Sâp yan emet pato kinmu yambu kalimbu otmu emetsenŋe nombolân konok ya pesuk sâop. Yawu otmâ sot biatmu lohimbi kerekŋe poyeŋahât otmâ manbi.

²⁶ Otmu sâp yan Isirae lohimbi yeŋgâlen imbi kambut sesenŋâlâk manbiâke yamâ Anitâŋe Elia ekumu ikŋe kapi pilâm Sarepat kapi Siron hânân tap yan imbi kambut âlâ manop yâkâlen ariop. Yâkâlen arimu Anitâŋe kambut ya tângumu yâkŋe Elia sot um waŋminiop.

²⁷ Den âlâ torokatmâ sâŋmune nâŋgâŋet. Anitâhât poropete âlâ, kutŋe Elisa sâŋ, manop, sâp yan Isirae kapi ambolipŋe sesenŋâlâkŋe hâk bâle otbi. Otmu yâk yeŋgâlen gâtŋe ki âlepŋe otbi. Yâhâ lok âlâ, kutŋe Naman sâŋ, yâhâmâ Siria hânân gâtŋe, yâk konok âlepŋe olop.” Yawu sâŋ ekyongop.

²⁸ Yawu sâŋ ekyongomu miti emetŋan tatbiŋe nâŋgâŋetâ bâlemu kuk bâleŋe otbi.

²⁹ Yawu otmâ yahatmâ kapi betŋehen hem bâleŋe tap yapâ hâpuŋetâ giâkgât Yesu mem gewi.

30 Mem gewi yamâ Anitâñe mâmâñe otbañgimu pilâyekmâ âlâengen ariop.

*Yesuñe Kapanaum kapiân ari den kâsikum yinñgiop.
(Mareko 1:21-28)*

31 Yapâ pilâyekmâ kapi âlâ Galilaia hânân tap, kutñe Kapanaum sâm, yan ariop. Otmu tatmâ nâñgâ nâñgâ sâp âlâen miti emetñan yâhâ den kâsikum yinñgiop.

32 Den kâsikum yinñgimu nâñgâñetâ âlâ kândâkdâ otmu yuwu sâwi. “Lok yuñe Anitâhât sâtñgât otmâ den kâsikum ningiap. Nâñgâmunñe yawu oap.” Yawu sâwi.

33-34 Yâhâ lok âlâ weke bâleñeñe mem mângâemu manminiop yañe miti emetñan tatmâ Yesuhât denñe nâñgâop. Yawu otmâ weke bâleñeñe biwi nâñgân nâñgânñe mem purik pilâmu kârikñan halahum yuwu sâop. “Bâe, Yesu Nasaret amboñe. Gâ wongât nâhâlen takat? Hilipnohowe sâm takat me? Gâhât topge nanñan. Gâmâ Anitâhât nanñe bulâñe mansat. Otmu Anitâñe hâñgâñgohomu nâ bukulpne orowâk hilipnongowe sâm gion.” Yawu sâop.

35 Yawu sâmu yuwu sâm sâwañgiop. “Kâmbukñe. Gâ gaiakmâ ba ari.” Yawu sâmu weke bâleñe yañe gaiakmâ ba arimu lok ya senñe gâwâñ gâwâñ sâmu launñe barakñanak pato otmâ ge iop.

36 Yawu otmâ ge imu ekñetâ sâtñe otmu yuwu sâm alahuwi. “Bâe, wâtñe pato tatbañgiap yakât otmâ weke bâleñe sâwañgimu tem lâuwañgim gaiakmâ ba arap.” Yawu sâwi.

³⁷ Yakât den pat ya sâm haok tuhuñetâ kapi nombot nombot huhum liñgarakmâ arimu lohimbi kinñitñe orowâkñe nânğâwi.

*Yesuñe sâmu Simon hewunñe âlepñe olop.
(Mataio 8:14-17 Mareko 1:29-34)*

³⁸ Yesuñe yahatmâ miti emetñambâ gem ariop. Ari lok âlâ, kutñe Simon Petoro, yâkât hewunñe mesek pato kumu hâkñe kâlâp otmu im talop. Yakât ekuñetâ emelan yâhâop.

³⁹ Emelan yâhâm ekmâ yan mesek ya sâwanğimu hâkñe sânduk sâop. Yawu otmu imbi yanñe yahatmâ sot um yinğimu newi.

⁴⁰ Um yinğimu nem tatñetâ emetsenñe purik sâop yan sombemân yâhâ kinop. Kinmu kapi ambolipñe kundat âlâlâ otbi ya lâuyekmâ yâkâlen ariwi. Yawu otñetâ kunyeñan mem henğemyongop.

⁴¹ Otmu weke bâleñe watyekmu gaiakmâ ari kârıkñan halahum yuwu sâwi. “Gâ Anitâhât nanñe.” Yawu sâwi yakât otmâ Yesuhât topñe sâm tetem lohimbi ekyongomaihât kuyinğiop.

*Yesuñe den pat âlepñe ya Yuraia lohimbi ekyongop.
(Mareko 1:35-39)*

⁴² Emet hañ sâmu emelambâ gem lok biaengen ariop. Arimu kapi ambolipñanñe pânñetâ biatmu kapi ya pilâm betñan watmâ ariwi. Ari mem tetem pilânenekmâ âlâengen arimap sâm mem alitbi.

⁴³ Mem alitñetâ yuwu sâm ekyongop. “Nâ kapi ârândânğ ari Anitâhât den kâsikum yinğimune lâum mannomai yakât hânğânnohomu gewan.” Yawu sâop.

44 Yawu sâṁ Yuraia hânân kapi tipi tapi tatmâ arap yan ari miti emetṅe ârândân yâhâm gem den kâsikum yingiop.

5

Yesuṅe hoṅ bawalipṅe nombotṅe meyeṅeṅe.
(Mataio 4:18-22 Mareko 1:16-20)

¹ Hilâm âlâen Yesuṅe Genesaret deṅgân ginṅan ari kinop. Ari kinmu lohimbi dondâṅe Anitâhât den nâṅgâne sâṁ yâkâlen ari mem hawam mewam tuhuwi.

² Yawu otṅetâ waṅga yâhâp talop yakât ambolipṅane waṅgaembâ gem inṅan itâṅe pirim kinbi.

³ Pirim kinṅetâ Yesuṅe lok âlâ, kutṅe Simon sâṁ, yâkât waṅgaen yâhâm yuwu sâṁ ekuop. “Ga puli kuṅetâ endun bane.” Yawu sâṁu puli kum endun baṅetâ lohimbi yaṅe deṅgân ginṅan ge tatbi. Ge tatṅetâ Yesuṅe yahatmâ waṅga hâṁeṅan yâhâ kinmâ den kâsikum yingiop.

⁴ Den kâsikum yingimu pesuk sâṁu Simon yuwu sâṁ ekuop. “Deṅgân tânâṁṅan ba inṅan itâṅe pilâṅetâ gemu inṅan dondâṅe yakât kâlehen kutakulakṅetâmâ mem dâiṅetâ gawuap.”

⁵ Sâṁu sâop. “Lok pato, nenṅe omoṅe inṅan itâṅe pilâmunṅe giap yamâ inṅan âlâ ki miain. Yawu gârâmâ gâhât den ya lâum yâhâpṅe ba inṅan itâṅe ihilâk pilâmunṅe gewuap.” Yawu sâop.

⁶ Yawu sâṁu inṅan itâṅe pilâṅetâ gemu inṅan dondâhâlâk yakât kâlehen kutakulakṅetâ mem dâiṅetâ tiririk sâṁ tok sâwe sâṁ olop.

⁷ Tok sâwe sâṁ otmu yaṅak benṅe bukulipyenṅe waṅga âlâen kinbi ya sâṅetâ ga tânyongowi.

Tânyongonjetâ inĵan itâŵe ya mem dâinjetâ wanĵa yâhâp pik sâmu guhulakde sâm olowot.

8-10 Yawu otmu Petoro otmu bukuyâhâtŵe, imi ata, kutyetŵe Yakowo yet Yoane, Yeweri nanyâhâtŵe, yâkŵe inĵan dondâ ya ekŵetâ âlâ kândâkdâ olop. Ekŵetâ âlâ kândâkdâ otmu yakât otmâ Simon Petoroŵe Yesu mepaem yuwu sâop. “Mainĵ, Kutdâ, mat oarâke. Gâmâ lok âlepŵe. Yawu gârâmâ nâmâ lok bâleŵe. Yakât otmâ nâŵe hâmehan kinbomgât dop bia.”

Sâmu sâop. “Biwi yâhâp ki ot. Yiwerenĵe inĵan dâiat. Yâhâ hâmbâi lok meyekdâ nâhâlen bi-wiyenĵe kepeim mannomai.”

11 Yawu sâm ekumu puli kuŵetâ wanĵa ya denĵân ginĵan yâhâmu yan âiyenĵe pilâm Yesuhâlen torokatŵetâ orowâk manbi.

Lok âlâ hâk bâle tetewanĵimu manop ya Yesuŵe henĵenĵuop.

(Mataio 8:1-4 Mareko 1:40-45)

12 Yesuŵe kapi ya pilâm âlâen arimu lok âlâ hâk bâle kârikŵe tetewanĵimu manopŵe Yesu ekmâ yan gotŵan bam yuwu sâm âikuop. “Lok pato, gâŵe sârâ kundat topŵe topŵe biatningiwuapgât dop tap. Yawu sâŵetâ nanĵan. Yakât otmâ nânĵânihirâ hâk bâle yuŵe pesuk sânihiâkgât nanĵan.” Yawu sâm âikuop.

13 Sâmu sâop. “Nânĵâhiihan. Âlepŵe, walipgohomune hâk bâle biatgihiâk.” Yawu sâm walipgumu yanâk biatbanĵimu âlepŵe olop.

14 Yawu otmu Yesuŵe yuwu sâm ekuop. “Gâ otgiihan yukât den pat bukulipge ki ekyongowuat. Hotom umai yenĵâlen konok ari ekyongowuat.

Ekyongom yan Moseŋe hotom u uhât girem den kulempuop ya watmâ kinmâ Anitâhât hotom umbuat. Hotom umbuat ya ekmâmâ lohimbiŋe hâk bâle biatgihiap yukât topŋe nâŋgânomai.” Yawu sâm ekumu ariop.

¹⁵ Yapâ ari iliwetmâ den pat ya sâm haok tuhuop. Sâm haok tuhumu den pat ya lîngarakmâ kapi ârândâŋ arimu lohimbi kiŋgitŋe orowâkŋe Yesuhât den nâŋgâne sâm yâkâlen ariwi. Yâhâ lohimbi kundat otbi gurâ Yesuŋe mem heŋgemnongoâk sâm yâkâlen ariwi.

¹⁶ Yâkâlen ari mem hawam mewan tuhuŋetâ yakât pilâyekmâ lok biaengen ari Anitâ orop den olowot.

*Yesuŋe lok pareŋe yâkât tosaŋe pilâwanŋiop.
(Mataio 9:1-8 Mareko 2:1-12)*

¹⁷ Hilâm âlâen Yesuŋe lohimbi den kâsikum yîŋgiop. Yawu otmu Parisaio lok otmu Mosehât girem den kâsikum yîŋgiminiwi ya nombotŋe kapi âlâlâ Galilaia otmu Yuraia hânân tatmâ arap ya pilâm yâkâlen ariwi. Yâhâ nombotŋe âlâmâ Yerusalem kapi pato yapâ ariwi. Kapi âlâlâ ya pilâm lohimbi yâk yeŋgâlen ari tatmâ yâk orop oset guset otmâ kinbi. Yawu otŋetâ Anitâŋe Yesu mâmâŋe otbaŋgimu lohimbi heŋgemyongowuapgât dop teteop.

¹⁸ Sâp yan lok pareŋe âlâ mem gerelân katmâ lâum yâkâlen ariwi. Lâum arîŋetâ lohimbi dondâŋe emet umbiŋan kinmâ mâtâp maŋguyîŋgiwi.

¹⁹ Mâtâp maŋguyîŋgiŋetâ yakât otmâ yâk yeŋgâlen hâum pâpguwi. Hâum pâpgum mâtâpgât pâinmâ emet gimbâŋan getek getek lâum yâhâwi.

Yâhâ emet gimbâñe mem kusatmâ mem katñetâ lohimbi hohetyeñan Yesuhât gotñan giop.

²⁰ Otmu Yesuhâlen biwiyenaje kepeiwi yakât topñe ekmâ lok pareñe ya yuwu sâm ekuop. “Anitâñe tosahe yiwerenje pilâhihiap.”

²¹ Yawu sâmu Mosehât girem den kâsikum yingiminiwi otmu Parisaio yâkñe nâñgâñetâ bâlemu biwiyenaje ekmâ yuwu sâm ekyongop.

²² “Yeñe nâ nekñetâ lok bâleñe otmune biwiyenaje yawu nañgai. Yakât nâñgâmune ki ârândân oap.

²³ Wuân âi tuhumune ekñetâ dopñan otbuap? Yuwu mon sâm ekuwom. “Nâñe tosahe pilâhihian.” Yawu sâwom me? Me “Gâ getek yahatmâ geretge lâuakmâ ari,” sâwom.

²⁴ Yakât nine topñe yuwu sâmune nâñgâñet. Nâ Anitâñe hâñgâñnohomu gewangât tosayenje pilâyingim mansan. Anitâñe âi sâm nihiop yukât topñe ekmâ nâñgâñetgât oan.” Yawu sâm ekyongop.

Yawu sâm ekyongom topñe ekmâ keterakñetgât lok pareñe ya yuwu sâm ekuop. “Gâ yahatmâ geretge lâuakmâ emetgan ari.” Yawu sâop.

²⁵ Yawu sâmu in yawu yahatmâ Anitâ mepaem geretñe lâuakmâ emetñehen ariop.

²⁶ Arimu lohimbi hâlânñmâ kinbiñe Yesuñe Anitâhât wâtñan kinmâ nep miop ya ekñetâ âlâ kândâkdâ otmu Anitâ mepaem yuwu sâwi. “Âun yukârâmâ wahap ki orotñe tetemu eksain.” Yawu sâwi.

*Yesuñe honj bawañe âlâ miop ya kutñe Lewi.
(Mataio 9:9-13 Mareko 2:13-17)*

²⁷ Otmu Yesuņe emelambâ gem ariop. Ari takesi meme lok âlâ, kutņe Lewi sâmu, yâkņe tewetsenņe emetņan tatmu ehop. Tatmu ekmâ yuwu sâmu ekuop. “Ga. Nâhâlen torokatdâ orowâk mandehât nanņan.”

²⁸ Yawu sâmu ekumu Lewiņe tewetsenņe meminiop ya pilâm yahatmâ Yesuhâlen torokatmu orowâk ariowot.

²⁹ Yawu otmâ Lewiņe Yesuhât heronņe nâņgâwanņim dâimu emetņan yâhâowot. Emetņan yâhâmutâ takesi meme lok otmu lok nombotņe meyekmu gaņetâ sot pato uyiņgimu newi.

³⁰ Nem tatņetâ Parisaio lok otmu Mosehât girem den kâsikumu yingiminiwiņe belângen kinmâ yekmâ nâņgâņetâ bâlemu hoņ bawalipņe yuwu sâmu âiyongowi. “Wongât Yesuņe takesi meme lok otmu lok bâlene yu orop menduhuakmâ lau konok niai?”

³¹ Yawu sâmu âiyongonņetâ Yesuņe den ya nâņgâmu Parisaio yuwu sâmu ekyongop. “Den âlâen hâmu sâmune nâņgâņet. Lok mesekyene bianņe dokta yengâlen ki arimai.

³² Yâhâ lok kundatyene orop me hâhiwin teteyiņgimap yaņe konok dokta yengâlen arimai. Yakât topņe yuwu sâmune nâņgâņetâ keterahâk. Yengâlen gâtņe nombotņane yuwu sâmai. “Nen lok âlepņe, nen orotmemenenņe âilonņo dondâ otmâ mansain.” Yawu sâmu pâlâmņe manmai. Lok yawuya yengât sâmu ki gewan. Yene lok bâlene sâmu kewilâyekņetâ belângen manmai yawuane orotmemeyene bâlene pilâm Anitâhâlen biwiyeņane kepeim denņe lâmu bulâne mem tetenjetgât gewan.” Yawu sâop.

*Yesuhât honj bawalipņe sot barak ki manminiwi.
(Mataio 9:14-17 Mareko 2:18-22)*

³³ Yesuņe den yawu sâṁ ekyongomu lok nombotņañe yuwu sâṁ ekuwi. “Yoane bukulipņe otmu Parisaio lok nombotņañe Anitâhât âi menehât nâņgâm yâkâlen biwiyeņañe hikum sot barak manmâ Anitâ mepaem manmai. Yamâ gâhât honj bawalipgaņeâmâ sot kutakamai.”

³⁴ Sâņetâ sâop. “Yakât den âlâen hâum sâṁune nâņgâņet. Lok patoņe imbi miakbe sâṁ bukulipņe meyekmu orowâk tatmâ sot um nem heroņe ot-nomai. Heroņe otnomaiân sot barak ki tatnomai. Yâhâ hâmbâi mâne kasalipyeņañe taka bukuyeņe kuņetâ mumbuap yanâmâ eņgat hako nâņgâm sot barak mannomai.

³⁵ Yakât yuwu sâṁune nâņgâņet. Yiwerenjeâmâ nâ orowâk mansain yakât otmâ sot barak ki mansai. Hâmbâi mâne nâ nohoņetâ mumbom sâp yan eņgat hako nâņganomai.” Yawu sâop.

³⁶ Otmu orotmeme embâņân otminiwi ya otmu ikņe orotmeme âiņe kâsikum yingiop yaņe ki lâuahop. Yakât otmâ yâhâp yâhâp menduhum lâunomaihât dop ki olop. Yakât topņe nâņgâņetâ keterahâkgât den âlâen hâum yuwu sâṁ ekyongop. “Nen sot me salup me âlâlâ une sâṁ hâpu golâenâk mânuņmâ titâkum umain. Gârâmâ hâpu tekaņan mânuņmâ kâlâwân katmain yamâ hâpu tekaņe ya sem huhumu sot ya golâ kinmap.” Yawu sâop.

³⁷ Otmu den âlâen hâum yuwu sâop. “Imbi âlâņe lepa dorokum tâk masipguwuap. Masipgum katmu tatmâ hâņgiņe otbuap. Yâhâ yakât kakņan tâk âiņe orop menduhum lowaim iri osowuap.

Iri osom senje âlâlâ mânunbuap yan dâimu tiririk sâmu tok sâwuap.

³⁸ Yakât otmuâmâ nenje tâk âinajak menduhum lowaimain. Yawu otmain yanâmâ senje âlâlâ umatje mânunnomân yamâ dâimu njirik njirik sâmi ki tok sâwuap. Yâhâ hângeje otmu âije menduhunom yamâ dâimu titâk sâwuap. Yamâ ki orotje.

³⁹ Otmu yuwu sâmune nângejet. Imbilip-nenjanje senje âlâlâ mem iri âinan mânunmâ hikâm arimai ya lândem iri hângeje bâlejan ki mânunmâ hikâm arimai. Iri âinjahâlâk nângeimai. Yawu.” Yawu sâop.

6

Yesu honj bawalipje orop tatmâ nânge nânge sâp ya kuwi.

(Mataio 12:1-8 Mareko 2:23-28)

¹ Tatmâ nânge nânge sâp âlâen Yesu otmu honj bawalipje âi kalam biwinjambâ gem ariwi. Gem ari mâtâp tânâmnan po irik irik yingiop. Yawu otmuâmâ buku nombotje yengât kalamân sot talop ya mem newi.

² Mem nejetâ Parisaionje yekmâ Yesu yuwu sâmi âikuwi. “Mosenje girem den kulemguop ya lâum âun yu tatmâ nângein. Yakât girawu otmuâmâ honj bawalipganje bukulipyenje yengât kalamâmbâ sot mem niai? Ya otjetâ yekmunje bâleap. Yakât otmâ gâje kuyingirâ âlâku ki otnomaihât nângein.” Yawu sâwi.

³⁻⁴ Yawu sânetâ purik pilâyingim sâop. “Emelâk embânân Dawitje olop yakât den pat sâlikum ki nângein henjengumai. Yakât topje nângejetâ keterahâkgât yuwu sâmune nângejet. Dawitje

olop sâp yan hotom uwi ya yengât lok kunje âlâ manop, kutje Awiata sâm. Sâp yan Anitâhât hotom um manbiŋe baŋga tuhum Anitâhât pat sâm katminiwi ya yâkŋe konok neminiwi. Lok inŋeâmâ bia. Hilâm âlâen Dawiti otmu ikŋe tembe lâulipŋe sotgât bâlenjetâ yan ikŋak Anitâhât miti emetŋan yâhâop. Yâhâmâmâ Awiataŋe sot kâmbukŋe sâm kalop ya ihilâk mem niop. Mem nem nombotŋe talop ya mem tembe lâulipŋe ge kâsikum yinŋimu newi.

⁵ Yâhâ Anitâŋe hânŋânnohomu ge mansan nâmâ tatmâ nânŋâ nânŋâ yakât amboŋe. Otmu yakât bonŋeâmâ nâŋe konok mem teteman.” Yawu sâm ekyongop.

Tatmâ nânŋâ nânŋâ sâp âlâen Yesuŋe lok âlâ heŋŋeŋguop.

(Mataio 12:9-14 Mareko 3:1-6)

⁶ Tatmâ nânŋâ nânŋâ sâp âlâen Yesuŋe miti emetŋan yâhâm den kâsikum yinŋiop. Yâhâ lok âlâ bātŋe bonângen mum pâlâmŋe olop yan tatmu ehop.

⁷ Yawu gârâmâ “Tatmâ nânŋâ nânŋâ sâpŋan Yesuŋe lok pareŋe ya mem heŋŋeŋguwuap me bia?” sâm Parisaio lok otmu Mosehât girem den kâsikum yinŋiminiwi ya nombotŋaŋe Yesu mem den âiân katne sâm bamu bam watbiŋe gotyetŋan ba kinbi.

⁸ Gotyetŋan ba kinjetâ Yesuŋe biwiyenjahât topŋe nânŋâm lok pareŋe ya yuwu sâm ekuop. “Yahatmâ kin.”

⁹ Sâmu yahatmâ kinmu benŋe Parisaio ya yuwu sâm ekyongop. “Sâŋetâ nânŋawe. Moseŋe den kulemguop ya topŋe girawu tap? Tatmâ nânŋâ

nângâ sâpñan lok heŋgemyongonom me hilipyongonom? Yakât sâñetâ nâŋgâwe.”

¹⁰ Yawu sâŋm âiyongomu biwiyenje umatñe otmu olotoñâk kinbi. Olotoñâk kinñetâ yekmu bâleop. Yekmu bâlemu kunyenje kârikñe otmâ hiliwahonomai yakât nâŋgâm tepñe nâŋgâyinjiop. Tepñe nâŋgâyinjim lok pareñe ya yuwu sâŋm ekuop. “Bâtge kuwihak.” Yawu sâmu båtñe pilâmu kuwihakop.

¹¹ Panmu kuwihakmu Parisaio lok otmu Mosehât girem den kâsikum yinjiminiwiñe ya ekmâ biwiyenje kâlâp otmu gem ariwi. Gem ari Yesu girawu otbâŋine sâŋm den alahu gulahu otbi.

Yesuñe aposololipñe meyehop.

(Mataio 10:1-4 Mareko 3:13-19)

¹² Emet ñiñ sâmu Anitâ orop den otbe sâŋm Yesuñe pumñan yâhâop. Yâhâmu Anitâ orop den otmutâ emet hañ sâop.

¹³ Emet hañ sâmu yan lok orowâk manbi ya sâlipyongom yâk yengâlen gâtñe lok kâiân yâhâp meyekmâ âi sâŋm yinjiop. Yawu otmâ kutyenje pato Aposolo sâŋm yinjiop. Lok yamâ kutyenje yuwu.

¹⁴ Simon yâkât kutñe âlâ Petoro sâŋm imiñe Anderea, imi ata Yakowo yet Yoane, lok âlâmâ Pilip, Batolomaio,

¹⁵ Mataio, Toma, Alipaio nanñe Yakowo. Âlâmâ Simon yâhâmâ komot âlâen gâtñe ya yengât topyenje yuwu. Kasalipyenje Roma lok ya yengât hâkâñ otmâ watyekne sâŋm otminiwi yan gâtñe. Âlâmâ Yakowo nanñe Yurasi.

¹⁶ Otmu bâiñeâmâ Yurasi yamâ Karioto kapiân gâtñe. Yâkñeâmâ Yesuhât betñehen kioñop ya.

*Yesuŋe lohimbi mem heŋgemyongop.
(Mataio 4:23-25)*

¹⁷⁻¹⁸ Meyekmâ pumŋehembâ gâlikŋan gemu lok nombotŋe denŋe nâŋgâm watbiŋe peneyiŋgiwi. Peneyiŋŋetâmâ lohimbi kiŋgitŋe orowâkŋe denŋe nâŋgâne sâŋ yâkâlen ariwi. Lohimbi yâkâlen ariwi yamâ yuwu. Nombotŋe Yerusalem kapi pato otmu kapi tipi tapi Yuraia hânân tatmâ arap ya ambolipŋe. Yâhâ nombotŋe âlâmâ Tiro Siron kapi yâhâp saru ginŋan tap ya ambolipŋe. Lohimbi yaŋe yâkâlen ariŋetâ den kâsikum yiŋgiop. Yâhâ lohimbi nombotŋe weke bâleŋaŋe mâŋgâeyehop ya ekyongomu gaiakmâ ariŋetâ âlepŋe otbi. Otmu kundat otbi ya heŋgemyongop.

¹⁹ Yâhâ wâtŋe pato tatbangiŋop yakât otmâ lohimbi in wâiwiŋe âlepŋe otbi. Yakât otmâ lohimbi sambeŋe wâim âlepŋe otnehât mem hawam mewam tuhuwi.

*Yesuŋe lohimbi den ekyongop.
(Mataio 5:1-12)*

²⁰ Yawu otŋetâ Yesuŋe yuwu sâŋ ekyongop. “Den bonŋe sâŋmune nâŋgâŋet. Yen senŋe âlâlâhât umburuk otmâ manmai yamâ Anitâhâlen biwiyeŋaŋe kepeŋetâ tihityeŋe otmâ yâhâwuap. Yakât otmâ tepyeŋe heronŋe otmu mannomai.

²¹ Yâhâ po manmai yen gurâ Anitâŋe sot kâle yiŋgimu neŋetâ ârândân otyiŋgiwuap. Yakât otmâ tepyeŋe heronŋe otmu mannomai. Yâhâ we bâle nâŋgâm manmai yenâmâ hâmbâi Anitâŋe mem biwi sânduhân katyekbuap. Yakât otmâ tepyeŋe heronŋe otmu mannomai.

22-23 Otmu lok bulâñe nâhâlen biwiyenñe kepeim manñetâ lohimbi nombotñe hakyenjan sâm mem bâleyeknomai yanâmâ yuwu nâñgânomai. “Âo, bonñanâk. Anñoân emelâk tâmbâlipnennñe Anitâhât poropete yawuâk otyiñginetâ bâleop. Otmu âun yu gurâ yawuâk otningimai. Yawu gârâmâ yakât hâmeñe hâmbâi himbimân manman kârikñe mem heronje kakñan mannom.” Yawu nâñgâm tepyeñe heronje otmu mannomai.

24 Yawu sâm ekyongom lohimbi manman sânduhân manñetâ tepyeñe umatñe otmap ya yeñgât yuwu sâm ekyongop. “Lohimbi senñe âlâlâ tatyinjiapñe hop sambe kakñan manmai. Yae, hâmbâi manman bâleñan ari olo gilâp otnomai.

25 Yâhâ lohimbi sot pato kakñan kinmai yañe hâmbâi sotgât umburuk otmâ olo gilâp otnomai. Yâhâ lohimbi heronje kakñan manmai yamâ hâmbâi gilâp amokñan isem mannomai.

26 Otmu den âlâ torokatmâ sâmunne nâñgâñet. Emelâk embânñan poropete perâkñe Anitâhât den kelanğatmâ papatolipyenñe kâityongominiwi. Kâityongonjetâ ki nâñgâmâk papatolipyenñe heronje otyiñgiwi. Heronje otyiñgiwiâke yamâ den perâkñe sâwi yakât matñe Anitâñe yinğimu mewi. Yawu gârâmâ lohimbiñe yeñgât nâñgâm heronje otyiñginomai yan biwi golâ mannomai. Yâhâ heronje otyiñginomai yan lohimbiñe heronje otningiai yakât otmâ Anitâñe gurâ yawuâk nenekmu ârândân oap yawu ki nâñgânomai.”

*Kasalipnennje buku otyiñginom.
(Mataio 5:38-48)*

27 Yâhâ den âlâ torokatmâ yuwu sâm ekyongop. “Sâmunen nângânet. Yene kasalipyene buku otyinginomai. Otmu lohimbiene yengât hâkân otmai yâk gurâ yawuâk buku otyinginomai.

28 Otmu lok âlâ me âlâne Anitâne mem bâleyehâkgât lohimbi sait kakyenan pilânomai yamâ Anitâne lukuleyehâkgât ulitgunomai. Otmu lok âlâ me âlâne mem âlâlâ tuhuyeknomai yamâ yene ya yengât umam sâyinginomai.

29 Lok âlâ me âlâne mângâyeknomai yan yakât matne ki kâpekyinginomai. Lok âlâ me âlâne ambonahât bâlene hân meyingim yanak kiapgâlen yen meyekmâ arinomai. Meyekmâ arinetâ mâtâwânâk yene hân âlâkuâk yinginetâ pesuk sâwuap.

30 Lok âlâ me âlâne yu me ya ninginet sâm ulityongonomai yamâ in yawu yinginomai. Me lok âlâ me âlâne senne âlâlâ ekmâ kandi meyinginomai yakât purik sâm ninginet ki sânomai.

31 Bukulipyene tanyongonetgât nângâmai yene gurâ nângâmai dop yawuâk tanyongonomai.

32 Yâhâ lok nombotne yen buku otyinginetâ yengu yâk konok buku otyinginomai yakât Anitâne nângâmu ki ârândân otbuap. Yâhâ lok nombotne ki buku otyinginetâ yengu yawuâk yâk ki buku otyinginomai yakât Anitâne yen ki lukuleyekbuap.

33-34 Yâhâ lok nombotne yen orop buku konok manne sâm tanyongonetâ yengu yakât matne yâk konok tanyongomai. Yawu otmai yane lok bâlene bukulipyene orop tânahomai orotmeme ya ki wangiwuap. Yakât otmâ Anitâne yen ki lukuleyekbuap.

³⁵ Yeŋe kasalipyenŋe buku otyiŋginomai. Otmu yu me yakât umburuk manmai ya bât belaiâk yingim yakât matŋe ningiŋetgât ki nâŋgânomai. Yawu otyiŋginomai yanâmâ Anitâ yahat yahatŋaŋe meyekmâ nine nanne baratne sâŋm tihityenŋe otmu mannomai.

³⁶ Anitâŋe yen lok bâleŋe umam sâyiŋgimu yakât matŋe ki miai. Yakât otmâ lohimbi nombotŋaŋe mem âlâlâ tuhuyekŋetâ yengu yakât matŋe ki kâpekyiŋginomai.

*Lohimbi yeŋgât den ki sâŋm hâreyiŋginom.
(Mataio 7:1-5)*

³⁷ Otmu yeŋe lohimbi yeŋgât den ki sâŋm hâreyiŋginomai otmuâmâ Anitâŋe gurâ yawuâk yeŋgât ki sâŋm hâreyiŋgiwuap. Otmu yeŋe lohimbi yekmâ ki sâŋm ge katyeknomai otmuâmâ Anitâŋe gurâ yawuâk yen yekmâ ki sâŋm ge katyekbuap. Yâhâ yeŋe lohimbi yeŋgât tosayenŋe pilâyiŋginomai otmuâmâ Anitâŋe gurâ yawuâk yeŋgât tosayenŋe pilâyiŋgiwuap.

³⁸ Yeŋe lohimbi tânyongom senŋe âlâlâ yinginomai otmuâmâ Anitâŋe ya wangim hop sambe yingiwuap. Iri mânunŋmâ tâtâkumunŋe pik pato otmap yakât dopŋeâk Anitâŋe yingiwuap. Yakât otmâ Anitâŋe yingimap yakât dopŋeâk yengu yinginomai.”

Yesuŋe den âlâen hâum sâŋm ekyongop.

³⁹ Yesuŋe den âlâen hâum yuwu sâŋm ekyongop. “Lok senyeŋe bok sâsâŋaŋak dâiakmâ arinomai yamâ mâtâp tâpikgum ari hemân kioŋnomai. Kioŋmâ hiliwahonomai.

⁴⁰ Otmu naom âlâ me âlâne bawapilipyene ki wangiye knomai. Naom âlâ me âlâne yu me yakât topne nângâm henḡenḡunomai yanâmâ bawapilipyene nângâmai yakât dopneâk nângânomai.” Yawu sâop.

⁴¹ Den âlâen hâum yuwu sâm ekyongop. “Gâne bukuhahât senḡan wahap tipine tap ya ekbuat. Otmu gike sengan gurâ wahap pato tap ya ki enâkmâ nanḡanḡimâk bukuhahât yuwu mon sâuwat.

⁴² “Buku. Sengan wahap ya hâluhum pangihawe.” Gâ yawu sâuwat otmuâmâ lok perâkne. Gike sengan wahap pato tap ya hâluhum pilâwanḡiwuat. Wongât? Yuwuhât. Gâne gike orotmemehe bâlene yakât nângârâ tânât otmap. Yawu gârâmâ bukuhane otmu kinḡon otmap ya ekdâ dondâ bâlemap. Yawu otbuat yamâ ekmune ki ârândân otbuap.” Yawu sâop.”

Nak topne topne

(Mataio 7:17-20 Mataio 12:33-35)

⁴³⁻⁴⁴ Otmu Lohimbiḡe yeḡe topyene nanḡanḡinetḡât Yesune den âlâen hâum yuwu sâm ekyongop. Nak esenḡe omoḡ omoḡ pilâmap yanâmâ bonḡe bâlene ki kinmap. Yâhâ nak esenḡe gimbanḡumap yanâmâ bulâne âlepne âlâ ki kinmap. Bia yakâ. Yâhâ kiatne manam ki otmap. Otmu manamne kiat ki otmap. Otmu ginḡ gârârân yaḡe ham ki otmap. Otmu hamne ginḡ gârârân ki otmap. Yamâ topyene ikḡiâk ikḡiâk.

⁴⁵ Lok âlâhât biwiḡan nângân nângân âlepne me bâlene tatmap ya yawuâk launḡambâ ga takamap.

Yakât otmâ lohimbi âlâ me âlâhât biwiyenjan nângân nângân âlepneâk tatmapne orotmemeyene âlepne otmâ uwawapne bia manmai. Yâhâ lohimbi âlâ me âlâhât biwiyenjan nângân nângân bâlepeâk tatmapne orotmemeyene bâlepe otmâ bukulipyene mângâeyekmai. Yawu.”

*Lok nângân nângânne orop otmu lok kopa
(Mataio 7:24-27)*

⁴⁶ Yesune lohimbi kinbi ya yuwu sâam ekyongop. “Yene “Kutdânenne Kutdânenne,” sâam nohonmaiâke yamâ den ekyongoman yamâ ki lâumai.

⁴⁷ Yakât otmâ den âlâen hâum sâamune nângânnet. Lok âlâ me âlâne nâhâlen ganetâ den ekyongomune nângâm henngum lâumai yane dop yuwu manmai.

⁴⁸ Lok nângân nângânne orop yaneâmâ emet tuhune sâam hân kendâm saran kâkâlep yane kânângâm emet tuhnetâ tinjâk kinbuap. Yawu gârâmâ mososon mem gâsuk gâsuk tuhumu emet ya njiwinj njiwinj sâam ki putuk sâawap. Yenâmâ dop yawuya.

⁴⁹ Âlâmâ purik pilâm sâawe. Lok âlâ me âlâne nâhât den nângânnetâ nahat otmu betbangim manmai, lok ya yengât topyeneâmâ yuwu. Lok kopa nombotnane emetyene tuhune sâam hân kendâm saran kakneâk kânângânomai. Yawu tuhnetâ emet ya saranne kandi kinbuap. Yakât otmâ mososon mem gâsuk gâsuk tuhumu emet ya putuk sâam ge imbuap. Yawu.” Yawu sâam ekyongop.

7

*Yesuŋe hoŋ bawa âlâ heŋgeŋguop.
(Mataio 8:5-13)*

¹ Yesuŋe den yawu ekyongom yapâ pilâyekmâ Kapanaum kapiân ariop.

² Kapanaum kapiân ariop sâp yan Roma tembe lâu yengât kunyeŋe âlâhât hoŋ bawaŋe mesek sâtŋan kinop. Yâhâ tembe lâu yaŋe ikŋe nanŋahât nâŋgâwaŋgimap yakât dopŋeâk hoŋ bawaŋe yakât nâŋgâwaŋgiop.

³ Yakât otmâ “Yesu taka tap,” yawu sâŋetâ nâŋgâm tembe lâu yaŋe Yesuŋe ga hoŋ bawaŋe heŋgeŋguâkgât Yura yengât papatolipyenŋe nombotŋe hâŋgânyongomu yâkâlen ariwi.

⁴⁻⁵ Ari yuwu sâm ekuwi. “Roma tembe lâu yengât kunyeŋe âlâ nengâlen biwiŋaŋe kepeimu nen orop mansain. Lok yuŋe ikŋe tewetsenŋaŋe lok puluhuyekmu nengât miti emetŋe ya tuhuningiwi. Yakât otmâ denŋe nâŋgâm ari tânguwuatgât nanŋain.” Yawu sâwi.

⁶ Yawu sâm ekuŋetâ nâŋgâyiŋgimu orowâk ariwi. Ariŋetâ emet ya tâlâhumuâk otmu bukulpŋe hâŋgânyongomu Yesuhâlen ba yuwu sâm ekuwi. “O lok pato, bukunenŋe yuwu yap.

⁷ “Nâ lok âlepŋe bia. Yakât gâŋe nâhât emelan gawuatgât ki nanŋan. mâtâwânâk kinmâ denâk sârâ hoŋ bawane yu âlepŋe otbuapgât nanŋan.

⁸ Yâhâ nâ nineâmâ lok patonahât tem lâuwaŋgim yâkât amutgen manman. Gârâmâ patonaŋe nâ gurâ buku nombotŋe yengât kunyeŋe sâm nihimu manman. Yakât otmâ nâŋe tembe lâulipne âlâ me âlâ yuken me yaken ariŋet sâmune âlepŋe nâhât

tem lâunihim arimai. Me âi wuân me wuân tuhuñet sâmbi âi yingiman ya gurâ âilonngo tulumai. Gâmâ lok pato. Yakât otmâ denâk sârâ âlepñe otbuapgât nanjan.” Yawu sâmbi den kalop ya bukulpñane Yesu ekuwi.

⁹ Den yawu ekuñetâ Yesuñe nângâm uwe membe olop. Nângâm uwe membe otmu Isirae lohimbi betjan sâmbi ya yuwu sâmbi ekyongop. “Wâtne pato tatnihiap yakât nângâm Roma lok yuñe biwi yâhâp ki oap. Yakât yuwu nanjan. Isirae yengâlen gâtñe âlâ me âlâne lok yuñe oap yuwu âlâ ki otñetâ yekman. Lok yuñe nâhâlen biwiñane kepeim den katnihiap yu ekmune âilonngo oap.” Yawu sâmbi ekyongop.

¹⁰ Yawu sâmbi ekyongomu tembe lâmbi bukulpñane purik sâmbi yapâ pilâyekmâ âwurem ari emelan yâhâm hon bawa âlepñe olop ya ekbi.

Yesuñe lok âlâ mumuñambâ mem yahalop.

¹¹ Yesuñe hon bawalipñe meyekmâ kapi âlâ, kutñe Nain sâmbi yan arinjetâ lohimbi dondâhâlâkñe betyenjan sâñetâ ariwi.

¹² Kapi ya hâumâk otñetâ imbi kambut âlâhât nanje sihanâk muop ya hangune sâmbi bukulpñane gerelân katmâ lâmbi gewi. Yawu otmâ lohimbi tem pato betyenjan sâñetâ gewi.

¹³ Otmu Kutdâne kambut ya ekmâ tepñe nângâm “Ki ise,” sâmbi ekuop.

¹⁴ Yawu sâmbi ekum geret lâmbi gewi yan memu inâk kinbi. Inâk kinjetâ lok sihan ya ekmâ yuwu sâmbi ekuop. “Yahatmâ kin.”

¹⁵ Yawu sâmbi ekumu mumuñambâ yahatmâ dendât otmu ekñetâ sâtñe bâleñe olop. Otmu

imbi kambut ya nanjeit yetgât Yesuŋe “lohotŋan manset” sâŋ ekyotgop.

16 Otmu lohimbi yan kinbiŋe ya ekŋetâ sâtŋe otmu Anitâ mepaem yuwu sâwi. “Anitâŋe ikŋe poropete âlâ hâŋgâŋumu taka hohetnennan mansap.” Yâhâ nombotŋaŋe yuwu sâwi. “Lok yuŋe tihitnenŋe otmâ manman âlepŋan katnenekmu mannomgât Anitâŋe hâŋgâŋumu taka mansap.” Yawu sâwi.

17 Yesuŋe lok sihan ya mumuŋambâ mem ya-halop yakât den pat ya lohimbiŋe sâŋ haok tuhuŋetâ kapi tipi tapi Yuraia hânân tatmâ arap ya ambolipŋe kerekŋe nâŋgâwi.

*Yesuŋe Yoanehât sâop.
(Mataio 11:2-19)*

18 Yoane pâi emetŋan katŋetâ talop yâkâlen ari hoŋ bawalipŋaŋe Yesuŋe lohimbi hengemyongop yakât den pat ekuwi.

19 Ekuŋetâ nâŋgâm hoŋ bawayâhâtŋe yâhâp den yuwu sâŋ ekyotgom Kutdâhâlen hâŋgânyotgomu ariowot. “Ari yuwu sâŋ âikuromawot. “Anitâŋe ikŋe hoŋ bawa hâŋgâŋumu ge tihitnenŋe otbuap sâmain ya gâ me? Me âlâhât mambotmâ mannom?”

20 Yawu sâŋ ekyotgom hâŋgânyotgomu Yesuhâlen ari yuwu sâŋ ekuowot. “Yoaneŋe lohimbi toen mem katyekmapŋe yuwu sâŋ hâŋgânnotgomu takait. “Anitâŋe ikŋe hoŋ bawa hâŋgâŋumu ge tihitnenŋe otbuap sâmain ya gâ me? Me âlâhât mambotmâ mannom?” yawu yap.” Yawu sâowot.

²¹ Otmu sâp yan Yesuŋe lohimbi kundat otbi ya dondâhâlâk heŋgemyongop. Otmu weke bâleŋaŋe lohimbi mâŋgâeyekbi ya watyekmu gaiakmâ ariwi. Otmu lohimbi senyeŋe bok sâsâŋe ya senyenŋan walipyongomu senyeŋe suk sâmu ekbi.

²² Yawuhât Yesuŋe Yoanehât hoŋ bawayâhâtŋe ya yuwu sâm ekyotgop. “Yerâmâ ari kulem topŋe topŋe memune eksai yukât Yoane ekuro-mawot. Nâŋe senyeŋe bok sâsâŋe ya walipyongomune senyeŋe suk sâmu eksai. Otmu lok pareŋe manmai ya heŋgemyongomune târârâhâk bam gai. Otmu hâk bâle manmai ya gurâ heŋgemyongomune âlepŋe otmâ mansai. Otmu ândâpyeŋe bok sâsâŋe ya gurâ heŋgemyongomune ândâpyeŋe pâroŋ sâmu den naŋgai. Otmu nombotŋe bâlewi ya mu-muŋambâ mem yahatyekmune mansai. Otmu kewilâyekŋetâ mansai ya nine den pat âlepŋe ekyongomune nâŋgâm biwiyeŋe herone otmâ mansai.” Yawu sâm Yoane ekuromawot.

²³ Yakât âlâ sâwe. Yawu otyiŋgim mansan yakât otmâ lok âlâ me âlâŋe nâhât biwi nâŋgâm yâhâp ki otmai ya yeŋgât nâŋgâmune tepne herone oap.” Yawu sâm ekyotgom hâŋgânyotgomu âwureowot.

²⁴ Hâŋgânyotgomu âwurem arimutâ Yesuŋe Yoanehât topŋe lohimbi yan kinbi ya yuwu sâm ekyongop. “Yoane lok ki manmaiâŋgen ari manop ya lohimbiŋe ekne sâm yâkâlen ariwi. Otmu yakât den âlâen hâum sâwe. Siru pato pilâm âliwahap mem gâsuk gâsuk tuhumu ekmâ âlemai.

²⁵ Yawu olop ya ekne sâm ariwi me bia? Me lok âlâŋe hâk katipŋe sekŋe âlepŋe mânunjakmâ manop ya ekne sâm ariwi me? Lok hâk katipŋe sekŋe âlepŋe mânunjakmaiŋeâmâ lok kutdâ yeŋgât

emelanâk tatmai.

²⁶ Yâhâ lok ki manmaiângen ki manmai. Yakât otmâ wuân bân ekne sâm yaken ariwi? Yakât yuwu sâmune nângânet. Yoaneje Anitâhât den pat sâm tetem gaop ya nângâne sâm ariwi. Yâhâ emelâk Anitâhât poropetelipnaje yâkât den tâmbâlipyenje ekyongom manbi ya yengât kunyene pato oap.

²⁷ Yâkât nângâm emelâk Anitâne den sâop ya yuwu tap. “Gâne nine topne sâm tetem ekyongorâ nângânetgât nine hoj bawane hângângumune kulet sâhihim mâtâp menjihiwuap.” Den yawu tap. Kulet sâop yamâ Yoane.

²⁸ Otmu yakât den yuwu sâmune nângânet. Anitâne Yoane nep waŋmu miop yakât nângâmu yahatmap. Yakât otmâ lok âlâ me âlâne Yoane wanginomialhât dop ki tap. Yoaneje kulet sânihim âi mem gaop yamâ nine topne ki nângâm heŋgeŋgum mansap. Yakât otmâmâ lok âlâ me âlâne nâhât den pat âlepne yu nângâm Anitâhâlen biwi nângân nângânyenje katnomai yaŋeâmâ Yoane wanginomial.

²⁹ Yawu sâm ekyongomu lohimbi sesengâlâk, lohimbi inŋe, takesi meme lok, yawuyanje nângânetâ bulâne olop. Yâhâmâ emelâk Yoaneje Anitâhât den ekyongomu nângânetâ bulâne otmu toen mem katyehop.

³⁰ Yamâ Parisaio lok otmu Mosehât girem den lohimbi kâsikum yinŋiminiwi yâkneâmâ Anitâhât mâtâp Yoaneje ekyongop yakât hâkâŋ otmâ denŋe nângânetâ tâŋât olop. Yakât otmâ toen ki katyehop.

³¹ Otmu Yesune den âlâ yuwu sâm ekyongop.

Yen biwi yâhâp otmâ mansai yakât nângâñetâ keterakyiñgiâkgât den girawu yaen hâum sâmunne nângâñetâ keterakbuap. Yuwu mon?

³²⁻³⁴ Nimnaom titipâñe sombem patoen hârum konok otmâ tatnomai. Tatmâmâ komot âlâ tatnomaiñe komot âlâ yuwu mon ekyongonomai. “Nenñe yahatmâ kep tuhum âlâlâ oain. Gârâmâ yen orowâk tuhune sâmunñe ki tânnongoai. Yakât otmâ nângâmunñe bâleap.” Yawu otnomai yakât topñe teteâkgât yuwu sâmunne nângâñet. Yakât dopñeâk Yoaneñe heronñe olâkgât nângâwi. Yamâ nângâwi yawu Yoaneñe ki olop. Yakât otmâ yâkât hâkâñ otmâ sâm ge katbi. Otmu âlâku torokatmâ hâum sâwe. Sâp âlâen nimnaom titipâ komot âlâ tatnomaiñe komot âlâ yuwu sâm ekyongonomai. “Âo, nen we bâle nângâm ombe hakoâk isewin. Yawu otbin yan yeñe ki nenekbi. Yakât otmâ nângâmunñe bâleap.” Yawu sânomai. Yakât dopñeâk yeñe otmâ mansai. Gârâmâ yeñe oai yan ki torokatmâ mansan. Yakât otmâ yen nâhât hâkâñ oai. Yakât yuwu sâmunne nângâñet. Emelâk Yoaneñe to kârikñe me âlâlâ ya nembâpgât dop yamâ yâkñe ki neminiop. Yakât yeñe yuwu sâwi. “O, lok yuâmâ yawu otmap.” Yawu sâwi. Yâhâ nâmâ Anitâñe hângânnohomu ge sot kâle neman. Yakât otmâ yeñe nâhât yuwu mon nângâmai. “O, lok yuâmâ sot pato kutakamap. Otmu takesi meme lok otmu lok komborâ yâk orop buku orañgim gamai.” Nâhât yawu sâmai.

³⁵ Yawu gârâmâ yakât sâwe. Anitâñe den sâop ya tiñâk lâum manmai ya yeñgât orotmemeyenñe ekmâ nângâñetâ bonñe otbuap. Yawu.” Yawu sâop.

Imbi âlâŋe Yesuhât kâiŋe piriop.

³⁶ Parisaio lok âlâ, kutŋe Simon sâŋ, yâkŋe Yesu mem emetŋan yâhâ bukulipŋe orowâk menduhuakmâ sot newi.

³⁷ Yâhâ Yesu orowâk sot newi yakât den pat imbi kondarâ âlâŋe nâŋgâmâmâ to kukŋe suk sukŋe âlâ mem emet tatbiân yan yâhâop.

³⁸ Mem yâhâ Yesu betŋehen kinmâ isemu gilâpŋe târâŋ sâŋ kâiŋan giop. Kâiŋan gemu somotŋe kâlep pato yaŋe mem gowasiŋmâ keren mewangiop. Yawu otmâ to kukŋe ya moselemu kâiŋan gemu pirim mepaeop.

³⁹ Yawu otmu Simonŋe ekmâ biwiŋaŋe yuwu nâŋgâop. “Imbi kondarâ yuŋe ki orotŋe oap. Yawuhât Yesu Anitâhât poropete mansap mâne imbi yukât topŋe nâŋgâm henŋenŋum kuwaŋgimu ki otbâp.

⁴⁰ Yawu nâŋgâmu Yesuŋe biwiŋahât topŋe nâŋgâm yuwu sâŋ ekuop. “Simon, den sâŋmune nâŋgâ.” Sâŋmu sâop. “Lok pato, sârâ nâŋgâwe.”

⁴¹ Sâŋmu sâop. “Den âlâen hâum sâŋmune nâŋgâ. Lok âlâŋe bukuyâhâtŋe tewetsenŋe yitgiop, âlâmâ 50 kina, âlâmâ 5 kina.

⁴² Tewetsenŋe yitgimu mem ari yaŋe senŋe âlâlâ puluhuahowot. Otmu yakât kakŋan “matŋe nihiromawot” sâŋ ekyotgop. Yawu gârâmâ tewetsenŋe ki tatyitgiop. Yakât otmâ yâkâlen ari yuwu sâŋ ekuowot. “Tewetsenŋe ki tatnitgiap. Yakât otmâ girawu otmâ tosa matŋe kâpekmutŋe pesuk sâwuap?” Yawu sâŋ ekumutâ yuwu sâop. “Bât belaiâk yitgiwan. Pesuk yap, âlepŋe ariyet.” Yawu sâop. Yakât otmâ yuwu âihohomune nâŋgâ. Bukuyetŋaŋe tosayetŋe pilâyitgimu pesuk sâop.

Yakât otmâ bukuyâhâtņe lok girawu yaņe heroņe pato nâņgâwaņgiop, 50 kina waņop yaņe me 5 kina waņop yaņe?

⁴³ Sâmu sâop. 50 kina waņop yaņe heroņe pato nâņgâwaņgiop.”

Sâmu sâop. “Âlepņe yat.”

⁴⁴ Yawu sâm imbi ya ekmâmâ Simon yuwu sâm ekuop. Nâņe emetgan gamune to ki gâim katdâ piriaksan. Yamâ imbi yuņeâmâ isemu gilâpņe kâinan gemu pirim somotņe gowasiņmâ keren menihiap.

⁴⁵ Gâņe ki parahuneksat. Yamâ imbi yuņeâmâ mepaenekmâ tap.

⁴⁶ Gâņe nak toņe ki katnihiat. Yamâ imbi yuņeâmâ to kukņe suk sukņe, hâmeņe yahat yahatņe ya moselemu kâinan gemu pirineksap.

⁴⁷ Imbi yuņeâmâ nâņgânihiap. Yakât topņe nâņgâm heņgeņguwatgât yuwu sâmune nâņgâ. Lok âlâņe bukujahât tosa umatņe pilâwaņgimu yakât heroņe pato nâņgâwaņgiuwap. Yâhâ lok âlâņeâmâ bukujahât tosa hewewen pilâwaņgimu yakât heroņe kakņeâk nâņgâwaņgiuwap. Yakât yuwu sâmune nâņgâ. Anitâņe imbi yukât tosa umatņe emelâk pilâwaņgiap. Yakât otmâ mepaenekmâ tap.

⁴⁸ Yawu sâm imbi ya yuwu sâm ekuop. “Tosahe pilâhiahian.”

⁴⁹ Yawu sâmu, Parisaio orowâk tatmâ sot newiņe den ya nâņgâm biwiyeņe yuwu nâņgâwi. “Lok yukât topņe girawu? Girawu otmâ “Tosahe pilâhiahian” yawu yap.” Biwiyeņe yawu nâņgâwi.

⁵⁰ Yesuņe imbi ya yuwu sâm ekuop. “Nâhâlen biwihanę kepeiat. Yakât otmâ Anitâņe manman

kârikjahât pat kuhhiap. Yakât nângâm lohotņan ari.” Yawu sâop.

8

Imbi nombotņe Yesu orowâk ariwi ya yengât topyene

¹ Sâp yakât kakņan Yesuņe hoņ bawalipņe meyekmu kapi ya pilâm kapi tipi tapi tatmâ arap ya ârândâņ yâhâm gewi. Otmu lohimbiņe Anitâhâlen biwiyenâņe kepeinetâ tihityene otyingiwuap yakât den pat âlepņe Yesuņe ekyongop.

² Otmu imbi nombotņe orowâk ariwi ya yengât topyene yuwu. Imbi nombotņe emelâk kundat otbi ya hengemyongop. Yâhâ nombotņe âlâmâ weke bâlenâņe mângâeyekbi ya watyekmu gaiakmâ ariwi. Yâhâ yâk yengâlen gâtņe âlâ, kutņe Maria, Matala kapiân gâtņe, ya weke bâlene nombolân yâhâpņe mângâenjetâ watbaņgiop.

³ Yâhâ âlâmâ, kutņe Yoana sâm. Yâhâmâ Herotgât hoņ bawa âlâ, kutņe Kusa sâm, yâkât imbiņe. Yâhâ âlâmâ, kutņe Susana sâm. Otmu imbi nombotņe iri sikumyene orop yâkņe Yesu otmu hoņ bawalipņe tânyongowi. Imbi topyene sâm aran yu orowâk ariwi.

Hote alikņan hâum sâop.

(Mataio 13:1-9 Mareko 4:1-9)

⁴ Lohimbi dondâņe kapiyene pilâm Yesuhâlen ari menduhuakņetâ den âlâen hâum yuwu sâm ekyongop.

5-8 “Lok âlâne hote alikne mem hâilonbe sâw newângen ariop. Ari hote alikne ya nombot nombot mem hâilonmu giop. Nombotneâmâ mem hâilonmu mâtâwân ge talop. Yâhâ nombotneâmâ mem hâilonmu hân toje biae ge talop. Yâhâ nombotneâmâ hele bâlene iowân giop. Yâhâ nombotneâmâ tep tep kum hân âilongo lonjo tuhuwi yan ge talop. Yawu gârâmâ hote alikne mem hâilonmu âlâen âlâen giop yakât topneâmâ yuwu. Nombotne mâtâwân ge talop yamâ lohimbiye bam gam tâlim lanj tuhuwetâ nâine kârâm newi. Yâhâ nombotneâmâ hân toje biae giop yamâ gihitne kakneâk pilâop. Yakât otmâ in yawu mum hâlâlân sâop. Yâhâ nombotneâmâ hewuknan me hele pato biwijan giop yamâ âilonjo tetem pururuk sâop. Pururuk sâmu hewuknane langumu derepgum gimbanjumu orok sâop. Yâhâ nombotne hân âlepnan giop yanjeâmâ tetem pururuk sâw âilonjo yahalop. Nâne den yan yu biwiyenan katmâ nângâm hegenjunomai.” Yawu sâw ekyongop.

Topne yuwuhât Yesune den âlâ me âlâen hâum sâop.

(Mataio 13:10-17 Mareko 4:10-12)

⁹ Yawu sâw ekyongomu honj bawalipnane den ya topnahât nângâne sâw âikuwi. Âikuwetâ sâop.

¹⁰ “Anitâne tihitnenne otmâ gamap yakât topne yene tipine nanjai. Yâhâ lok nombotne nâhâlen ki torokatmâ mansaineâmâ biwiyene pâlâmne otmâ mansai. Biwiyene pâlâmne otmâ manjetâ yakât den âlâen âlâen hâum ekyongoman. Yakât otmâ yâkne nâhât nângâm hâkân otmâ nekmâ kâkâsuk otmâ. Yawu otmâ biwiyene alitmai. Yakât otmâ

nâhât den pat yu nângâñetâ tâñât oapgât hili-wahonomai. Yamâ nângâm heñgenñuai mâne bi-wiyenje Anitâhâlen katmâ denñe lâunjetâ tosayenje emelâk pilâyinimbâp.”

*Hote mem hâilonñmu giop yakât topñe
(Mataio 13:18-23 Mareko 4:13-20)*

¹¹ Hote alikñan hâum ekyongoan yakât topñe sâmunne nângâñet. Anitâhât den yamâ hote alikñahât dop oap.

¹² Yâhâ lok hote alikñe mem hâilonñmu giop yamâ nenñe Anitâhât den lohimbi ekyongomunñe nângâmai yakât dop. Hote alikñe nombotñe mem hâilonñmu mâtâwân giop yakât topñe yuwu. Yamâ lohimbi nombotñanñe Anitâhât den nângâñetâ bulâñe otmu yâkâlen biwiyenñe kepeimaihât Satanñe den ya kum mem gulip tuhumap.

¹³ Yâhâ hote mem hâilonñmu nombotñe hân toñe biaeñ giop yakât topñe yuwu. Lok yawuya nâhât den pat âlepñe ekyongomune nângâm heronñe otmâ manmai. Nângâñetâ den ya kakñeâk gem bi-wiyenñan gihitñe kârikñe ki memap. Yawu gârâmâ umatñe âlâ kakyenñan yâhâmap yan lohotñe otmâ pilâmai.

¹⁴ Yâhâ hote mem hâilonñmu nombotñe hele bi-wiñan giop yakât topñe yuwu. Lohimbi nombotñe den ekyongomune nângâñetâ bonñe otmap. Nângâñetâ bonñe otmu sâp kâlep ki otmuâk hângât iri sikum, me tewetsenñe, me âlâlâ ekmâ biwi nângân nângânyenñanñe yan hikum nângâm manmai. Yawu manmai yakât otmâ biwi yâhâp otmâ manñetâ manman âlepñe ki teteyinñimap.

15 Yâhâ hote mem hâilonḡmu nombotḡe hân toḡe orowân giop yakât topḡe yuwu. Lok yawuyaneâmâ den pat âlepḡe nâḡgâm heḡḡeḡgumai. Nâḡgâm heḡḡeḡgum tiḡâk lâum manmâ yâhâḡetâ manman âilonḡo lonḡo teteyiḡgimap. Yâk yeḡgât topyeḡe yawu. Nâḡe hoteân hâum yan yamâ topnenḡeâmâ yawu.” Yawu sâḡ ekyongop.

*Lok topnenḡe lambeân hâum sâop.
(Mareko 4:21-25)*

16 Yesuḡe den âlâen hâum yuwu sâḡ ekyongop. “Nenḡe emet kâlehen tatmâ lambe saum tunḡuḡan ki katmain. Gârâmâ helenân gâitmunḡe kinmâ sem laḡiḡe pilâmu ekmâ gem yâhâmain.

17 Yakât topḡe yuwu. Lok âlâ me âlâḡe otḡetâ bâlemu kurihimai yamâ hâmbâi mâne tetekḡan otmu eknom.

18 Yakât otmâ den ekyongoan yu biwiyenḡan katmâ nâḡgâm heḡḡeḡgunomai. Lok âlâ me âlâḡe nâhât den nâḡgâm biwiyenḡan katmâ mannomaiḡe ya nâḡgâḡetâ keterakbuap. Yâhâ lok âlâ me âlâḡe nâhât den nâḡgâḡetâ nahat otmu bet pilânomaiḡe biwiyenḡe pâlamḡe manmâ ki nâḡgâḡetâ keterakmâ heḡḡeḡguwuap.” Yawu sâḡ ekyongop.

*Yesuhât hepḡe torehenlipḡe
(Mataio 12:46-50 Mareko 3:31-35)*

19 Yawu sâḡ ekyongom tatmu lohimbî kiḡḡitḡe orowâkḡe denḡe nâḡgâne sâḡ mem hawam mewam tuhum kinbî. Yawu kinḡetâ ikḡe hepḡe torehenlipḡaḡe taka gotḡan bane sâḡ otḡetâ lohimbîḡe mâtâp maḡuyiḡḡiḡetâ betyeḡehen kinbî.

20 Betyenehen kinnetâ lok âlâ Yesu gotņan talopņe yuwu sâmu ekuop. “Torehenlipņaņe taka betnenņehen kinmâ gâhât yai.”

21 Yawu sâmu Yesuņe yuwu sâmu ekyongop. “An-itâhât tem lâum mansai yaņeâmâ nâhât hepne torehenlipne bulâņe oai.”

Yesuņe sâmu to siru nâņ nâņ sâop.

(Mataio 8:23-27 Mareko 4:35-41)

22 Hilâm âlâen Galilaia dengân pato ya hâtikgum nombotgen arine sâmu waņgaen yâhâwi. Waņgaen yâhâm hâtikgum nombotgen ariwi.

23 Arim tatņetâ Yesu amangât katmu aman pâlâmņe iop. Aman im tatmu dengân ya tânâmguņetâ yanâk siru puņ puņ sâmu pilâop. Siru puņ puņ sâmu pilâmu toņe waņga kâlêhen gemu guhulakbe sâmu olop.

24 Guhulakbe sâmu olop yan ekņetâ sâtņe otmu hoņ bawalipņaņe mândem yuwu sâwi. “Wâe, lok pato, waņga yu dengân kâlêhen guhulakbe sâmu oap. Harannongomap.”

Yawu sâmu ekuņetâ yahatmâ siru kuwaņgiop. Kuwaņgimu to yaņe nâņ nâņ sâop. Nâņ nâņ sâmu yuwu sâmu ekyongop.

25 “Wongât biwi yâhâp oai? “Nâņe tihityeņe otbomgât dop ki tap,” yawu mon naņgai?” Yawu sâmu ekyongop. Yawu sâmu ekyongomu yuwu sâmu alahuwi. “Bâe, lok yukât topņe girawu? Siru kuwaņgimu yaņak to yaņe nâņ nâņ yap.” Yawu sâwi.

Yesuņe weke bâleņe watyekmu gaiakmâ bau yengâlen ariwi.

(Mataio 8:28-34 Mareko 5:1-20)

²⁶ To nâñ nâñ sâmu dengân ya hâtikgum ba nombot endaken kapi âlâ, kutñe Gerasene sâmu, yan ariwi.

²⁷⁻²⁹ Yan ari wanğaembâ lâum kionmâ arinjetâ kapi amboñe, lok âlâ weke bâleñe mângâeminiop, ya takamu ekbi. Yâhâ yâkât topñe yuwu. Lok yamâ sumân bam gam otmu weke bâleñe mângâemu hâk katipñe tuhum pilâm hâk barahâk manmâ gaop. Otmu ikñe kapi ambolipñe ari tâk kârikñe, kutñe sein sâmu, yañe kâiñe bânñe mem menduhum sâhâminiwiâke yamâ tâmbirin sâmu hâreakminiop. Yawu otma weke bâleñe mângâemu lok ki manmaiângen ari ihilâk mahilâk manminiop. Lok yakât topñe yawu. Lok yañe ewan kinmâ Yesu ekmâ yâkât gotñan ge kinop. Gotñan ge kinmu Yesuñe weke bâleñe ya watbe sâmu yuwu sâmu ekuop. “Lok yukâlembâ gaiakmâ ari.”

Yawu sâmu hu halak tuhum yuwu sâmu ulitguop. “Yesu, topge nañgan. Gâ Anitâhât nanñe. Yamâ wongât nâhâlen takat? Nâ hâhiwin ki nihi. Inâk âwurem arihât nañgan.” Yawu sâmu ulitguop.

³⁰ Ulitgumu sâop. “Ahonakdâ nâñgawe.”

Sâmu sâop. “Nâñe weke bâleñe nombotñe orowâk tatmâ lok yu mem mângâem mansain. Yakât otmâ nengât kutnenñe “Komot Pato,” yawu.

³¹ Aiop, gâñe nâñgâningirâ sumânâk mannom. Hem topñan ki hâñgânnongorâ arinom.” Yawu sâwi.

³² Yâhâ talapñan bau sesengâlâkñe tomot tuhum kinñetâ yekbi. Yekmâ yuwu sâmu Yesu ekuwi. “Gâñe watnenekbuat otmuâmâ, âlepñe watnenekdâ gaiakmâ bau enda yengâlen arinom.”

Yawu sâwi. Yawu sâñetâ watyekmu gaiakmâ bau ya yengâlen ge mânunjakbi.

³³ Bau yengâlen ge mânunjakmâ mângâeyekñetâ sururuk sâm ba hem patoembâ tâwoñ sâm dengânân kionjetâ haranyongop.

³⁴ Dengânân kionjetâ haranyongomu galemyongom manbiñe ekmâ sururuk sâm kapi ambolipñe ya ekyongowi.

³⁵ Ekyongonjetâ yakât topñe nângâne sâm Yesuhâlen takawi. Otmu emelâk weke bâleñe lok mângâenjetâ ihilâk mahilâk manminiop yamâ nângân nângânñe keterakbangimu hâk katipñe mânunahop ya ekbi. Ekñetâ sâtñe otmu lohimbî Yesu orop kinbi ya âiyongowi.

³⁶ Âiyongonjetâ Yesuñe weke bâleñe watyekmu gaiakmâ arinjetâ nângân nângânñe keterakbangiop yakât den pat ekyongowi.

³⁷ Ekyongonjetâ nângânjetâ sâtñe otmu Yesuñe pilâyekmâ âlâengen ariâkgât ekuwi.

Yakât otmâ Yesuñe hoñ bawalipñe meyekmu wangaen yâhâwi.

³⁸ Wangaen yâhânjetâ yan lok weke bâleñe watbangiop yañe yuwu sâop. “Nâ girawu otbom? Yen orop arinehât nanjan.”

³⁹ Sâmu sâop. “Bia, gâ nen orop ki arinom. Yakât otmâ kapihehen ari gike hep torehenlipge yakât den pat ya ekyongowuat.” Yawu sâop.

Yawu sâmu kapiân yâhâ Yesuñe henñeñguop yakât den pat kapilipñe ekyongop.

Yesuñe Yairo baratñe mumunambâ mem yahalop.

(Mataio 9:18-26 Mareko 5:21-43)

40 Yawu otmâ Yesuŋe hoŋ bawalipŋe meyekmu kapi ya pilâm wanŋa mem âwurem ariwi. Âwurem ari wanŋaembâ geŋetâ dengân ginŋan lohimbi dondâŋe Yesu ekne sâŋm taka kinbi.

41 Yawu otmâ kinŋetâ miti emetŋahât galem-lipyenŋe yenŋât lok kunŋe, kutŋe Yairo sâŋm, yâkŋe gotŋan ba mepaem yuwu sâŋm ekuop.

42 “Baratne, ombe bisine konohâk ya sihanâk katnenekbe sâŋm oap. Yawu gârâmâ gâŋe ari heŋgeŋguhât nanŋan.” Yawu sâop.

Yawu sâŋm ekumu Yesuŋe hoŋ bawalipŋe meyekmu ya pilâm Yairohât emelan ariwi. Mâtâwân arim tatŋetâ Yesu takaop yakât den pat ya lohimbi dondâŋe nânŋâm ekne sâŋm yâkâlen ariŋetâ orowâk ariwi.

43 Yâhâ imbi âlâ orowâk ariwi yâkât topŋeâmâ yuwu. Imbilipnenŋaŋe emetsenŋe ekmai dop yawu ki olop. Yâhâ imbi yuâmâ emetsenŋe ekmâ yâhâmu yambu kâiân yâhâp olop. Yambu kâiân yâhâp yu biwiŋan dokta yenŋâlen arimu hep ya saŋ sâekgât âi pato mewiâke yamâ yawuâk otmâ gaop.

44 Yâhâ imbi yaŋe Yesuhât betŋan bam yâkât sâŋgum potonŋan in walipgumu yanâk hepŋe saŋ sâop.

45 Yâhâ walipguop yanâk Yesuŋe enŋatŋe kakŋambâ olelem yekmâ “Âlâŋe walipnohoap?” sâŋm âiyongop.

Yawu sâŋm âiyongomu yan kurihiakŋetâ Petoroŋe yuwu sâop. “Lohimbi dondâŋe mem hawam mewam tuhunenekŋetâ pânŋ sâŋm kinsain. Yakât otmâ gâ girawu nânŋâm yat? Yan gâtŋaŋe mon walipgohoi.”

46 Sâmu sâop. “Walipnohoap yan hâkne katmâ nanġan.”

47 Yawu sâmu imbi yaġe kâi bâtnġe kârânġ kârânġ sâmu kinop. Yawu otmâ Yesuhât sâġgum potonġan walipġumu hepġe sâġ sâop yakât topġe kerek ekuop.

48 Sâmu sâop. “Toune, biwihe nâhâlen katsat. Yakât otmâ Anitâġe nâġġâhîhimu hepġe saġ yap. Lohotġan ba ari.” Yawu sâm ekuop.

49 Yawu sâm ekum kinmu yanâk Yairohât hon bawalipġe nombotġaġe emelambâ taka yuwu sâm ekuwi. “Baratġe emelâk bâleap. Yakât otmâ lok pato yu imbiâk sârâ gamap.”

50 Yawu sâġetâ Yesuġe nâġġâm Yairo yuwu sâm ekuop. “Yakât ki gorâhîhiâk. Nâhâlen biwihâġe kepeim eġġat yâhâp ki ot.” Yawu sâop.

51 Yawu sâm Yairohât emet gotġan ba kinmâ lohîmbi nombotġe katyekmu yaehen kinbi. Yaehen kinġetâ Petoro, Yakowo, otmu imiġe Yoane, Yairo, imbiġeit meyekmu emet kâlehen yâhâwi.

52 Yâhâ lohîmbi dondâġe kahân tatmâ isem we bâle pato nâġġâm tatbi. Yawu ot tatġetâ yuwu sâm ekyongop. “Baratyetġe ki bâleap, in aman pâlâmġe iap. Yakât otmâ ki isenġet.”

53 Yawu sâm ekyongomu nâġġâġetâ nahat otmu ġiriġbaġġiwi. Emelâk katnenekmâ arap nâġġâwi.

54 Yâhâ Yesuġe imbi sihan ya bâtnġan mem yuwu sâm ekuop. “Barat tipġe, yahatmâ kin.”

55 Yawu sâmu yanâk yahatmâ bam gaop. Yawu otmu Yesuġe sâmu sot um waġetâ niop.

56 Otmu âwâġe mâmâġaġe ya ekmutâ âlâ kândâkdâ olop. Yawu otmâ bukulipyetġe ki

ekyongoromawot sâ m kuyitgiop.

9

*Yesuŋe hoŋ bawalipŋe meyekmâ âi sâ m yinŋiop.
(Mataio 10:5-15 Mareko 6:7-13)*

¹ Yesuŋe hoŋ bawalipŋe kâiân yâhâp men-duhuyekmâ âi sâ m yinŋim yuwu sâ m ekyongop. “Yen nâhât sâtŋât otmâ ari weke bâleŋaŋe lohimbî mângâeyekŋetâ mansai ya watyinŋinŋetâ gaiakmâ arinomai. Otmu lohimbî kundat otmâ mansai ya heŋgemyongonomai.” Yawu sâ m ekyongop.

² Otmu lohimbîŋe Anitâhâlen biwiyenŋe kepeinŋetâ tihityeŋe otbuap yakât den pat ekyongom kapi âlâen âlâen ari kundat otbi ya heŋgemyongonomaihât mâmâŋe otyinŋiop.

³ Mâmâŋe otyinŋim yuwu sâ m ekyongom hângânyongop. “Âi topŋe katne sâ m sot me senŋe âlâlâ umatdâek ki miakmâ arinomai. Natik ki miaknomai. Me itâkat ki goleaknomai. Me tewetsenŋe hâkyeŋan ki tatbuap. Me pet me hâk katipŋe ya hourâ hourâ ki miaknomai. Me howan ki tinangum arinomai.

⁴ Otmu kapi âlâen arinomai yanâmâ emelan dâim yâhâ katyekŋetâ yanâk tatnomai. Kapi ya ambolipŋaŋe orotmemeyeŋe bâleŋe betbangim biwiyenŋe Anitâhâlen katŋet sâ m nâhât den pat âlepŋe ekyongonomai.

⁵ Yâhâ kapi âlâen ari den ekyongonŋetâ nângâŋetâ nahat otmu bet pilânomai yamâ hâmbâi Anitâŋe matŋe umatŋe yinŋiwuap. Yakât otmâ kâiyenŋan wahap me bokosok me yu ya horatbuap yamâ tâlim gik beretek meŋetâ gewuap. Ya gemu betyinŋim

pilâyekmâ ba âlâengen arinomai. Ariñetâ towat ya ekmâ kâi katsap yawu nâñgânomai.” Yawu sâmb ekyongop.

⁶ Yawu sâmb ekyongom hângânyongomu kapi âlâen âlâen ari yâkât den pat âlepñe ekyongowi. Den pat âlepñe ekyongom yan lohimbi mesek othi ya mem hengemyongowi.

Herotñe Yesuhât den pat nâñgâop.

(Mataio 14:1-2 Mareko 6:14-16)

⁷ Otmu sâp yanâmâ Galilaia yengât lok kutdâ âlâ manop, kutñe Herot Antipa sâmb, yâkñeâmâ Yesuñe olop miop yakât den pat nâñgâop. Lohimbi nombotñane yuwu sâñetâ nâñgâop. “Herotñe tembe lâulipñe ekyongomu Yoane kuñetâ muop yamâ mumuñambâ yahatmâ mansap,” yawu sâwi.

⁸ Yâhâ nombotñaneâmâ yuwu sâñetâ nâñgâop. “Poropete lok âlâ, kutñe Elea sâmb, emelâk himbimân yâhâop yañe mon purik sâmb ge mansap,” yawu sâwi. Yâhâ nombotñaneâmâ yuwu sâñetâ nâñgâop. “Anitâhât poropetelipñe emelâk muwi yâk yengâlen gâtñe âlâ yañe mumuñambâ yahatmâ mansap,” yawu sâwi.

⁹ Yawu sâñetâ Herotñe nâñgâm engat yâhâp otmâ yuwu sâop. “Emelâk tembe lâulipne ekyongomune Yoane engatñe hârewi. Yakât otmâ lok girawu yañe yu ya otmâ mansap yakât den pat sâñetâ nanñan?” Yawu sâmb Yesu ekbehât nâñgâm manop.

Lok 5000 ya sot yingñetâ newi.

(Mataio 14:13-21 Mareko 6:30-44 Yoane 6:1-13)

¹⁰ Emelâk Yesuñe hoñ bawalipñe hângânyongomu kapi âlâen âlâen ari yâkât den pat âlepñe ekyongowi. Ekyongom pesuk pilâm yâkâlen

âwurem ari otbi mewi yakât ekuwi. Ekuņetâ meyekmu yenjâk tatmâ nâņgâne sâm Besaita kapiân ariwi.

¹¹ Kapi yan ariwi yakât den pat lohimbi kiņgitņe orowâkņe nâņgâm betyenehen watyekmâ ariwi. Ariņetâ yan Yesuņe tepņe nâņgâyিংim Anitâhâlen biwiyenaje kepeinjetâ tihityeņe otbuap yakât den pat âlepņe ekyongop. Otmu bukulipyeņe mesek topņe topņe otbi ya meyekmâ takanjetâ mem heņgemyongop.

¹² Yawu otmâ Anitâhât den topņambâek kâsikum yingimu emetsâpņe otmu yan hoņ bawalipņaje yuwu sâm ekuwi. “Yu tain yu hâlâņmâ kapi tipi tapi âlâ ki tap. Yakât po yingimu wâtyeņe houņ sâmapgât gâņe hâņgânyongorâ arinjet. Hâņgânyongorâ ari yenahâk sot puluhum um nenomai.” Yawu sâwi.

¹³ Sâņetâ sâop. “Âlepņe yeņe sot kâsikum yinginjet.”

Sâmu sâwi. “Nengâlen banğa kândâkdâ mome otmu injan yâhâp yawuâk tap. Lohimbi dondâ taka tai. Yawu gârâmâ nenņe katgekmâ ari sot puluhuyingim lâum takanomgât nanjat me?” Yawu sâwi.

¹⁴ Yâhâ lohimbi taka tatbi ya yeņgât dowâmâ 5000 yawuya. Yesuņe yuwu sâm ekyongop. “Yeņe lohimbi yu ekyongonjetâ kâsiwahom komot tipi tapi, komot 50 dop yawuya tatmâ arinjet.” Yawu sâop.

¹⁵ Yâhâ lohimbi ekyongonjetâ den sâop yawuâk otbi.

¹⁶ Otmu Yesuņe sot ya mem himbimân pak sâm ekmâ Anitâ mepaeop. Anitâ mepaem banğa ya

motokmâ tipi tapi tuhum hon bawalipņe yingimu lohimbi ya kerehâk yinginetâ newi. Yâhâ inĵan gurâ yawuâk yinginetâ nenĵetâ dopyeņan olop.

¹⁷ Nenĵetâ dopyeņan otmu sot nombotņe talop ya hon bawalipņe hâwurum mânuņetâ saka saka kâiân yâhâp pik sâop.

Petoroņe Yesuhât topņe sâm teteop.

(Mataio 16:13-19 Mareko 8:27-29)

¹⁸ Otmu hilâm âlâen Yesuņe hon bawalipņe katyekmu tatņetâ ikņiâk ba kinmâ Anitâ ulitguop. Ulitgum pesuk pilâmu hon bawalipņe yâkâlen arinetâ yuwu sâm âiyongop. “Lohimbiņe nâhât girawu nâņgâmai?”

¹⁹ Sâmu sâwi. “Nombotņe gâhât yuwu sâmai. “Yoaneņe lohimbi toen katyekminiop ya emelâk kuņetâ muop ya mumuņambâ yahatmâ mansap,” yawu sâmai. Yâhâ nombotņeâmâ, “Poropete âlâ, kutņe Elea sâm, emelâk himbimân yâhâop yaņe purik sâm ge mansap,” sâmai. Yâhâ nombotņeâmâ, “Anitâhât poropetelipņe emelâk muwi ya yeņgâlen gâtņe âlâņe mumuņambâ yahatmâ mansap,” gâhât yawu sâmai.” Yawu sâwi.

²⁰ Sâņetâ sâop. “Yawu gârâmâ yeņeâmâ nâhât girawu nâņgâmai?” Sâmu Petoroņe yuwu sâop. “Anitâņe hâņgângohomu ge mansat ya nâņgâmunņe bulâņe oap.” Yawu sâop.

²¹ Yâhâ yakât topņe sâm tetem lohimbi ekyongomaihat sâm kuyiņgiop.

Yesu kuņetâ mumbuap yakât sâop.

(Mataio 16:20-28 Mareko 8:30-9:1)

22 Den âlâ torokatmâ yuwu sâ m ekyongop. “Nâ lok bulâne mansan. Yawu gârâmâ hotom umai yengât kunlipyene otmu Isirae nengât papatolip-nenne otmu Mosehât girem den kâsikum ningimai ya kerekne biwi konohâk otmâ yan nâhât sâ m bâlenihim mem âlâlâ tuhunekmâ nohojetâ mum-bom. Mum yan hân kâlehen hilâm kalimbu tatmâ benje yapâ mumuñambâ yahatbom.” Yawu sâ m ekyongop.

Manmannenje ki alitmâ manmâ yâhânom.

23 Otmu Yesune lohimbi kerehâk yuwu sâ m ekyongop. “Lohimbi âlâ me âlâne biwiyene nâhâlen katmaine nâhâlen torokatne sâ m yan yehâhât ki nângânetâ yahatbuap. Me senje âlâlâ tatyngiap ya biatningimap sâ m yakât ki nângâm ketet otmâ engat yâhâp otnomai. Nâhât den haonmâ ârândân nângâm tem lâunihim mannomai.

24 Yawu gârâmâ benje lok âlâ me âlâne man-manyene alilaknomai yamâ hiliwahonomai. Yâhâ lok âlâ me âlâne nâhâlen biwiyenane kepeim manmâ nâhât den pat âlepne yu lohimbi ekyongonomai. Ekyongonomai yakât otmâ yongojetâ munomai yamâ Anitâne mumuñambâ mem yahatyekbuap.

25 Yâhâ lok âlâ me âlâne iri sikum me manman topne topne yan biwi nângân nângânyene hikum manmâ munomai yane girawu otnomai. Yehâhâk mumuñambâ yahatnomaihât dop âlâ ki tap. Nâ lok bulâne den kâsikum yingim mansan. Yengâlen gâtne âlâ me âlâne nâhât den nângânetâ nahat otmu betnihinomai yamâ matne yuwu kâpekyingiwom. Hâmbâi sâp patoen

Himbim Awonɔnaɔe yâhâpɔe hângânnohomu aɔelolipne meyekmune hânân genom. Sâp yan yengâlen gâtɔe âlâ me âlâɔe nâhât den nângâɔetâ nahat otmu betnihimai yamâ nâku yawuâk betyongomune matɔe umatɔe menomai.

²⁶ Hâmbâi sâp patoen Himbim Awonɔnaɔe yâhâpɔe hângânnohomu aɔelolipne meyekmune hânân genom. Gem yan manmanyenahât matɔe âlâku ikɔiâk ikɔiâk kâpekmâ yinɔiwom.

²⁷ Yuwu sâm ekyongomune nângâm biwiyenɔan katmâ mannomai. Yen ki mum metenɔetâek Anitâɔe tihityeɔe otbe sâm lok bulâɔe nâ hângânnohomu âwurem ge tihityeɔe otbisâm.” Yawu sâop.

*Yesuɔe Mose yet Elea orop den alahuwi.
(Mataio 17:1-13 Mareko 9:2-13)*

²⁸ Den yawu ekyongop yakât kakɔan hilâm nombolân yâhâp mon pesuk sâmu Yesuɔe Anitâ ulitguwe sâm olop. Yakât otmâ Petoro, Yakowo, otmu imiɔe Yoane, meyekmu hoɔ bawalipɔe nombotɔe âlâmâ katyekɔetâ tatɔetâ yenjâk pumɔe âlâen yâhâwi.

²⁹ Yâhâ kinɔetâ Yesuɔe Anitâ ulitgum kun kundenne âlâ otmu sângumɔaɔe laɔinɔe pilâm kaok bolan bolan olop.

³⁰ Yawu otmu Mose Elea emelâk Anitâɔe meyelehop yaɔe in yawu tetem kinmutâ

³¹ himbimâmbâ laɔinɔaɔe siliɔ siliɔ sâm hâuyelekmu yâk orop den alahuwi. Yawu otmâ Yesuɔe Yerusalem kapiân ari Anitâɔe yâkât mâtâp sâm kalop ya lâumu Yura papatolipyeɔaɔe kuɔetâ mumbuap yakât ekyotgop.

³² Mose yet Elea tetemutâ den otbi yan hon bawalipñaŋe aman pâlâmŋe iwi. Yâhâ Mose yet Eleaŋe Yesu pilâm arire sâŋ otmutâ kâlâwahom ya-hatmâ yekbi. Yekŋetâ Petorohât hanŋe tâlâhumu yuwu sâŋ Yesu ekuop. “Lok pato, kulem teteap yuwuya âlâ ki ekmain. Yu ekmunŋe âlâ kândâkdâ oap. Yawu gârâmâ gâŋe sârâ selep kalimbu tuhunehât nanŋan. Gâhât âlâ, Mosehât âlâ, Eleahât âlâ.” Yawu sâop.

³³ Otmu Mose yet Elia Yesu pilâm arire sâŋ otmutâ Petoroŋe kulem yakât topŋe ki nâŋgâmâk Yesu yawu sâŋ ekuop.

³⁴ Yawu sâmu yanâk elem patoŋe ge pumŋe ya mem kâŋpŋumu kiŋgityenjahât otbi.

³⁵ Kiŋgityenjahât otŋetâ elem yakât biwiŋambâ Anitâŋe den âlâ yuwu sâop. “Bulâŋanâk yuâmâ nine nanne ombe bisine. Nâŋe âi sâŋ waŋmâ hâŋgâŋumune giop. Yakât otmâ den sâwuap ya yeŋe mem biwiyeŋan katmâ tem lâuwaŋgim man-nomai.” Yawu sâop.

³⁶ Den ya sâŋ tiŋ pilâmu Yesu ikŋeâk kinmu ekbi. Yâhâ hon bawalipñaŋe kulem ya ekbi yakât ki sâŋ tetem bukulipyenŋe ekyongowi.

Yesuhât hon bawalipñaŋe weke bâleŋe watne sâŋ pâpŋuwi.

(Mataio 17:14-21 Mareko 9:14-29)

³⁷ Emet haŋ sâmu pumŋehembâ geŋetâ lohimbi kiŋgitŋe orowâkŋe ari mem teteyekbi.

³⁸ Mem teteyekŋetâ hohetyenambâ lok âlâŋe ha-lahum yuwu sâŋ Yesu ekuop. “Lok pato, gawot. Nine nanne ombe bisine yu gam ek.

39 Yakât topņe yuwu. Weke bâleņeņe pârâk sânsânâk mângâemu senņe gâwâņ gâwâņ sâm hânân ge imu nekamņe kâtiņ sâm lauņe barak barak otmu halahumap. Weke bâleņe yaņe haonmâ ârândâņ yawu mângâemap.

40 Yawuhât hoņ bawalipgaņe watņet sâm dâim taka ekyongomune pâpgum pilai.” Yawu sâop.

41 Yawu sâmu Yesuņe olelem hoņ bawalipņe yekmâ yuwu sâm ekyongop. “Yen orop sâp kâlep manmâ gain. Yamâ wongât nâhâitņe ki tânnongowuap yawu naņgai? Yawu nâņgâm biwiyenāņe nâhâlen tiņâk ki kepeiai yakât nâņgâmune ki ârândâņ oap. Yawu gârâmâ hâmbâi nâņe pilâyekmâ yâhâwom yan yeņe girawu mannomai?” Yawu sâm ekyongom âwâņe ekumu nanņe ya dâim Yesuhâlen baop.

42 Dâim bamu weke bâleņeņe mângâemu senņe gâwâņ gâwâņ sâm hânân ge kârâņ kârâņ sâm lauņe barak barak otmâ iop. Yawu otmuâmâ Yesuņe weke bâleņe ya watmu gaiakmâ arimu âlepņe otmâ âwâņahâlen ba kinop.

43 Yâhâ Yesuņe kulem miop yan Anitâhât wâtņe tetemu ekņetâ ewe membe olop.

Yesu kuņetâ mumbuap yakât âlâkuâk sâop.

(Mataio 17:22-23 Mareko 9:30-32)

Yesu kulem miop ya ekņetâ ewe membe olop sâp yan hoņ bawalipņe yuwu sâm ekyongop.

44 “Den yuwu sâm ekyongomune nâņgâm biwiyenān katmâ mannomai. Anitâņe nâ lok bulâņe hâņgânnohomu ge mansan. Nâhât kasalipnaņe sâp ki kâlep otmuâk meneknomai.” Yawu sâop.

⁴⁵ Yawu sâm ekyongowâke yamâ Anitâñe nâñgân nâñgânyene mem kopa tuhuyekmu nâñgâñetâ ki keterahop. Yakât otmâ âikune sâm otñetâ umatñe otmu pilâwi.

Huruñ huruñ manmâ yâhânôm.

(Mataio 18:1-5 Mareko 9:33-37)

⁴⁶ Sâp âlâen Yesuhât hoñ bawalipñañe osetyenjan gâtñe âlâ me âlâñe kunyene pato otbuap yakât sâm pawarak guwarak otbi.

⁴⁷ Yawu otmâ sahaññetâ Yesuñe biwiyenjahât topñe nâñgâm yan naom tipñe âlâ lâum gotyenjan katmu kinmu

⁴⁸ yuwu sâm ekyongop. “Lok âlâ me âlâñe tem lâunihim naom tipñe yuwuya buku otbañginomai. Lohimbi yañe naom tipñe otbañgiain sâm yan nâ buku otnihinomai. Otmu nâ otnihiain sâm Anitâñe hâñgânnohomu ge mansan yâk buku otbañginomai. Yeñgâlen gâtñe âlâ me âlâñe yeñjahât nâñgâñetâ gemu huruñ huruñ manmai ya yeñgât Anitâñe nâñgâyñgimu yahatmap.” Yawu sâop.

Lohimbiñe nengât ki nâñgâñetâ gemap yañe buku otningimai.

(Mareko 9:38-40)

⁴⁹ Yawu sâm ekyongomu Yoaneñe yuwu sâm ekuop. “Lok pato, lok ondowân gâtñe âlâñe kutgan gohonmâ weke bâleñe watyekmu gaiakmâ ariwi ya nenñe ekmâ nâñgâm bâlewanñgim kuwanñgiwin.” Yawu sâop.

⁵⁰ Yawu sâmu yuwu sâm ekyongop. “Lohimbi nombotñañe yeñgât ki nâñgâñetâ gemap yañe yeñgât buku manmai. Yakât otmâ lok yawuya ki kuyñginomai.” Yawu sâop.

Samaria kapi ambolipņaje Yesu ekmâ ki buku otbaņgiwi.

⁵¹ Yesuņe himbimân âwurem yâhâwuap yakât sâp tâlâhuop. Yakât otmâ Samaria hân tânâmņambâ Yerusalem kapiân ariwe sâm biwiņaje nâņgâop.

⁵² Yawu otmâ Samaria ya yeņgât kapi âlâen ari inomaihât hoņ bawalipņe nombotņaje kulet sâm ari emet âlâ mem heņgeņguņet sâm hâņgânyongomu ariwi.

⁵³ Ari kapi ambolipņe ya ekyongonjetâ Yesu Yerusalem kapiân ariwuap yawu nâņgâmâmâ emetyeņe alitbi.

⁵⁴ Emetyeņe alitņetâ hoņ bawayâhâtņe yâhâp, Yakowo yet Yoane, yakât nâņgâmutâ bâlemu yetņe eņgatyetņeâk otmâ Yesu yuwu sâm âikuowot. “Lok pato, nâņgânitgirâ sâmutņe himbimâmbâ kâlâp punduņ sâm ge seyehâk.”

⁵⁵⁻⁵⁶ Yawu sâmutâ kuyitgimu kapi ya pilâm âlâengen ariwi.

Lok yuwuyaje Yesuhât tem lâuwaņgim manno-mai.

(Mataio 8:19-22)

⁵⁷ Mâtâwân arim tatņetâ lok âlâņe mem teteyekmâ Yesu yuwu sâm ekuop. “Gâ yuken yaken otbuat yamâ nâ orowâk.”

⁵⁸ Sâmu sâop. “Nine topne hâum pâpguatgât yuwu sâmune nâņgârâ keterahâk. Sonņoâmâ nak duwiņan imai. Yâhâ nâiâmâ nak kakņan kerem tatmai. Yâhâ nâmâ Anitâņe hâņgânnohomu ge mansan yamâ emet âlâ ki tatnihiap. Yakât otmâ gâ orowâk arinom otmuâmâ girawu otnom?” Yawu sâm ekuop.

⁵⁹ Yesuŋe lok âlâ mem tetem yuwu sâŋ ekuop. “Nâhâlen torokatdâ orowâk mandehât naŋgan.”

Sâmu sâop. “Lok pato, awoŋ âun bâleap. Yakât otmâ nâŋgânihirâ ari awoŋne kurihiwe. Kurihim âwurem gamune orowâk arirom.”

⁶⁰ Sâmu sâop. “Lohimbi biwi pâlâmŋe manmâ Anitâhât den ki lâum manmaiŋe hanguŋet. Gâŋeâmâ katyekmâ taka Anitâhât den pat âlepŋe lohimbi ekyongowuat.” Yawu sâop.

⁶¹ Yâhâ lok âlâŋe Yesu yuwu sâŋ ekuop. “Lok pato, gâ orowâk arirehât naŋgan. Yawu gârâmâ nâŋgânihirâ hep torehenlipne yeŋgâlen âwurem arimune iseŋgim katyekmâ âwurem gamune arirom.”

⁶² Sâmu sâop. “Den yat yakât matŋe den âlâen hâum yuwu sâŋmune nâŋgâ. Lok âlâ me âlâŋe nâhâlen torokatne sâŋ hep torehenlipyeŋe katyekŋetâ kinŋetâ waŋgaen yâhânomai. Yawu otmâ tepyeŋe nâŋgâyiŋgim purik sâŋ âwurem ari yekne sâŋ otnomaiŋe nâhâlen torokatŋetâ âi sâŋ yiŋgiwomgât dop ki tap.” Yawu sâop.

10

Anitâhât den ekyongonŋet sâŋ Yesuŋe lok 72 hâŋgânyongop.

¹ Sâp yakât kakŋan Yesu Kutdânenŋaŋe lok 72 mem sâlipyongop. Yawu otmâ lok yâhâp yâhâwâk menduhuakmâ kulet sâwaŋgim mâtâp mewâŋginomaihât âi sâŋ yiŋgim hâŋgânyongop.

² Den âlâen hâum yuwu sâŋ ekyongom hâŋgânyongop. “Kâlâmân sot pato tap. Yâhâ Anitâŋe nep lok katyekmu mem hâwurum

kinsaiâkâ yamâ ki dopņan oap. Yakât otmâ Anitâņe lok âlâkuâk katyehâkgât ulitgum mannomai.” Yawu sâm ekyongop.

³ Otmu hoņ bawalipņane topyeņe nanņanņinetgât den âlâen hâum yuwu sâm ekyongop. “Lama yamâ pâlâmņe kinmai. Yâhâ sosoņeâmâ sâtņe bâleņe tatmai. Yawu gârâmâ lama yaņe dâiakmâ arinomai yamâ sosoņe yingim neyekbuap. Dop yawuâk nâņe hâņgânyongomune sâtņe metņe kâlehen arinomai.

⁴ Hâņgânyongomune arinomai yan bât barahâk arinomai. Itâkat ki goleaknomai. Me kâi katipņe katnomai yakât houņe âlâ ki menomai. Me tewet-senņe hâkyeņan ki tatbuap.

⁵ Otmu kapi wosapâ arine sâm otnomai yan mâtâwân lok orop den kâlep ki huhunomai. Inâk tâņ tâņâk kapiân arinomai.

Otmu kapi ambolipņe âlâ me âlâņe emelan dâim yâhâ katyekņetâ yan yuwu sânomai. “Anitâņe ti-hityeņe otmu yâkât wâtņan kinmâ yâhâm heroņe kakņan mannomai.”

⁶⁻⁷ Yawu sâm ekyongoņetâ heroņe otyinginomai otmuâmâ yan tatmâ nâhât den pat âlepņe kâsikum yinginetâ nâņgâm yanâmâ bulâņe yâk yeņgâlen tetewuap.

Yâhâ kapi ambolipņane buku otyinginomai yakât nâņgâņetâ keterahâkgât den âlâen hâum yuwu sâmune nâņgâņet. Lok âlâ me âlâ nep sâm yinginetâ tuhumai yakât hâmeņe meņetâ ârândâņ otmap. Yakât otmâ kapi ambolipņane yen buku otyingim sot um yinginomai otmuâmâ kapi yan tatnomai.

Yâhâ nombotņaje denyeņe nâņgâņetâ nahat otmu betyîņginomai otmuâmâ yengu yawuâk betyîņginomai.

⁸ Yâhâ kapi âlâen ari den ekyongonjetâ nâņgâņetâ bulâņe otmu buku otyîņginomai otmuâmâ

⁹ yan tatmâ lohimbi kundat otnomai ya mem heņgemyongonomai. Yawu otmâ Anitâhâlen biwiyenaje kepeîņetâ tihityeņe otbuapgât den pat âlepņe ekyongonomai.

¹⁰ Yâhâ kapi âlâen ari den ekyongonjetâ nâņgâņetâ nahat otmu betyîņginomai otmuâmâ hâmbâi Anitâņe matņe umatņeâk yîņgiwuap. Yakât otmâ kapiân ari lohimbi senyenjan kinmâ yuwu sâm ekyongonomai.

¹¹ “Anitâņe tihityeņe otbe sâm oap. Yamâ yeņe yâkât hâkâņ otmâ betbaņgiai. Yakât otmâ kâinenņan wahap me bokosok me yu ya horatsap yamâ tâlim gik beretek memunņe gemu betyîņgim arinom.” Yawu sâm ekyongom pilâyekmâ arîņetâ towat ya ekmâ kâi katsap yawu nâņgânomai.

¹² Kapi ambolipņaje orotmemeyeņe bâleņe ya ki betbaņgim Anitâhâlen biwiyeņe katsai ya yeņgât yuwu sâmune nâņgâņet. Sâp patoen Sotom kapi ambolipņaje orotmemeyeņe bâleņe otminiwi yakât matņe menomai. Otmu yen gurâ yawuâk orotmeme bâleņe torokatmâ otmâ mansai. Yakât otmâ yeņeâmâ Sotom ambolipņaje matņe menomai ya wangim matņe umatņe pato hâlilîņe menomai.” Yawu sâm ekyongop.

Lohimbi biwi kârik otmâ manbi ya Yesuņe sârekyongop.

(Mataio 11:20-24)

13 Lohimbiŋe orotmemeyeŋe bâleŋe ki pilâm Anitâhâlen biwiyeŋaŋe kepeim manbi. Yakât otmâ Yesuŋe sârekyongom yuwu sâm ekyongop. “Main, Korasin otmu Besaita kapi ambolipŋe yeŋgât sâwe. Yeŋgâlen kulem topŋe topŋe mem gamune ekŋetâ tâŋât otmap. Yamâ emelâk embânân Tiro Siron kapi ambolipŋaŋe kulem yawu ya ekbi mâne orotmeme bâleŋe otmâ gawi ya betbaŋgim Anitâhâlen biwiyeŋaŋe kepeimbâi.

14 Yawu gârâmâ yeŋe orotmeme bâleŋe otmâ mansai ya ki pilâm Anitâhâlen biwiyeŋe katsai. Yakât otmâ hâmbâi Tiro Siron kapi ambolipŋaŋe matŋe umatŋe menomai ya wangim yeŋe umatŋe amokŋan menomai.

15 Otmu Kapanaum kapi ambolipŋe yeŋgât sâwe. Yen gurâ yeŋahâlâk nânŋâŋetâ yahatmu hâkyeŋe mepaeakmâ yuwu sâmai. “Nenâmâ emelâk Anitâŋe himbingât pat kuningimu mansain’ ” Yawu sâmaiâke yamâ yuwu sâmune nânŋâŋet. Yeŋe orotmemeyeŋe bâleŋe ya ki betbaŋgim Anitâhâlen biwiyeŋe katsai. Yakât otmâ yeŋâmâ hemgât pat mansai. Hâmbâi mâne Anitâŋe yakât matŋe umatŋe pato hâliliŋe yinŋimu menomai.” Yawu sâop.

16 Ya yeŋgât yawu sâm hoŋ bawalipŋe yuwu sâm ekyongop. “Den ekyongoan yu nine den bia. Yu Anitâŋe sâm nihiop ya ekyongoan. Yakât otmâ lohimbibe denyeŋe nânŋânomai yan yeŋgât den naŋgain sâm nâhât den nânŋânomai. Yâhâ lohimbibe denyeŋe nânŋâŋetâ nahat otbuap yan yeŋgât den nânŋâmuniŋe nahat oap sâm nâhât den nânŋâŋetâ nahat otbuap. Otmu lohimbibe

nâhât den nângânetâ nahat otbuap yamâ Anitâne hângânnohomu gewan yâkât den nângânetâ nahat otbuap.” Yawu sâm ekyongop.

Lok 72 hângânyongomu ariwi yaŋe âwurem takawi.

¹⁷ Lok 72 âi sâm yingim hângânyongomu ariwi yaŋe âwurem taka otbi mewi yakât herone nângâwanŋim Yesu yuwu sâm ekuwi. “Kutdâ, kutgan gohonmâ weke bâlene watyekmunne gaiakmâ ariwi yakât nângâmune âlâ kândâkdâ oap.” Yawu sâwi.

¹⁸ Sânetâ sâop. “Yeŋe ari weke bâlene watyekbi yan hâkne katmâ nângâwan. Yawu otmâ belek sâmu ekmain yakât dopneâk Satanne himbimâmbâ ge kumu ekban.

¹⁹ Yakât otmâ yuwu sâmune nângânet. Soron hambene me sâne metne kakŋan tâliŋetâ yan hilipyongomap sâm mâmâne otyingim yâhâwom. Otmu nâhât sâtgât otmâ weke bâlene me yu ya lohimbi mângâeyekmai ya sâyinginetâ yengât tem lâuyinginomial.

²⁰ Yawu gârâmâ weke bâleneŋe yengât tem lâuyinginomial yakât nângâm Anitâ mepaenomial. Yâhâ Anitâne himbimân tatmâ kutyene nângâm manman kârikŋahât pat kuyingimu tap yakât otmâ Anitâhât nângâm herone pato otbaŋginomial.” Yawu sâm ekyongop.

Yesuŋe tep hero nângâm Anitâ mepaeop.

(Mataio 11:25-27 Mataio 13:16-17)

²¹ Yawu sâm ekyongop sâp yanâk Anitâhât Wâtgât mâmâŋahât Heakne biwiŋan gemu biwi hero pato nângâm Anitâ yuwu sâm mepaeop. “Awon, hân himbim kândikyotgon ambone, gâhât

tep âlep pato nângâhian. Otmu lok nombotņe gâhât topge nângâne sâm nângân nângân emetņan yâhâwi. Parisaio otmu Sarukaio lok yawuya. Yawu gârâmâ nâņe gâhât den lâum manmâ gan yakât dopņeâk yâkņe lâum manmâ gai mâne ârândâņ otbâp. Yakât topņe nângâmaiĥât gâņe nângân nângânyeņe ki mem hewewen tuhuyiņimat. Yawu gârâmâ lok nombotņe, kutyene bia, belângen manmai yaņeâmâ topne nângâņetgât gâņe nângân nângânyeņe mem hewewen tuhuyiņimat. Gâņe nângâmat, yawuâk tetemap. Yakât mepaeheksan.” Yawu sâm âwâņe ekuop.

22 Âwâņe yawu sâm ekum tiņ pilâm benņe lok 72 âwurem takawi ya yuwu sâm ekyongop. “Himbim amboņe tatmap yâhâmâ awoņne. Yâkņe mâmâņe otnihimu wuân me wuân otbomgât dop tap. Otmu nâņe awoņnahât topņe nângâwanġim heņgeņguan. Yawu gârâmâ lohimbi nombotņe awoņnahât topņe nângâņet sâm ekyongowom yaņe nângâwanġim heņgeņgunomai.” Yawu sâm ekyongop.

23-24 Yawu sâm ekyongom katyekmu arineta hoņ bawalipņe kâiân yâhâp yuwu sâm ekyongop. “Emelâk embâņân Anitâhât poropete lok otmu lohimbi nombotņe yâkât tem lâum manbi yaņe kulem nâņe mem mansan yu ekne sâm yakât mambotmâ gam inâk muwi. Otmu yakât dopņeâk yâkņe himbingât den pat nâņe ekyongom mansan yu nângâne sâm mambotmâ gam inâk muwi. Yakât otmâ den yuwu sâmune nângâņet. Yeņeâmâ sâp yiwereņe yu nâ orowâk manmâ gam kulem topņe

topņe memune ekmâ nâhât den nâņgâm herone kakņan mansai.” Yawu sâm ekyongop.

Lok âlâņe kasaņe ekmâ buku otbaņgiop.

²⁵ Mosehât girem den kâsikum yingiminiopņe Yesuhâlen ariop. Ari Yesuņe den sâm hilipgumu pâi emetņan katņetâ talâkgât yuwu sâm âikuop. “Lok pato, sârâ nâņgâwe. Nâņe girawu otmune ârândâņ otmu yanâmâ Anitâņe manman kârikņahât pat kunihiwuap?”

²⁶ Sâmu sâop. “Moseņe girem den kulemguoņp ya sârâ nâņgâwe.”

²⁷ Sâmu sâop. “Anitâņe girem den âlâ Mose ekumu kulemguoņp ya yuwu tap.

“Isirae ambolipņe yen ekyongomune nâņgâņet. Nengât Kutdânenņe yamâ Anitâ ikņe konok tatmap. Nenņe yâkâlen biwi nâņgân nâņgânnenņane kepeim yâk konok mepaenom. Otmu yâkât lau konok nâņgâm tem lâuwangim mannom. Otmu mâtâp sâm ningiop ya tâņ tâņâk watmâ yâhânom.” Yawu tap. Yâhâ den âlâmâ yuwu tap.

“Nenņahât nanğangimunņe yahatmap yakât dopņeâk buku nombotņe yeņgât nâņgâmunnę yahatbuap.” Yawu tap.”

²⁸ Sâmu sâop. “Âlepņe yat. Yawu otmâ manmâ yâhâwuot otmuâmâ Anitâņe manman kârikņahât pat kuhihwuap.” Yawu sâop.

²⁹ Yawu sâmu lok yaņe irelakmâ yuwu sâm ekuop. “Nâ bukune âlâ?”

³⁰ Yawu sâmu Yesuņe den âlâen hâum yuwu sâm ekuop. “Yura lok âlâ Yerusalem kapi pilâm Yeriko kapiângen ariop. Mâtâwân arim tatmu

kasalipņane mem tetem kum panņetâ ge iop. Ge imu senņe âlâlâņe ya kombo mewañgim pilâm ariwi. Pilâm ariņetâmâ mumbê sâm olop.

³¹ Mumbê sâm otmu Anitâhât hotom umai ya yeņgâlen gâtņe âlâņe mâtâp yawuâk ari ekmâ lauņe butelim inâk wangim ariop.

³² Otmu opon kâmbukņahât hoņ bawa âlâ, Lewi senâmbâ gâtņane mâtâp yawuâk ari mem tetem gotņan bam ekmâ biwi pâlâmņe otmâ ariop.

³³ Yâhâ Yura lohimbiņe Samaria lohimbi ya yeņgât nâņgâņetâ gemu betyiņgimai. Yawu otyiņgimaiâkâ yamâ Samaria gâtņe lok âlâ mâtâp yawuâk ari Yura lok ya mem teteop.

³⁴ Ekmâ tepņe nâņgâm gotņan bam hepņe piriwaņgim, marasin mem lâwâlem sâhâwaņgiop. Otmu lok ya lâum ikņe doņgi kakņan katmâ mem kapiân ari lombañe emet iminiwi yan katmu tatmu omoņ konok galemguop.

³⁵ Yâhâ emet haņ sâmu ariwe sâm otmâ emet yakât amboņe tewetsenņe waņmâ yuwu sâm ekuop. “Tihitņe otmâ mandâ tewetsenņe gihian yu ekdâ ki ârândâņ otbuap otmuâmâ hâmbâi âwurem takawom yan eknohorâ âlâ gihiwom.” Yawu sâm ariop.

³⁶ Otmu yakât âihohowe. Lok kalimbu ya yeņgâlen gâtņe girawu yaņe buku otbaņgiop naņgat?”

³⁷ Sâmu sâop. “Samaria gâtņe lok yaņe tepņe nâņgâwaņgim tihitņe olop ya.”

Sâmu sâop. “Bukulipge tânyongomat dop yawuâk kasalipge tânyongowuat. Yawu.” Yawu sâm ekuop.

Mata yet Maria

38 Yawu sâam ekum Yesuŋe hoŋ bawalipŋe meyekmu lohimbî katyekmâ kapi âlâen ariwi. Kapi ariwi yan imbi âlâ, kutŋe Mata sâam, gariŋeit manowot. Yâkŋe Yesu otmu hoŋ bawalipŋe dâiyekmu emetyetŋan yâhâwi.

39 Yâhâ tatŋetâ gariŋe, kutŋe Maria sâam, yâkŋe Kutdâhât gotŋan ba tatmu den kâsikum waŋop.

40 Yâhâ Mataŋe ikŋiâk sot uyiŋgimu gariŋe ki tânguop. Yakât nâŋgâm bâlewaŋgim sâop. “Kutdâ, gariŋeâmâ konam. Nâ niniâk sot uan. Yakât nâŋgâmune bâleap. Ekurâ tânnohoâkgât naŋgan.”

41 Sâamu sâop. “Mata, gâ wahap tâŋât yakât nâŋgârâ yahatsap.

42 Garihaŋeâmâ nâhât den nâŋgâwe sâam otmu yakât nâŋgâmune âlepŋe oap. Yakât otmâ den âlâ ki sâwe. Pesuk yap.” Yawu sâop.

11

*Anitâ orop den otnom yakât topŋe yuwu tap.
(Mataio 6:9-15 Mataio 7:7-11)*

¹ Sâp âlâen Yesuŋe Anitâ ulitgum talop. Ulitgum tiŋ pilâmu hoŋ bawaŋe âlâŋe gotŋan ba yuwu sâam ekuop. “Kutdâ den âlâ ekgohowe. Yoanehât hoŋ bawalipŋe wuân me wuâŋgât sâam Anitâ ulitgunomai yakât topŋe ekyongop yawuâk eknongorâ nâŋgâne.”

² Yawu sâamu yuwu sâam ekyongop. “Anitâ yuwu sâam ulitgunomai. “Himbim awoŋnenŋe, topge âlâ kândâkdâek tap. Yakât nâŋgâm mepaehekmâ mannom. Gike sâtgât otmâ aŋelolipgane haŋmâ ârândâŋ hoŋ bahihimai yawuâk nenŋe gurâ tem lâuhihim mannom.

³ Otmu gâñe hilâm ârândân̄ tihitnenñe otmâ dop-nenñanâk ningimat.

⁴ Otmu lohimbi nombotñeñe mem bâlenenekmâ tai ya yeñgât nânġâm umam sâyiñgim tosayeñe pilâyiñgimain yakât dopñeâk gâñe umam sâningim tosanenñe pilâningiwuat. Otmu Satanñe kendâningimu otmunñe bâlemap sâm ulitgohoaingât mâtâp meningi.” Yeñe yawu sâm Anitâ ulitgum mannomai.” Yawu sâop.

⁵⁻⁶ Otmu den âlâen hâum yuwu sâm ekyongop. “Omoñ derep kâmbukñan yeñgâlen gâtñe âlâ me âlâñe bukuyeñahât emet hawiñan ari kinmâ kotok kunmâ yuwu sâm ekunomai. “O bukune, sâmune nânġâ. Lomba âlâ nâhât emelan taka tap. Nâ emetnan sot ki tap. Yakât otmâ sot kâsikum nihirâ mem ari um wañmune niâk.”

⁷ Yawu sâmu emetñanâk tatmâ yuwu sâwuap. “Girawu otmâ omoñ derep kâmbukñan mândeneneksat? Emet gahatñe emelâk manġuain. Gârâmâ yahatmâ ki mem gihiwom.” Yawu sâm ekuwuap.

⁸ Yâhâ bukunñe emelanâk tatmâ sot ki wañbuap otmuâmâ den otmâ dewaemu yahatmâ sot ya ihilâk wañbuap.

⁹ Yakât yuwu sâmune nânġâñet. “Yeñe wuân me wuângât nânġâm Anitâhâlen biwiyeñeñe kepeim ulitġuñetâ âlepñe nânġâyiñgiwuap.

¹⁰ Otmu âlâen hâum sâwe. Yeñe buku âlâhât emelan yâhâne sâm, “Wâe tat me?” sâñetâ nânġâyiñgimu yanâmâ emet kâlehen yâhânomai. Yakât dopñeâk Anitâ ulitġuñetâ nânġâyiñgiwuap. Anitâhâlen biwiyeñeñe kepeim ulitġumai yamâ

âlepŋe nâŋgâyŋgiwuap. Otmu pâin guin otmai yamâ âlepŋe ikŋjak mâmâŋe otyiŋgimu biwiyenŋe sânduk sâwuap.

11-12 Otmu den âlâen hâum sâmune nâŋgâŋet. Yenŋâlen gâtŋe âlâ me âlâhât nanŋaŋe po waŋgimu âwâŋe ulitgumu yan âwâŋaŋe ki nenenŋe ya waŋbuapgât dop ki tap.

13 Otmu yen nombotŋe Anitâhât topŋe ki nâŋgâm hengenŋumainŋe nan baralipyenŋe yawu otyiŋgimai. Anitâ awonŋenenŋe himbimân tatmapŋe nen ikŋjiâk ikŋjiâk topnenŋe ekmâ nâŋgâmap. Yakât otmâ lok âlâ me âlâŋe Wâtgât mâmâŋahât Heakŋe mâmâŋe otyiŋgiâkgât Anitâ ulitgunomai yan yenŋe nan baralipyenŋe otyiŋgimai ya wangim tâŋ tâŋâk yiŋgiwuap. Yawu sâm ekyongop.

Yesuŋe Anitâhât wâtŋan kinmâ weke bâlenŋe watyehop.

(Mataio 12:22-30 Mareko 3:20-27)

14 Weke bâlenŋe lok âlâ mângâemu launŋe maŋguakmu den biaek manmâ gaop. Otmu Yesuŋe weke bâlenŋe ya watmu gaiakmâ arimu launŋe hâreakmu den olop. Yawu otmu lohimbi yan kinbiŋe ekŋetâ sâtŋe olop.

15 Yawu gârâmâ Parisaio lok nombotŋaŋe ekmâ Yesu nâŋgâm bâlewaŋgim yuwu sâwi. “Yâkât topŋeâmâ yuwu. Yâhâmâ weke bâlenŋe mâmâŋe otbaŋgiap. Yakât otmâ ya yenŋât patoyenŋe, kutŋe Besewulu sâm, kutŋe âlâmâ Satan yâkât wâtŋan kinmâ watyekmap.” Yawu sâwi.

16 Yâhâ Yesuŋe otmâ hilipgumu mem pâi emetŋan katŋetâ talâkgât nombotŋaŋeâmâ topyenŋe kurihiakmâ yuwu sâwi. “Anitâŋe

nângâhiihimap otmuâmâ sârâ kulem âlâ himbimâmbâ tetemu ekmâ topge nângânom.”

17 Yawu sânetâ Yesuje biwiyejahât topje ekmâ nângâm yuwu sâm ekyongop. “Yeje nângâm tâpikguai. Yakât otmâ den âlâen hâum yuwu sâmune nângânet. Lok komot konohâk mansaije yahatmâ ahom hionjakmâ tiok taok otnomai yamâ kutyeje biatbuap. Yâhâ kapi âlâ konohâk tat-mainje yejahâk yahatmâ ahom hionjaknomai yamâ kâwurumyejeâk kinbuap.

18 Yakât den âlâ torokatmâ sâwe. “Besewulune mâmâne otnihimu weke bâleje watyekmune gaiakmâ arimai,” yawu sâmai. Yawu gârâmâ Satangât komotyegahâk ahom hionjaknomai yamâ den ekyongoan yuwuâk tetemu Satangât kutje biatbâp.

19-20 Nâmâ Anitâhât wâtņan kinmâ weke bâleje watyekmâ yan amboyeje Satan ya mem ge katasan. Yakât otmâ âlâku yu torokatmâ sâwe. Yeje imbiâk nâhâitje Satangât wâtņan kinmâ weke bâleje watyeksap yawu nângâmai. Yakât nâne yuwu sâm purik pilâmune nângânet. Yeje âlâhât wâtņan kinmâ weke bâleje watyekesai? Yeje “Anitâhât wâtņan kinsain” yawu sâmai. Girawu otmuâmâ nâhât yawuâk ki nângâmai? Yeje nâhât nângâm tâpikgumai, yawu nanğan. Yawu gârâmâ Anitâne tihityeje otmâ wawaeyekmâ nâ hângânnohomu ge âi yu mem mansan.”

21 Otmu torokatmâ yuwu sâmune nângânet. Nine topne teteâkgât den âlâen hâum yuwu sâmune nângânet. Lok âlâne hâmbâne mem hanğalakmâ tembe talam lâuakmâ yâhâm gem senje âlâlâne

galemgumu âilongo tatbanjimap.

²² Yawu gârâmâ kasaŋe lok sâtŋe kârikŋaŋe taka kum itit kiom bâleŋe tuhuwaŋgiwuap otmuâmâ yâkât tembe talam, kapamgât senŋe âlâlâ, iri sikum, ya kerek mewaŋgim ariwuap. Yakât dopŋeâk nâŋe weke bâleŋe amboyeŋe, Satan, mem ge katbom.

²³ Yakât otmâ yuwu sâmunne nâŋgâŋet. Lok buku ki otnihimaiŋeâmâ kasa otnihimai. Yâhâ lok âlâ me âlâŋe ki tânnohomaiŋeâmâ mâtâp maŋgunihimai dop yawu otmap. Yawu.”

Weke bâleŋaŋe weke bâleŋe nombotŋe dâiyekmu lok mâŋgâeyekmai.

(Mataio 12:43-45)

²⁴ Yesuŋe den âlâ yuwu sâm ekyongop. “Nâŋe yeŋgât topyeŋe yu sâm pitiŋgum heŋgeŋgumune nâŋgâŋet. Yeŋe yuwu nâŋgâm tâpikgumai. “Nenŋahâk kuwihakmâ manman âilongo manmâ yâhânom.” Yen yawu nâŋgâm tâpikguai yakât otmâ den âlâen hâum yuwu sâwe. Weke bâleŋaŋe lok âlâ mâŋgâemap ya gaiakmâ emet sondaŋângen ariwuap. Otmu lok ondopgâlen karakmâ mem bâlewe sâm yakât pâinmâ manbuap. Pâinmu biatmu yuwu nâŋgâwuap. “O, emelâk lok âlâ mem mâŋgâeminiwan. Gârâmâ lok yamâ ninahâk gaiakmâ tohowan. Yawu gârâmâ âlâkuâk âwurem ari lok yâkâlenâk karakbom.”

²⁵ Yawu sâm âwurem ari ekmâ yuwu sâwuap. “Bâe, lok yuâmâ heŋgemahom mansap. Nâhât wâtne tipie. Yakât otmâ weke bâleŋe nombotŋe wâtyeŋe pato tap ya ari meyekbom. Ari meyekmune taka orowâk lok yu mâŋgâenom.” Yawu sâop.

26 Yawu sâ m ari weke bâleŋe băt nombotgen yâhâp ya meyekmu taka lok angoân hâhiwin kakŋan manop yamâ witgum mângâeŋetâ umatŋe dondâ tetewaŋgimu manbuap. Yakât otmâ yuwu sâ mune nâŋgâŋet. Yeŋe yeŋahâk heŋgemahom man-nomaihât dop âlâ ki tap.” Yawu sâop.

27 Yesuŋe den yawu sâ m ekyongomu nâŋgâŋetâ lohimbi hohetyeŋan imbi âlâ kinop yaŋe yuwu sâ m ekuop. “Den eknongoat ya nâŋgâ mune ewe membe oap. Yakât otmâ âi mem mansat ya mâmâhaŋe ekmâ gâhât tepŋe heroŋe nâŋgâhihim mepaehekmâ mansap yawu naŋan.”

28 Sâmu sâop. “Âlepŋe yat yamâ Anitâhât den nâŋgâŋetâ bulâŋe otmu lâum manmai yaŋeâmâ heroŋe kakŋan mannomai.” Yawu sâop.

*Yesuŋe kulem âlâ tuhuâkgât Parisaioŋe ekuwi.
(Mataio 12:38-42 Mareko 8:12)*

29 Yesuŋe kulem âlâ tuhumu eknehât nâŋgâ m lohimbi kiŋgitŋe orowâkŋe Yesuhâlen ari mem hawam mewam tuhuwi. Yawu otŋetâ yuwu sâ m ekyongop. “Yeŋe yuwu otŋetâ ekmune bâlemap. Yeŋe biwi yâhâp otmâ kulem witgumâk memune eknehât nâŋgâmai. Yâhâ nâmâ kulem konohâk memune eknomai. Yuwu sâ mune nâŋgâŋet.

30-32 Angoân poropete âlâ, kutŋe Yona sâ m, yâkâlen kulem âlâ tetemu Niniwe kapi ambolipŋaŋe ekbi. Yakât dopŋeâk nâhâlen kulem âlâ tetemu eknomai. Yakât den âlâ sâwe. Angoânâmâ lok âlâ, kutŋe Solomon sâ m, Dawiti nanŋe, ya nâŋgân nâŋgânŋe pato tatbaŋgiop. Otmu yâkât kut patŋe ya emelâk sâ m haŋ tuhunetâ arimu imbi pato âlâ kapi kâlepŋehen manopŋe

nângâop. Nângâm yanâmâ ekbe sâmbâ tohop. Yakât sâmbâ nângânet. Solomongât nângân nângân pato tatbanjiop. Yawu gârâmâ nâmâ Solomongât kunje mansan. Otmu nâne kapi kâlepnehen ki mansan. Hohetyen manmâ den kâsikum yingim mansan. Yamâ yenêâmâ nâhât den nângânetâ nahat otmap. Yakât otmâ mem ge katnekne sâmbâ oai. Yakât otmâ hâmbâi sâmbâ patoen imbi pato yanêâmâ lok senyen yanahatmâ kinmâ yenê nâhât den kum mansai yengât topyene sâmbâ tetemu anjaknomai. Yawu otjetâ Anitâne yakât matne âlaku ikneak ikneak yingiwuap.

*Sennenje yamâ lambehât lanjinje yakât dop oap.
(Mataio 5:15 Mataio 6:22-23)*

³³ Yesune den âlâen hâum yuwu sâmbâ ekyongop. “Nenje emet kâlehen tatmâ lambe saum tunjunan ki katmain. Gârâmâ helenân gâitmunje kinmâ sem lanjinje pilâmu ekmâ gem yâhâmain.

³⁴ Senyenje yamâ lambe lanjinje yakât dop oap. Senyenje âlepne tatmu yanâmâ ekmâ gem yâhâmai. Yâhâ senyenje bok sâmbâ yanâmâ mâtâp tâpikgum hewukjan kionnomai.

³⁵ Yakât otmâ yuwu sâmbâ nângânet. Biwiyen Anitâhât lanjinjanje pilâmap ya bok sâmbâgât biwi nângân nângânyene galemahom manman âlepneak manmâ yâhânomai.

³⁶ Yawu manmâ yâhânomai yanâmâ lambeje sem lanjinje pilâmu emet biwine han sâmbâ ekmâ tatmai yakât dop otbuap.

*Parisaionje otminiwi yawu ki otmâ mannom.
(Mataio 23:1-36 Mareko 12:38-40 Luka 20:45-47)*

37 Den yawu sâṁ tiṅ pilâmu Parisaio âlâṅe Yesu dâim emetṅan yâhâop. Yan yâhâ Parisaio otmu Mosehât girem den kâsikum yingiminiwi yâk orop sot newi.

38 Yawu gârâmâ angoân Yesuṅe bâṭṅe ki piriâhop. Sot ya inâk mem nemu ekṅetâ sâtṅe otmu pârâk pilâwi.

39 Pârâk pilâṅetâ Yesuṅe yuwu sâṁ ekyongop. “Parisaio yengât topyēṅe teteâkgât den âlâen hâum yuwu sâṁune nâṅgâṅet. Imbi âlâṅe amanṅ mem hâkṅeâk pirimu biwiṅan sot wahapṅe yawuâk tatbuap. Yakât dopṅeâk yeṅe bukulipyenṅe yekṅetâ yahalâkgât hâkyenṅeâk piriakmai. Yawu gârâmâ manman bâleṅe, me orotmemeyenṅe kiṅgoṅ ya biwiyenṅe nâṅgâmai. Yawu nâṅgâṅetâ yanṅe mem bâleṅe tuhuyekmap.

40 Yengât topyēṅe yawu tap yamâ ki enakmâ nanṅanṅimai. Anitâṅe lohimbi kândikyotgop yan hâkyetṅe biwiyetṅe yâhâp yâhâp ya katyitgiop.

41 Yakât otmâ angoân yeṅe biwi nâṅgân nâṅgânyenṅe ya sâṁ pitiaknomai. Yawu otnomai yanâmâ hâkgât wahap wuân me wuângât nâṅgâṅetâ tâṅât otbuap. Yâhâ yawu ki otnomai yamâ yiwerenṅe umatṅe teteyiṅim gap yu wangim umatṅe pato teteyiṅiwuap.

42 Parisaio yeṅeâmâ nâṅgâm tâpikgumai. Yeṅeâmâ wahap tâṅât, hote, gitâk, wahap yawuya mem ketetmâ bâlâk ṅerek osetyenṅan konok ya mem Anitâhât pat kuwanṅimai. Yâhâ Anitâhât den ekyongomu kuleṅguwi yamâ loṅgâemai. Loṅgâem yan yuwu otmâ mansai. Lohimbi yengât den sâṁ hâreyiṅimai yan Anitâṅe nâṅgâmu ârândânṅ olâkgât ki nâṅgâmai. Yawu otmâ den tâṅ

tânjâk ki sâm hâreyiŋimai. Otmu buku nombotŋe yeŋgât weyeŋe ki nâŋgâm tânyongomai. Yakât otmâ hâmbâi Anitâŋe matŋe umatŋe yiŋgiwuap.

⁴³ Yeŋe miti emetŋan yâhâ lohimbi senyenŋan ewanâk tatnehât nâŋgâmai. Otmu lohimbi hawamyongom tatmaiŋe nenekŋetâ yahatmu mepaenenekŋetgât nâŋgâmai. Yawu otmâ manŋetâ ya ekmune bâleap.

⁴⁴ Parisaio yeŋgât topyeŋe teteâkgât den âlâen hâum yuwu sâwe. Emelâk lok muŋetâ hanyongowi ya yeŋgât sum kakŋambâ ki nâŋgâmâk bam gamai.” Yawu sâm ekyongop.

⁴⁵ Yawu sâm ekyongomu Mosehât girem den kâsikum yiŋgiminiwi hohetyeŋan gâtŋe lok âlâŋe yuwu sâm ekuop. “Bawapi, gâŋe Parisaio lok den sâyiŋgiat yaŋe nen gurâ yawuâk meneneksap.”

⁴⁶ Sâmû sâop. “Nenŋe yeŋgât amutgen manmâ yu ya otnehât den undipŋe topŋe topŋe sâm ningimai. Yamâ yeŋeâmâ denyeŋe ya ki lâum watmai. Den sâm ningiŋetâ umatŋe kakŋan manmain. Yawu manmunŋe biwinenŋe mem huruŋ pilâninginehât ki tânnongomai. Yakât otmâ Anitâŋe matŋe umatŋe yiŋgimu menomai.

⁴⁷ Yeŋeâmâ yuwu sâmâi. “Poropete lok mum gawi ya yeŋgât sumân awu tawu kâmetmunŋe baŋbaŋ sâm sekŋe âlepŋe otmâ imap.” Yawu sâmâi. Yamâ yeŋgât tâmbâlipyenŋe poropete lok ya yonŋetâ muwi.

⁴⁸ Yakât yuwu sâmune nâŋgâŋet. Tâmbâlipyenŋe poropete yonŋetâ muwi ya yeŋgât sumân yeŋe awu tawu kâmetmâ galemgumai. Yawu otmâ yongowi yakât nâŋgâŋetâ ârândâŋ oap yawu yeksan.

⁴⁹ Otmu pepa âlâ, kutnje “Anitâhât nângân nângânje” sâm, yan den âlâ yuwu kulemguwi tap. “Honj bawalipne nombotje âi sâm yingimune yengâlen taka Anitâhât topje kâsikum yingim mannomai. Yamâ yeje nâhât den pat bialâkgât nombotje mem âlâlâ tuhuyeknomai. Yâhâ nombotje âlâmâ yongonjetâ munomai.” Den yawu tap.

⁵⁰ Yakât yuwu sâwe. Emelâk Anitâje ikje poropete hângânyongomu denje lâum manmâ gawi ya gurâ yawuâk tâmbâlipyenaje nângâm bâleyingim yongom mem ge katyekbi. Yakât huhopje ya yeje menomai. Yakât topje nângânjetâ keterahâkgât yuwu sâwe.

⁵¹ Embânân topje katmâ tâmbâyeje lok âlâ, kutnje Awe sâm, ya atanaje kumu muop. Otmu poropete âlâ, kutnje Sekaraia, yamâ opon kâmbukjan yâhâ hotom um bam gam kinmu yanâk kujetâ muop. Yawu gârâmâ Awe kumu muop yapâek manmâ gam poropete kerek yongonjetâ muwi yakât huhopje ya yeje menomaiâk.

⁵² Mosehât girem den kâsikum ningimai yejeâmâ Anitâhât den kurihinetâ tap. Yejeâmâ Anitâhât hâkâj otmâ yâkât den nângâm hâum pâpgumai. Yawu otmâ lohimbi nombotjanje yâkât den nângâm tem lâuwanjine sâm otmai ya yengât mâtâp manguyingimai. Yawu otmai yakât nângâmune bâleap. Yakât otmâ umatje topje topje teteyingiwuap.” Yawu sâm ekyongop.

⁵³ Yawu sâm ekyongom emelambâ gem ar-iop. Sâp yakât kakjan Parisaio otmu Mosehât girem den kâsikum yingiminiwiñe Yesuhât nângâm bâlewanjine sâm ge katbi.

⁵⁴ Otmu den sâm hilipgumu nângâm den âiân katne sâm yu yakât âi pâi tuhum gawi.

12

Nimbilam yâhâp ki otnom.

(Mataio 10:26-27)

¹ Otmu lohimbî kinjîtjê orowâkjê Yesuhât den nângâne sâm taka pânj sâwi. Taka pânj sâm Yesu hoj bawalipjê mem awawi guwawi tuhuyekbi. Yawu otmâ kinjêtâ Yesujê hoj bawalipjê yuwu sâm ekyongop. “Parisaio yâk yengât matuk kelunaje mem bâleyekmapgât galem orangim mannomai. Parisaio yamâ nimbilamyenê yâhâp otmâ topyenê kurihiakmâ manmai.

² Yakât otmâ ya yengât den âlâ yuwu sâmune nângânet. Tihângen wahap yu me ya otmâ gai. Ya ki tik tatbuap. Hâmbâi tetekjan tetemu eknom. Yâhâ yu me ya otmâ kurihiakmai. Ya gurâ tetekjan tetemu eknom.

³ Yakât otmâ yuwu sâmune nângânet. Yenâmâ nâ orowâk manmain. Yawu gârâmâ den nombotjê nenniâk tatmâ ekyongoman ya hâmbâi yenê lohimbî ekyongonetâ nângânomai.

Anitâjê wawaeneneksap.

(Mataio 10:28-31)

⁴ Yesujê torokatmâ yuwu sâm ekyongop. “Lok senyenjan kinmâ den ekyongonetâ nângânetâ nahat otmu yen nombotjê yongonetâ munomai. Yongonomai yamâ umut biwiyenê ki hilipgunomai. Lok topnenjê yawu tap. Yakât otmâ ya yengât ki kinjityenjahât otnomai.

⁵ Yâhâ Anitâhât topņeâmâ âlâ tap. Hâmbâi mâne yâkņe konok umut biwiyenę hilipguwuapgât dop tap. Yakât otmâ yenę yâkât den konok lâum man-nomai.

⁶ Otmu yakât âlâ sâwe. Anitâhât den lâum manmain nen haonmâ ârândân yâkņe tihitnenņe otmap yakât topņe nâņgâņetâ keterahâkgât den âlâen hâum yuwu sâmune nâņgâņet. Gironę gironę ekmain yamâ nâi tâņât. Yamâ ki galemgumain. Yawu gârâmâ gironę gironę âlâ mumbuap yakât topņe himbim amboņanę emet inânņan nâņgâmu tap.

⁷ Yawu gârâmâ nenâmâ gironę gironę yakât dop bia. Nenâmâ Anitâ ikņe kundenņe towat man-main. Yawu otmâ Anitâņe topnenņe kerehâk nanęap. Somotnenņe tipi tapi yakât topņe gurâ nâņgâmu tawâk. Yâkņe tihitnenņe otmap. Yakât nâņgâm biwi yâhâp ki otmâ manmâ yâhânom.

*Topnenņe ki kurihiakmâ Yesu betbaņginom.
(Mataio 10:19-20,32-33 Mataio 12:32)*

⁸ Lohimbi âlâ me âlâņe “Yesuhâlen biwinanę kepeim tem lâuwanęim mansan,” yawu sâm lohimbi ekyongonomai yâhâmâ hâmbâi nâ lok bulâņanę himbim awonņahât aņelolipņe yengât senyenęan kinmâ topyenę sâm tetemune Anitâņe manman kârikņan katyekbuap.

⁹ Yâhâ lohimbi âlâ me âlâņe “Nâ Yesu ki nâņgâwanęian,” yawu sânomai otmuâmâ nâku lok bulâņe himbim awonņahât aņelolipņe yengât senyenęan kinmâ “Nâ ki nâņgâyinęian,” yawu sâwom. Lohimbi yawu otmai yanę matņe umatņe menomai. Yawu.

10 Yakât otmâ den âlâ torokatmâ yuwu sâwe. Anitâne âi sâh nihim hângânnohomu gewan. Yawu gârâmâ lok âlâ me âlâne nâhât nângânetâ tânjât otbuap. Me nâhât nângânetâ giâkgât lohimbî kendâyînginomial. Orotmeme yawuya ki witgum mannomai otmuâmâ ya yengât tosa yamâ Anitâne pilâyîngiwuapgât dop tap. Otmu torokatmâ sâwe. Lok âlâ me âlâne Anitâhât Wâtgât mâmânahât Heakne yu me ya otbuap ya ekmâmâ yuwu mon sâwuap. “Bâe, âi yukât amboŋe yamâ Satan.” Yawu sâh yan âi ya ekmâ Satangâlen gâtibuap. Yawu otmâ yâhânomai ya yengât Anitâne pilâyîngiwuapgât dop âlâ ki tap. Lok yawuyane tosa pato menomial.

11 Otmu den âlâ sâhune nângânet. Yeŋe galem tiŋâk oranjim mannomai. Kasalipyeŋe nâhât den pat âlepne nângânetâ nahat otmu yen meyekmâ miti emetŋan me kiap yengâlen ari den âiân katyekmâ âi pâi tuhuyeknomai. Yawu otyîngînetâ “Den mâtâpne girawu watmâ sâh ekyongomunne nângânetâ keterakyîngiwuap,” yawu nângâm ki gorâyîngiwuap.

12 Sâp yanâmâ Awonŋennane ikne Wâtgât mâmânahât Heak hângângumu ge den âlâlâ nângân nângânyeŋan katmu nâhât den pat âlepne sâh kusânâm ekyongonomai.

Senne âlâlâ yakât nângâmunne yahatbuap.

13 Lohimbî kinbî ya yengât hohetyeŋambâ lok âlâne Yesu yuwu sâh ekuop. “Lok pato, sâhune nângâ. Awonnetŋahât bâteŋe bâiŋe ya atanane ikŋiâk mem alitmâ mansap. Yawu gârâmâ gâŋe ekurâ nombotne hionmâ nihiâkgât nanŋan.”

14 Sâmu sâop. “Nâñe yet galemyotgom manbehât lok kunnennañe ki sâm nihiop. Yakât otmâ imbiâk nâhâlen ga den ya eknohoat.

15 Yakât otmâ yuwu sâmune nâñgâñet. Senñe âlâlâ me iri sikum ya Anitâñe biwinennahât ki sâm katningiop. Yamâ hâknennahât sâm kalop. Yawuhât bukulipnenñe iri sikumyene orop manmai ya yekmâ tep bâle ki nâñgâyinjinom.”

16 Yawu sâm den âlâen hâum yuwu sâop. “Lok kutdâ âlâhât kalamân siwit kehetñe pato teteop.

17 Yawu otmu biwiñañe yuwu nâñgâop. “Siwit kehetñe pato tap yu mem emet girawuân katmune tatbuap?

18 Yuwu otbom mon? Emet tipñe siwit kehetñe katman ya kândonmâ pato tuhum yan siwit kehetñe katmune tatbuap.

19 Katmune tatmu yanâmâ hop sambe kakñan manmâ heronñe maronñe nâñgâm manmâ yâhâwom.”

20 Yawu sâmu Anitâñe yuwu sâm ekuop. “Gâ kopa. Omonñdâñe mumbuat. Yakât otmâ iri sikumge wawaerâ tatgihimap ya lok âlâñe membuap.” Yawu sâop.

21 Yâhâ den ekyongoan yukât topñe yuwu tap. Lohimbiñe iri sikumyenahât tepyene umatñe otmâ mansai ya yenñgât Anitâñe nâñgâmu bâlemap. Yakât otmâ muñetâ pesuk sâmap.” Yawu sâop.

Anitâñe tihitnenñe otmap. Yakât otmâ ki gorâningiwuap.

(Mataio 6:25-34)

22-23 Yawu sâm lohimbi ekyongom benñe hon bawalipñe yuwu sâm ekyongop. Senñe âlâlâ me iri

sikumyenje yakât ki nângânetâ yahatbuap. Man-manyenjahât bulâne yamâ umut biwiyenje. Yâhâ yengât manman yamâ Anitâne emelâk senje âlâlâ lâtâkuyingimu manmai. Yakât otmâ yuwu ki nângânomai. “Nenne sot wosapâ ba mem tetenom? Me iri sikum me âlâlâ ya girawu mem tetem manmâ yâhânom.” Yawu ki sâmbiwi yâhâp otmâ gorâ kakpan mannomai.

²⁴ Yawu gârâmâ den âlâen hâum yuwu sâmmune nângânet. Kembâ ekmain. Yâhâmâ âi kalam ki tuhum hâhiwin nângâmai. Yamâ himbim ambonaje haonmâ ârândân sot yingimap. Yenâmâ nâihât dop ki mansai. Yenâmâ lok. Otmu yen gurâ yawuâk Anitâne haonmâ ârândân tânyongom gamap.

²⁵⁻²⁶ Yawu gârâmâ yenhâhât girawu mannom sâmbi yakât ki nângâm kiwiliŋ otnomai. Yenje wâtyenan torokatmâ manmâ yâhânomaihât dop âlâ ki tap. Yawu otnomai yan hâum pâpgunomai.

Yakât topne yuwu sâmmune nângânet.

²⁷ Hahop ekmain. Hahop yamâ titi pan pan pilâmu ekmunne âilonŋo lonŋo otmap. Yâhâ emelâk lok kutdâ âlâ, kutne Solomon sâmbi, yâkne hâk katipne kulem melem mânunjakmâ manop. Yaje hahop surine sekne âlepne tetemap yakât dopne ki miop.

²⁸ Yâhâ hahop surine ekmunne âilonŋo otmap. Yawu gârâmâ iknahâk ki yahatmâ titi pan pan otmâ kuririŋ sâmbi kinmap. Anitâne nângâopgât yawu kinmap. Yiwereneâmâ tetem âilonŋo kinbuap. Yâhâ pek sâwuap yanâmâ hânân ge tâtuk sâwuap. Yenâmâ hahopgât dop ki mansai. Yenâmâ lok. Yakât otmâ biwiyenje yuwu ki nângânomai.

“Anitâņe pâlâmņe otmâ ki tihitnenņe otmâp.”
Yawu ki nâņgâm mannomai.

²⁹ Yakât yuwu sâmunne nâņgâņet. Bulâņanâk Anitâņe haonmâ ârândâņ tihitnenņe otmâ yâhâwuap. Yakât biwi yâhâp ki otnomai.

³⁰ Yawu gârâmâ lok nombotņe Anitâhât topņe ki nâņgâmaine sâņgum me iri sikum me senņe âlâlâ yakât nâņgâņetâ yahatmap. Yawu otņetâ ki ârândâņ otmâp. Yakât otmâ otmaiân yeņe ki torokatnomai.

³¹ Yeņeâmâ lohimbi nombotņe Anitâhâlen biwiyenņe kepeņet sâm yâkât den ekyongonņetâ nâņgânomai. Yawu otmâ manņetâ himbim awonnenņe topyeņe nâņgâmapņe dopyenân yingimu ki umburuk mannomai.

Bukulipnenņe tânyongonom.
(Mataio 6:19-21)

³² Yakât otmâ yâkâlen biwiyenņe kepeim ki gorâyingimu mannomai. Awonnenņe Anitâņe heronņe nâņgâyingim tihityeņe otmâ yâhâmbisâp. Yawu otmâ hâmbâi mâne manman kârikņan mem katyekmu manmâ yâhâmbisâi.

³³ Yakât otmâ senņe âlâlâ tatyingiap yamâ mem buku nombotņe ki tatyingiap ya kâsikum tânyongonomai. Yawu otņetâmâ Anitâņe yekmu ârândâņ otbuap. Otmu himbimân mannomaihât pat kuyingiop yakât bulâņe yingimu menomai. Otmu himbimân manman sânduhân mannomai yan talaņe ki kumbuap, me selonņe ki hârewuap, me ki bumbunguwuap, me kombo ki otnomai.

34 Yawuhât Anitâhâlen biwi nângân nângânyenaje kepeim manjetâ ârândân otbuap.” Yawu sâm ekyongop.

Yesuŋe âwurem gewuap sâp ya ki nanŋain.

35-36 Yesuŋe den âlâ yuwu sâm ekyongop. “Yen biwi golâ otmâ mannomaihât den âlâen hâum sâmune nângânet. Hoŋ bawalipŋe yengât lok kutdâyenaje kapi kâlepŋehembâ âwurem taka emet hawiŋan kinmâ kotok kunmu nângâm in yawu gahatŋe mewanŋinomai. Yakât otmâ lambeyenŋe saum katjetâ sem tatmu mambotbanŋinomai.

37 Yawu otmâ mambotbanŋim tatnomai yanâmâ âwurem taka mem teteyekmâ heronŋe nângâyinŋiwuap. Heronŋe nângâyinŋim itâŋe kâpek mâ katmu tatmu sot um yinŋiwuap.

38 Yâhâ omoŋ derepŋan kapi ambolipŋe kerekŋe aman pâlâmŋe inomai yanâmâ âwurem takawuap. Taka hoŋ bawalipŋe sen golâ otmâ mambotbanŋim tatjetâ mem teteyekbuap otmuâmâ buku otyinŋiwuap. Buku otyinŋimu yâkŋe heronŋe nângâwanŋinomai.

39 Yen biwi golâ otmâ mannomaihât den âlâen hâum sâmune nângânet. Kapi âlâ me âlâhât kasalipyenaje sâp girawuân taka yongom itit kiom tuhuyinŋinomai yakât ki ekyongomai. Inâk pârâk sâŋ sâŋâk takamaihât kapi ambolipŋenŋe sen galem manmâ emet kapiyenŋe galemgunomai.

40 Yakât dopŋeâk Anitâŋe hânŋânnohomu âwurem gewom yakât sâp yenŋe ki nanŋai. Yakât otmâ biwi golâ manmâ mambotnihim yâhânomai. Yawu otnomai otmuâmâ âwurem gemune nekmâ heronŋe nângânomai.” Yawu sâm ekyongop.

*Hoŋ bawa âlepŋe bâleŋe yâk yetgât topyetŋe
(Mataio 24:45-51)*

⁴¹ Yesuŋe yawu sâŋ ekyongomu Petoroŋe yuwu sâŋ âikuop. “Kutdâ den âlâen hâum eknongoat yu nengâlâk yat me lok kerek nengât yat?”

⁴² Yawu sâŋ âikumu Yesuŋe purik pilâwaŋgim den âlâen hâum yuwu sâŋ ekuop. “Lok kutdâ âlâŋe kapiŋe pilâm kapi kâlepŋehen ari kandi manmâ âwurem takawuap. Yaken ariwe sâŋ yan hoŋ bawaŋe âlâ galem sâŋ katmâ yuwu sâŋ ekuwuap. “Arimuneâmâ gâŋe nep lok nombotŋe galemyongowuat.” Yawu sâŋ ekum pilâyekmâ arimu galem yaŋe âi ya biwiŋaŋe mem galemyongomu âiloŋgo mannomai.

⁴³ Yawu otmâ galemyongowuap otmuâmâ patoŋaŋe âwurem taka heroŋe otbaŋgiwuap.

⁴⁴ Yawu otbaŋgim galem pato katmu ikŋe senŋe âlâlâŋe yakât galem otbuap.

⁴⁵ Yâhâ purik pilâm sâŋmune nâŋgâŋet. Hoŋ bawa yaŋe biwiŋaŋe yuwu nâŋgâm âi ya hilipguwuap. “O, lok kutdâne arap yuâmâ in yawu ki takawuap. Yamâ sâp kâlep manbuap yakâ. Yakât otmâ wongât nâŋe âi yu membom?” Yawu sâŋ biwiŋaŋe pâlâmŋe otmu ki galemyongom heŋgeŋguwuap. Yawu manmâ to kârikŋe nem biwi hâlim otmu umatŋe topŋe topŋe teteyiŋgiwuap. Yawu otmâ lok bâleŋe yengâlen torokatmâ ki orotŋe otmâ manbuap.

⁴⁶ Yawu otmâ biwiŋaŋe pâlâmŋe otmu manbuap yan patoŋaŋe pârâk sâŋ sâŋâk taka kuk otmâ kum yaehen pilâmu ge hâhiwin nâŋgâm yâhâmbisâp.

⁴⁷ Yakât topŋe yuwu sâŋmune nâŋgâŋet. Lohimbi nombotŋaŋe nâhât den nâŋgâm heŋgeŋgunomai

yanâmâ yakât nângâjetâ gemu betbanjinomai. Yawu otnomai yakât matnje Anitânje matnje amokņan yingimu menomai.

48 Yâhâ lohimbi nombotnje âlâņeâmâ nâhât den nângâm pâpgumai yaņe otņetâ bâlemap yâhâmâ Anitânje matnje kakņeâk yingimu menomai. Yakât otmu yuwu sâmunne nângâ. Lok âlâ me âlâ âi sâm yingimune ya tuhum henņenņunomai ya yengât nângâmune ârândâņ otbuap. Yâhâ lok âlâ me âlâ âi pato sâm yingimune ya biwiyenāņe tiņâk lâum tuhunomai ya yengât gurâ yawuâk nângâmune ârândâņ otbuap.” Yawu sâm ekuop.

*Yesuņe giop yakât lohimbi hionakmâ mansai.
(Mataio 10:34-36)*

49 Yesuņe den âlâ yuwu sâm ekyongop. “Anitânje lohimbi yengât biwiyenâhât topņe nângâm kâsipyongom matnje âlâku ikņiâk ikņiâk yingimu menomai yakât hângânnohomu gewan. Yâhâ matnje yingimu meņetâ pesuk sâmbâp.

50 Otmu umatnje âlâ tetenihimu hâhiwin nângâwom ya tetenihim pesuk sâekgât nanņan.

51 Otmu den âlâ yuwu sâmunne nângâjet. Nâhât yuwu ki sânomai. “Nâhâit yamâ buku konok otnehât himbimâmbâ giop.” Yawu ki sânomai. Nâņe hânân gewan yakât yen hionaknomai. Hionakmâ yuwu oraņginomai.

52 Lohimbi nanņe baratņe mome manmainņe hionakmâ komot yâhâp otnomai. Komot âlâhât yâhâp, âlâhârâmâ kalimbu yawu otnomai.

53 Âwâ nan me mâmâ barat kuk oraņgim hionaknomai. Otmu iranņe iranņe ya gurâ yawuâk kuk oraņgim hionaknomai.” Yawu sâm ekyongop.

Yesuŋe kulem âlâlâ tuhuop yakât topŋe hâum pâpŋuwi.

(Mataio 16:2-3 Mareko 8:11-13)

⁵⁴ Yesuŋe hoŋ bawalipŋe yawu sâŋ ekyongomâmâ benŋe lohimbi kinbi ya yuwu sâŋ ekyongop. “Op surumbup memuâmâ yuwu sâmai. “Gelâk gewe sâŋ oap”. Sâŋetâ yawu otmap.

⁵⁵ Otmu elem tok sâwe sâŋ otmuâmâ yuwu sâmai “Sikop kumbe sâŋ oap.” Sâŋetâ yawu otmap.

⁵⁶ Yen lok perâkŋe. Yeŋe elem kulewoŋboŋ yakât topŋe ekmâ nâŋgâm heŋgeŋguai. Yâhâ nâŋe kulem âlâlâ memune eksai yakât topŋeâmâ girawuhât ki ekmâ nâŋgâm heŋgeŋguai?

⁵⁷ Wongât eŋgatyeneâk otmâ orotmeme âlepŋe me bâleŋe ya ki ekmâ kiwilim mansai? Yen lok perâkŋe yakâ.”

Den sâŋ tetem kaok naŋgaŋginom.

(Mataio 5:25-26)

⁵⁸ Bukulipyenŋe âlâ me âlâŋe kuk otyiŋgim den âiân katyekne sâŋ dâiyekmâ kiapgâlen arinomai. Yamâ mâtâwânâk ari sâŋ tetem kaok naŋgaŋginomai. Yâhâ yawu ki otnomai yamâ kiapgâlen ari den sâŋ tetenŋetâ yâkŋe mem pâi emetŋan katyekbuap. Pâi emetŋan katyekmu tatmâ yeŋe ombeyenŋeâk yaihen ki genomai.

⁵⁹ Kiapŋe pâi emetŋan tatnomai sâŋ sâp katyiŋgiwuap ya pesuk sâmu yanâmâ genomai.” Yawu sâŋ ekyongop.

13

Anitâhâlen biwinenŋaŋe kepeim mannom.

¹ Yawu sâ m ekyongop sâ p yanâ k lok nombotña ñe Yesuhâ len ari den pat yuwu sâ m ekuwi. “Galilaia ambolipña ñe noniñ bulimakao gâ im Anitâ hâ t hotom uwi sâ p yan kiap â lâ, kutñe Pilato sâ m, yâ kñe tembe lâ ulipñe hâ ngâ nyongomu Galilaia ambolipñe yongonjetâ hepyeñe gemu noniñ bulimakao hepñe orop oset guset olop.”

² Yawu sâ m ekunjetâ yuwu sâ m ekyongop. “Pilatoñe tembe lâ ulipñe hâ ngâ nyongomu yawu yongowi yakâ t yuwu mon sâ mai. “Muwi yengâ t tosa bâ leñe yañeâmâ Galilaia lok ondop yengâ t tosa ya wangim amokñan miap.”

³ Yawu ki tap. Yawu gârâmâ yeñe orotmemeyeñe bâ leñe ki pilâ m Anitâ hâ t den lâ unomai otmuâmâ yawuâ k matñe yingimu menomai. Otmu yakâ t den â lâ torokatmâ sâ mune nâ ngâ ñet.

⁴ Yerusalem kapi ambolipñe kâ i nombotgen kalimbu Siloam hem topñan kinñetâ kâ ndun kum ge kurihiyehop ya yengâ t yuwu ki sâ nomai. “Tosayeñe bâ leñe yañeâmâ Yerusalem kapi ambolipñe nombotñe yengâ t tosayeñe wangiop. Yakâ t otmâ hân ya kâ ndun kum ge kurihiyekmu muwi.” Yawu ki tap.

⁵ Yakâ t otmâ â lâ ku sâ mune nâ ngâ ñet. Yeñe orotmemeyeñe bâ leñe ki pilâ m Anitâ hâ len biwiyenña ñe kepeinomai otmuâmâ yengu yawuâ k hiliwahonomai.”

⁶ Den ya sâ m tiñ pilâ m den â lâ en hâ um yuwu sâ m ekyongop. “Lok â lâ ñe koset â lâ kalop. Koset ya pato otmâ bulâ ñe kinbuapgâ t sâ pñe tetemu taka amboña ñe bulâ ñe hâ uwe sâ m ekmu bia olop.

⁷ Yakâ t otmâ kalam galemñe yuwu sâ m ekuop. “Bulâ ñe hâ uwe sâ m ekmune biatmu yu yambu

kalimbu oap. Yakât otmâ koset ya kârâm pilârâ ge iâk.” Yawu sâop.

⁸ Sâmu sâop. “Lok pato, pilârâmâ yambu yu inâk kinâk. Hâmbâi topņe lawitmâ pitimunņe yanâmâ bulâņe kinbuap.

⁹ Yâhâ ki kinbuap otmuâmâ kârâm pilâmune ge imbuap.” Yawu.”

Tatmâ nâņgâ nâņgâ sâpņan Yesuņe imbi âlâ heņgeņguop.

¹⁰ Tatmâ nâņgâ nâņgâ sâp âlâen Yesuņe opon kâmbukņan yâhâm den kâsikum yingiop.

¹¹ Den kâsikum yingiop sâp yan imbi âlâ talop yamâ weke bâleņane mângâemu kun kândâtņe konok otmâ pareņe manmâ gamu yambuņe kâi nombotgen kalimbu pesuk sâop.

¹² Yesuņe imbi ya ekmâ kunņan mem yuwu sâm ekuop. “Imbi, yiwereņeâk âlepņe otbuat.”

¹³ Yawu sâm kunņan mem kuwihakmâ tâņ tâņâk kinmâ Anitâ mepaeop.

¹⁴ Yâhâ Yesuņe tatmâ nâņgâ nâņgâ sâpņan imbi ya heņgeņguop gârâmâ miti emetņahât galemņane galemņane nâņgâmu bâlemu lohimbi yuwu sâm ekyongop. “Nep tuhu tuhuhât sâpņe yamâ hilâm nombolân konok tap yan takañetâ heņgemyongombâpgât dop. Yawu gârâmâ tatmâ nâņgâ nâņgâ sâpņan imbi heņgeņguap yu ekmune dondâ bâleap. Ya ki orotņe.”

¹⁵ Yawu sâmu Yesuņe purik pilâwanjim yuwu sâop. “Bâe, yen lok perâkņe. Tatmâ nâņgâ nâņgâ sâpņe ârândâņ yeņe dongi bulimakaoyeņe pekeâmbâ holaņyekmâ dâim ari to yinginomaihât

dop tap. Yawu gârâmâ dongi me bulimakao umu-tyeje bia yakât nângâmune tâñât otmap.

¹⁶ Yâhâ imbi yuâmâ Awarahamgât senâmbâ gâtñe. Yawu gârâmâ Satangât weke bâleñeje mângâemu pareje otmâ manmâ gap. Nâñe tatmâ nângâ nângâ sâpñan heñgenjgumune ki bâleap.”

¹⁷ Yawu sâm ekyongomu sâm ge katbiñe nângâm añulakbi. Yâhâ lohimbi inñeje Yesuñe olop miop ya ekmâ herone otbañgiminiwi.

Bândup yakât topñe

(Mataio 13:31-33 Mareko 4:30-32)

¹⁸ Yesuñe yuwu sâm ekyongop. “Anitâhâlen biwiyenaje kepeim manñetâ tihityeje otmap yakât topñe teteâkgât wuân denân hâum sâmune nângâñetâ keterakbuap?

¹⁹ Yuân hâum sâmune nângâñet. “Nak âlâ kutñe bândup yamâ lok âlâñe kehetñe âlâ mem ari kalamñan kalop. Katmu tatmu kâmñe ga takam yañak yâhâm kâlep pato otmu nâi wosapâ wosapâ taka awatñe kun kunñan kerem tatmai.” Yawu sâop.

Matuk keluñe yakât topñe

²⁰ Otmu torokatmâ yuwu sâm ekyongop. “Lok komotñe komotñe wosapâ wosapâ mansaiñe biwiyenaje nâhâlen katmâ tem lâunihñetgât yeñe ari nâhât den pat âlepñe ekyongonomai.

²¹ Yakât topñe teteâkgât den âlâen hâum sâmune nângâñet. Imbi âlâñe dâmbia golañguwuap. Golañgumâmâ matuk mendâremu keluñe gemu dâmbia orop menduhumu ukenñe bâleñe otbuap. Dop yawu.” Yawu sâop.

*Himbimgât mâtâpņe yamâ gâwik gâwikņe
(Mataio 7:13-14,21-23)*

²² Yerusalem kapi pato yakât mâtâp arap ya hâlâņmâ kapi tipi tapi tap. Kapi yan ari Yesuņe Anitâhât den lohimbi kâsikum yingiop.

²³ Yawu otmu lok âlâņe yuwu sâm Yesu âikuop. “Lok pato, yuwu sâm âihohowe. Lok getek âlâ himbimân yâhânomai me girawu?”

²⁴ Sâmu sâop. “Himbimgât mâtâp yamâ gâwik gâwikņe. Yakât otmâ yapâ lohimbi sambeņe arine sâmamâ hâmbiņ gumbiņ otmâ hâum pâpgunomai. Yakât otmâ yeņe mâtâp ya tâņ tâņâk watmâ arinomai. Yakât yuwu sâmune nâņgâņet.

²⁵ Nâ mâtâp amboņe. Yakât otmâ mâtâp maņguyiņgimune lok dondâhâlâkņe arine sâm hâum pâpgum amutgen kinmâ yuwu sânomai. “Lok pato, nâņgâningirâ gane.”

Sâņetâ sâwom. “Nâ ki nâņgâyiņgian. Yen wonân?”

²⁶ Yawu sâm âiyongomune yuwu sâm eknohonomai. “Gâņe kapinennan taka tatmâ den kâsikum ningirâ orowâk tatmâ sot newin.”

²⁷ Sâņetâ sâwom. “Yen wonân? Nâ ki nâņgâyiņgian. Yeņe orotmeme bâleņe otmai. Yakât otmâ ariņet.” Yawu sâwom.

²⁸ Yâhâ hâmbâi mâne Anitâņe yen mem ketetyekbuap. Yawu otmâ Awaraham, Isaka, Yakop, otmu Anitâhât poropeteliņņe tatmâ sot nem heroņe otbaņginomai ya yekmâ yeņe tep bâle nâņgânomai. Yawu otmâ hâhiwin nâņgâm hu halak tuhumbisâi.

²⁹ Yakât otmâ yuwu sâmune nâņgâņet. Sâp yanâmâ lok topņe topņe, emetsenņe ga takamap yakembâ otmu purik sâmap yakembâ, otmu

torehen torehen kingitne orowâkne taka menduhuakmâ nem herone otjetâ Anitâne tihityene otbuap.

³⁰ Yâhâ lohimbi nombotņane yenahâlâk nângânetâ yahatmap yane Anitâ orop ki tatnomai. Yâhâ nombotņane yenahât nângânetâ gemu hurun hurun manmai yamâ Anitâne meyekmu ikņan torokatnomai.

*Yesune Herotgât sâop.
(Mataio 23:37-39)*

³¹ Sâp yanâk Parisaio lok nombotņane ari yuwu sâm Yesu ekuwi. “Herotne gohowe sâm oap. Yakât otmâ kapi yu pilâm âlâengen ari.”

³² Sânetâ sâop. “Sâp yuâmâ weke bâlene watyekmâ mansan. Otmu kundat otmâ mansai ya heņgemyongom mansan. Yâhâ hândâhân yuwuâk otbom. Yâhâ halihu nep sâm nihiop ya tuhum pesuk pilâwom.” Den ekyongoan yu Herot, lok perâkne ya, ekunomai.

³³ Nâne yuwu sâmune nângânet. Anitâhât poropetelipņane ikņahât den sâminiwi ya kerek Yerusalem kapi ambolipņane yongonetâ muwi. Yakât otmâ âun hândâhân âi tuhuwom. Gârâmâ halihuâmâ Yerusalem kapiân ari âi tuhum pesuk pilâwom.”

Yesune Yerusalem kapi ambolipņe yengât topņe nângâop.

³⁴ Yawu sâm ekyongom Yerusalem kapi ambolipņe yengât tepņe nângâm yuwu sâop. “Bâe, Yerusalem kapi ambolipņe yengât topņe yuwu tap. Yengâlen âi meņetgât Anitâne ikņe hon bawalipņe hângânyongomu takanjetâ yongom mem

ge katyekmai. Yakât otmâ den âlâen hâum yuwu sâwe. Pâi mâmânjaŋe kurâk sâm nanlipŋe dâiyekmâ kuratyongomu tatmai. Yakât dopŋeâk menduhuyekmune nâhât hikinana manŋetgât sâman. Yamâ yeŋe nâhât hâkâŋ otmâ mansai.

³⁵ Yawuhât Anitâŋe betyongomu kasalipyenjaŋe taka yongom watyekŋetâ kapi yu kâwurumŋaŋak kinbuap. Yakât otmâ nâŋe pilâyekmâ ariwom. Benŋe sâp âlâen âwurem takamune nekmâ yuwu sâm eknohonomai. “Anitâ Kutdânennaŋe tihitnenŋe otbe sâm mat hâŋgâŋohomu takat. Yakât otmâ biwinennaŋe heronŋe pato naŋgain.” Yawu sâm eknohonomai.” Yesuŋe yawu sâop.

14

Tatmâ nâŋgâ nâŋgâ sâpŋan lok âlâ bitâp tetewanŋiop ya Yesuŋe walipgumu orok sâop.

¹ Tatmâ nâŋgâ nâŋgâ sâp âlâen Parisaio yengât kunyenjaŋe bukulpŋe nombotŋe Yesu orop dâiyekmu emetŋan yâhâ tatmâ sot newi. Nem tatbi yan Yesuŋe otmâ hilipguwuap me bia yakât Parisaionŋe ekmâ tatbi.

² Ekmâ tatŋetâ lok âlâ bitâp pato tetewanŋiopŋe Yesu ekbe sâm yâhâop.

³ Yâhâmu Yesuŋe ekmâmâ Mosehât girem den kâsikum yinŋiminiwi otmu Parisaio ya yuwu sâm âiyongop. “Tatmâ nâŋgâ nâŋgâ sâpŋan âi ki tuhunomgât Moseŋe girem den âlâ kulemguop. Yawu gârâmâ tatmâ nâŋgâ nâŋgâ sâpŋan lohimbihengemyongowomgât dop tap me bia? Sâŋetâ nâŋgâwe.”

⁴ Yawu sâmbâ âiyongomu biwiyenje umatne otmu olotonjâk tatbi. Olotonjâk tatnetâ Yesunje lok ya bitâpnan walipgumu orok sâmbâ emelambâ kionjmâ ariop.

⁵ Arimuâmâ emelan tatbi ya Yesunje yuwu sâmbâ ekyongop. “Tatmâ nângâ nângâ sâpnan naom âlâ me bulimakao âlâ lâmbân kionjmu ya pilânetâmâ lâmbânâk tatbuap me mem dâinetâ gawuap?”

⁶ Yawu sâmbâ âiyongomu yawuâk olotonjâk tatbi.

Hâknenne ki mepaeaknom.

⁷ Yâhâ emet yakât biwinjan Parisaio nombotnane yenhât nângânetâ yahatmu kou sennan yâhâ tatbi ya yekmâ den âlâen hâum yuwu sâmbâ ekyongop.

⁸ “Bukuyenje âlâne yen orowâk tatmâ sot um nenom sâmbâ dâiyekmu emetnan yâhâ kou sennanâk tatne yawu ki nângânomai.

⁹ Yâhâ lok papato nombotne yen orowâk dâiyekbuap yâkne kou sennanâk tatnomaihât nângâwuap. Yawu gârâmâ yene kulet sâyingim kou sennan tatnomai yan lok papato takanjetâmâ emet ambonane yen yuwu mon sâmbâ ekyongowuap. “Wa, bukulipne, yuâmâ yengât kawé bia, keteraknet.” Yawu sâmbâ ekyongomu anjakmahât angoân yâhâmâmâ kou topnan tatnomai.

¹⁰ Yawu tatnetâ emet ambonane kundup mem kou sennan lingatbuap. Lingatmâ “gam yâhâ tatnet” sâmbâ ekyongomu yanâmâ yâhâ tatnomai. Yawu otnetâ yanâmâ bukulipyenane nângâyinginetâ âilonjo otbuap.

¹¹ Yakât topne yuwu sâmbâ nângânet. Lok âlâ me âlâne yenhât nângânetâ gewuap ya yengât Anitâne nângâmbâ yahatbuap.”

12 Yawu sâ m ekyongom emet amboņe ya yuwu sâ m ekuop. “Kapi ambolipņe orop heroņe otmâ sot um nenom sâ m imi atalipņe, me wârâ toulipņe, me hep torehenlipņe, me bukulipņe, me lok iri sikumyene orop mansai ya ki dâiyekmâ garâ sot nenomai. Yâhâ lok yawuya dâiyekmâ garâ sot nenomai otmuâmâ hâmbâi yakât matņe sâ m dâihekņetâ yâk orop sot neņetâ pesuk sâwuap.

13 Yakât otmâ yuwu sâ mune nâņgâ. Gâņe heroņe otmâ sot um lok dâiyekbuat otmuâmâ lok tâņât, kopa, pareņe, senyene bok sâsâņe yawuya dâiyekbuat.

14 Lok yawuya dâiyekmâ bâ t belaiâk sot um yinņirâ nem heroņe otnomai. Yawu gârâmâ hâmbâi Anitâņe lohimbi mumuņambâ mem yahatnenekbuap yan ikrak yakât matņe ghihiwuap. Yakât otmâ biwihanę heroņe nâņgâwuat.” Yawu sâop.

*Himbimân heroņe otnomgât sâop.
(Mataio 22:1-10)*

15 Yawu sâ m ekumu nem tatbi ya yengâlen gâtņe âlâņe den ya nâņgâmâmâ yuwu sâ m ekuop. “Anitâņe himbimân mannomgât pat kuningimu mansain. Yakât otmâ sâp patoen Anitâhât kapiân tatmâ sot nem heroņe otnom yakât nâņgâmune tepne heroņe oap.”

16 Yawu sâ m ekumu den âlâen hâum yuwu sâ m ekuop. “Lok kutdâ âlâņe bukulipņe orowâk heroņe otmâ sot um nenomai yakât sâp kalop.

17 Yâhâ sâpņe otmu yan soņgo bau me sot kâlê topņe topņe um hâwurumu eņ âtâmun kinop. Ya ekmu ârândâņ otmu hoņ bawa âlâ hâņgâņgumu

ari yâkât bukulipņe yuwu sâm ekyongop. “Songo bau sot kâle yamâ emelâk umunņe siap. Yakât otmâ gaņetâ heronņe otmâ nenom,” yawu yap” sâm ekyongop. Ekyongomu hâkâņ otbi.

¹⁸ Lok aņgoân ekuop yaņe yuwu sâop. “Nâmâ hân puluhuan ya ekbe sâm ariwom. Yakât otmâ lok kutdâ ya ekurâ ki nâņgânihimu bâlewuap.” Yawu sâop.

¹⁹ Yâhâ âlâņeâmâ yuwu sâop. “Bulimakao bâlâk ñerek puluhumune kapi kâlepņehen tap ya ari meyekmâ takawom. Yakât otmâ lok kutdâ ya ekurâ ki nâņgânihimu bâlewuap.” Yawu sâop.

²⁰ Yâhâ âlâņeâmâ yuwu sâop. “Yiwereņeâk imbi mian. Yakât otmâ ki gawom?” Yawu sâop.

²¹ Yawu sâņetâ hoņ bawa yaņe âwurem ari lok kutdâņe den sâwi ya ekumu nâņgâmu bâleop. Nâņgâmu bâlemu hoņ bawaņe ya yuwu sâm ekuop. “In yawu ari mâtâp kunņan kinmâ lok umburuk, me lok pareņe, me ândâpyeņe bok sâsâņe, me senyeņe bok sâsâņe, lok yawuya yuken yaken arine sâm oai ya ekyongorâ taka sot yu neņet.” Yawu sâm ekum hâņgâņgumu ari mem teteyekmâ ekyongomu taka emetņan yâhâ tatbi. Yâhâ tatņetâ hoņ bawaņe yaņe yâkâlen yâhâ yuwu sâm ekuop.

²² “Lok kutdâņe, den yat ya oan. Otmu emelan yâhâ tai yamâ ki pik yai. Yakât otmâ girawu naņgat?”

²³ Sâmu sâop. “Yakât otmâ âlâku ari lohimbi kewilâyekņetâ mansai ya mem teteyekmâ ekyongorâ takanomai. Takaņetâ yanâmâ emetne pik sâwuap.

24 Yâhâ bukulipne angoân ekyongoat yamâ nâhâlen ki takanomai.” Yawu sâop.” Yesuŋe yawu sâm ekuop.

Manmannenŋe ki alitmâ manmâ yâhânom.
(Mataio 10:37-38)

25 Lohimbi kiŋgitŋe orowâkŋe Yesu betŋan arinjetâ purik sâm yawu sâm ekyongop.

26 “Lok âlâ me âlâŋe nâhâlen torokatmâ orowâk mannom yawu nâŋgânomai otmuâmâ âwâ mâmâlipyeŋe, me imbi naomlipyeŋe, me imi atalipyenŋe, me wârâ toulipyenŋe betyiŋginomai. Otmu yeŋe manmanyenŋe ki alitnomai.

27 Otmu lok âlâ me âlâŋe nâhât den lâum âi tuhunjetâ bukulipyenŋe nâŋgâm bâleyiŋgim hilipyongone sâm otnomai yanâmâ hâkyenŋe alitmâ betnihinomai. Lok yawuya nâhât pat ki otnomai.

28 Yakât nâŋgânetâ keterahâkgât den âlâen hâum yawu sâmune nâŋgânet. Lok âlâ me âlâŋe emet tuhune sâm angoân tewetsenŋe amon yaŋe senŋe âlâlâ puluhum emet ya tuhunomai yakât nâŋgânomai.

29 Gârâmâ yawu ki otnomai otmuâmâ emet ya mem kânâŋgânetâ tewetsenŋe biatmu pânjan pilânomai. Yawu otnomai yanâmâ lohimbine emet ya torehenŋeâk kinmu ekmâ yakât den pat alahu gulahu otmâ senyenjan gem giriŋyiŋgim yawu sânomai.

30 “Lok yuŋeâmâ saran kânâŋgânetâ giop yamâ tewetsenŋe biatmu pânjan pilânetâ inâk tap.” Yawu sânomai.

³¹ Yâhâ den âlâen hâum yuwu sâmunen nângânet. Lok kutdâ âlâ me âlâne kasalipyene orop ahonomai yanâmâ in yawu yâk yengâlen ki surutuk sâm arinomai. Yamâ angoân biwiyenane yuwu nângânomai. “Nen yu getek âlâ, lok 10,000 yawu mansain. Yâhâ kasalipnenne endaken lok kinjitne orowâk, 20,000 yawu mansai. Yakât otmâ nenne yongonomgât dop ki otbuap.”

³² Yenahât yawu nângânomai otmuâmâ ki kundutmâ arinomai. Angoân kasalipyene orop buku konok manne sâm hon bawalipyene hângânyongonetâ ari mem lohotne tuhuyeknomai.

³³ Yakât otmâ yuwu sâmunen nângânet. Yengâlen gâtne âlâ me âlâne senne âlâlâyene me iri sikumyene kerehâk pilâm nâhâlen torokatnomai otmuâmâ nângâyin gimune orowâk mannom.

*Kâtembe yakât dop
(Mataio 5:13 Mareko 9:50)*

³⁴ Yengât topyene teteâkgât den âlâen hâum sâmunen nângânet. Kâtembe ihim solân honmâ sot ya nemunne launenjan memap. Yakât dopneâk yenâmâ lohimbi hohetyenjan manmâ manman âilonjo mannetâ yekmâ Anitâ herone nângâwanjim mepaenomai.

³⁵ Yâhâ kâtembe helenân ki hikum ikainom yanâmâ pâlâmne otbuap. Yawu otmu girawu tuhmunne âlâkuâk ukenne otbuap? Yamâ ki orotne. Pâlâmne sâm lâum pilâmain. Den yuâmâ biwiyenanâk katmâ manmâ yâhânomai.” Yawu sâop.

15

Lama âlâ gulip otbanjimu ki pilâwuap yan hâum sâop.

(Mataio 18:12-14)

¹ Sâp âlâen takesi meme lokŋe yeŋahât nâŋgâŋetâ yahatmu lohimbî kâityongom takesi mem yahatmâ kombo meyingiminiwi yâk otmu lok nombotŋe ândâp kârik otmâ Mosehât girem den ki lâum manminiwi ya dondâhâlâkŋe Yesuhât den nâŋgâne sâm yâkâlen ariwi.

² Ariŋetâ yan Mosehât girem den kâsikum yingiminiwi otmu Parisaio lok yâkŋe nâŋgâŋetâ bâlemu Yesuhât yuwu sâwi. “Yesuŋe takesi meme lok otmu lok nombotŋe Mosehât girem den ki lâumai ya meyekmu orowâk sot niai. Yawu otmu dondâ bâleap.”

³ Yawu sâŋetâ nâŋgâm Yesuŋe den âlâen hâum yuwu sâm ekyongop.

⁴ Lok âlâhât lama 100 yawu kinbanjiwuap. Gârâmâ ya yeŋgât hohetyeŋambâ konok âlâŋe misinjurakbuap. Yawu otmu ambonaŋe nombotŋe ya katyekmu kinŋetâ konok misinjurakbuap ya pâinmâ yâhâm gewuap. Yawu otmâ nombotŋe katyekmu kinnomai ya yeŋgât ki nâŋgâm ketet otbuap.

⁵⁻⁶ Yâhâ misinjurakbuap ya mem tetem yanâmâ tepŋe welâmŋan gemu lâum kapiân âwurem ariwuap. Kapiân âwurem ari bukulipŋe yongonmâ yuwu sâm ekyongowuap. “Lama misinjurahop ya mem tetean. Yâkât otmâ sot um nem heronŋe otne.” Yawu sâwuap.

7 Yakât dop kum yuwu sâmunne nângânet. Lok 99, yâkne yuwu nângâmai. “Nen lok âlepne, orotmemenenne âilongo otmâ mansain.” Yawu nângâm biwi pâlâmne mansai. Lok yawuya yengât Anitâne herone pato ki nângâyngimap. Gârâmâ, lok konohâkne orotmeme ne bâlene bet pilâm Anitâhâlen biwiñane kepeim tem lâuwanngiwuap yanâmâ Anitâne herone pato nângâwanngiwuap. Yawu.”

Tewetsen ne kionbanngimu pâinbuap yan hâum sâop.

8 Yâhâ Anitâne lohimbi meyekmâ tihityene otmap yakât topne nângânetâ keterahâkgât den âlâen hâum sâmunne nângânet. Imbi âlâ kina yâhâp yakât dop tatbanngiwuap. Yâhâ 20 toea kionbanngimuâmâ ki pilâwuap.

9 Yakât pâinmâ arim mem tetem yanâmâ bukulpne yongonmâ yuwu sâm ekyongowuap. “Wâe, tewetsen ne kionnihiop ya mem tetean. Yakât otmâ herone otne.” Yawu sâwuap.

10 Yakât yuwu sâmunne nângânet. Lok konohâkne orotmeme ne bâlene bet pilâm Anitâhâlen biwiñane kepeim tem lâuwanngiwuap yanâmâ himbimân Anitâhât anelolipñane lok yakât herone nângâwannginomai.”

Lok âlâ nanñane iri sikum mem gulip tuhuop yan hâum sâop.

11 Yesune den âlâen hâum yuwu sâm ekyongop. “Lok âlâ nanyâhâtne yâhâp manbi.

12 Mannetâ nanne betñan gâtñane âwâne yuwu sâm ekuop. “Awoñ, senne âlâlâ nâhât sâsâne ya nihirâ miakbe.” Yawu sâmu senne âlâlâ yâkât sâsâne ya kâsikum wanmu miop.

13 Yawu otmu nanŋe ya nep tuhum getek manmâ, senŋe âlâlâ ya puluhum yakât hâmeŋe tewetsenŋe miakmâ mâtâp kâlewângen ariop. Ari heŋ otmâ ihilâk mahilâk manmâ tewetsenŋe miakmâ ariop ya kerek pilâm metem umburuk manop.

14-16 Umburuk manop yan po pato teteop. Po pato tetemu naom yaŋe sotgât pâinmâ kapi amboŋe âlâhâlen arimu bau galemguwuap sâm âi waŋop. Bau galemgum kinop yan po dondâ waŋgimu bau yakât sot wahapŋe mem nembe sâm otmu kuwaŋgiwi.

17 Yawu otbaŋgiŋetâ nâŋgân nâŋgânŋe tetemu yuwu nâŋgâop. “Awoŋnahât nep loklipŋaŋe sot pato nem mansai. Nâ nanŋe tâŋ tâŋ yamâ yuân manmâ sotgât otmâ hiliwahowoman.

18 Yakât otmâ yahatmâ awoŋnahâlen âwurem ari yuwu sâm ekuwom. “Awoŋ, otmune bâleop yakât tosa Anitâhâlen otmu gâhâlen umatŋe oap.

19 Yakât otmâ aŋulaksan. Yawu gârâmâ nâŋgânihim nep lok sâm menekdâmâ hoŋ bahihim manbom.” Yawu sâm ekuwom.” Yawu nâŋgâop.

20 Yawu nâŋgâm yahatmâ kapi ya pilâm akŋangen takamu âwâŋaŋe senŋe pilâm ehop. Ekmâ tepŋe nâŋgâm sururuk sâm ari nanŋe lâum hâmeŋe hârem niop.

21 Yawu otmu nanŋaŋe yuwu sâm ekuop. “Awoŋ, otmune bâleop yakât tosa gâhâlen otmu Anitâhâlen umatŋe oap. Yawu otmâ aŋun pato gihiwan. Otmu nâhurâ aŋulaksan.”

22-24 Yawu sâm ekumu âwâŋaŋe hoŋ bawalipŋe yuwu sâm ekyongop. “Nanne emelâk betnohom ariop ya âwurem takap. Yâhâ “emelâk muop

mon,” yawu nângâm manmâ gaman. Yamâ âwurem takamu ekmâ tepne hâlâlâk welâmñan giap. Yakât otmâ in yawu ba hâk katipñe âñe mem ga mânunñanñet. Yawu otmâ handop âlâ mem barahannan katñet. Otmu kâi katipñe katbanñet. Nenñe heronñe otbanñinomgât bulimakao nanñe gâim unjetâ siâk.” Yawu sâm ekyongomu bulimakao nanñe gâim unjetâ semu nem heronñe otbanñiwi.

25-26 Heronñe otbanñinetâ yan nanñe kunñe yanñe newângembâ taka kapi ginñan kinmâ heronñe maronñe girinñ get get otmâ kinbi ya nângâm honñ bawa âlâ kunmu gamu yuwu sâm âikuop. “Wongât heronñe otmâ tai?”

27 Sâmû sâop. “Imihe ari gulip olop ya âwurem takap. Yakât otmâ âwâyetñanñe eknongomu bulimakao nanñe ya kum gâim umunñe siap.” Yawu sâop.

28 Yawu sâm ekumu nângâm âwâñahât nângâm bâlewangim kapi betñehen kinop. Yâhâ honñ bawa yanñe âwâñe ekumu âwâñanñe ba kinmâ “Nan, ga,” sâm ekuop.

29 Ekumu hâkânñ otmâ yuwu sâop. “Nangât. Nânñe tem lâuhihim âi mem manmâ gamune yambu dondâ pesuk yap. Yawu otgihiman yamâ gânñe ki heronñe otnihimat. Otmu noninñ nanñe âlâ ki nihirâ bukulpine orop um nem heronñe otmain.

30 Yawu gârâmâ nangañe senñe âlâlâ hârok gâwârehihim ari imbi kondarâ orop manmâ tewet-senñe pilâm meteop. Yâkñe âun âwurem takamu honñ bawalipge ekyongorâ bulimakao nanñe kum

gâim unjetâ semu nem herone otbangiai. Yakât nângâmune dondâ bâleap.”

³¹ Yawu sâmu âwânaŋe yuwu sâmu ekuop. “Nanne, gâŋe nâ orop sâp kâlep manmâ gamat. Otmu senŋe âlâlâ tatnihiap ya gâhât pat sâmu kuhimune tap.

³² Yawu gârâmâ imihe “emelâk muop mon,” yawu nângâm manmâ gan ya âwurem takap. Yakât otmâ herone otbangimunŋe ârândâŋ oap.” Yawu sâop.

16

Galemŋe senŋe âlâlâ mem ihilâk tuhuop yan hâum sâop.

¹ Yesuŋe hoŋ bawalipŋe den âlâen hâum yuwu sâmu ekyongop. “Lok kutdâ iri sikumŋe tewetsenŋe otmu âlâlâ ya pato dondâ tatbangiop. Yakât otmâ lok âlâ mem galemgunihiâkgât sâmu âi waŋop. Yawu gârâmâ lok yaŋe lok kutdâŋahât tewetsenŋe mem gulip tuhuop. Yawu otmu lok kutdâ yakât hoŋ bawalipŋe nombotŋaŋe yakât den pat yuwu sâmu ekuwi. “Lok âlâ galem sâmu âi waŋon yâkŋe senŋe âlâlâ mem ihilâk tuhuhihiap.”

² Yawu sâmu ekuŋetâ lok kutdâyeŋe yaŋe lok ya yuwu sâmu ekuop. “Gâŋe nâhât tewetsenŋe mem gulip tuhunihiat” yawu sâŋetâ nanŋan. Yakât otmâ galem âlâku ki katgebom. Yakât otmâ puluhu puluhu pepa ya mem garâ senŋe âlâlâ tatnihiap yakât topŋe mem tetewom.”

³ “Yawu sâmu hângângumu ari biwiŋaŋe yuwu nângâop. “Lok kutdâne watnekbomap. Yakât otmâ giratbe? Wâtne pato ki tatnihiap. Yakât otmâ

âi umatŋe tuhuwomgât dop âlâ ki tap. Otmu senŋe âlâlâ gewe yâhâwe yakât lok bât kandi bero manbom sâm yakât anulaksan.

⁴ Yiwerenŋe nânġâmune teteap. Bukulipne yenġât tosa pato lok kutdânahâlen tap ya mem gemune heronŋe nânġânihinomai. Yawu nânġânihim lok kutdânaŋe watnekuap yanâmâ menekŋetâ orowâk mannom.” Biwiŋaŋe yawu nânġâop.

⁵ Yawu nânġâm bukulipŋe yenġât tosa pato lok kutdânahâlen talop yâk âlâku ikŋiâk ikŋiâk mem dâiyehop. Yâhâ anġoân gaop ya yuwu sâm âikuop. “Gâhât tosa lok kutdânahâlen amon tap?”

⁶ Sâmu sâop. “Nak bulânahât tonŋe ya âsâp 100.” Sâmu sâop. “Âlepŋe toсахâhât pepa yu mem 50 ya kulemgu.”

⁷ Yawu sâm ekumu arimu lok âlâ gamu yuwu sâm âikuop. “Lok kutdânahâlen tosa amon tap?”

Sâmu sâop. “Siwit kehetŋe ya itâ 1000.”

Sâmu sâop. “Tosahahât pepa yu mem 800 ya kulemgu.”

⁸ Yawu ekyongop yakât den pat nânġâm lok kutdânaŋe galemŋe yakât nânġân nânġânŋe pato tatbaŋgiap nânġâm heronŋe pato nânġâwanġiop. Wongât? Yuwuhât. Anitâhât den ki lâumai nombotŋaŋe iri sikumyene galemġum manman sânduhân manmai yakât nânġân nânġânyene pato tap. Yuwu otmâ Anitâhât den lâumai ya yenġât nânġân nânġânyene ya wangiap.

⁹ Yakât otmâ yuwu sâmune nânġânet. Yene Anitâhât tem lâuwangim iri sikum, me tewet-senŋe, senŋe âlâlâ ya galemġum hengenġum lohimbi yu me yakât umburuk oai ya kâsikum yinġim

tânyongonomai. Buku otyingim manmâ yâhânetâ hâmbâi sâp pesuk sâwuawân Anitâne manman kârikjan katyekmâ yakât hâmenje yingimu menomai. Yawu.”

Âi tânet me ai pato yakât topne.

¹⁰ Yesune den yuwu sâm ekyongop. “Lok âlâ me âlâne ai tânet biwiyenane tinâk lâum tuhum manmaineâmâ ai pato yawuâk biwiyenane lâum tuhum henjenunomai. Yâhâ lok âlâ me âlâne ai tânet tuhum hilipgumaineâmâ yakât dopneâk ai pato tuhum hilipgunomai.

¹¹ Yakât otmâ yene tewetsenene me hângât wahap topne topne yawuya ki galemgum henjenunomai otmuâmâ hâmbâi Anitâne manman bulâne ki yingiwuap.

¹² Yâhâ bukulipylene yengât senene âlâlâ hilipgunomai otmuâmâ Anitâne yengât pat kuyingiop ya hâmbâi ki yingimu menomai.

¹³ Yakât nângânetâ keterahâkgât den âlâen hâum yuwu sâmune nângânet. “Lok konokne lok kutdâ yâhâp yetgât ai menduhum ki tuhuyitgiwuap. Âlâhât biwinane kepeim herone kakjan tuhuwangiwuap. Yâhâ âlâhârâmâ hâkân kakjan nep ya ki tuhum henjenguwuap. Yakât topne yuwu sâwe. Hângât manman me iri sikum yan biwiyene arimu manmaine girawu otmâ Anitâ tem lâuwangim mannomai? Yamâ ki orotne.” Yawu sâop.

Yesune Parisaio den ekyongop.

14 Yesuŋe yawu sâŋ ekyongomu Parisaio nombotŋe iri sikumyeŋe alilakmâ manbiŋe nâŋgâŋetâ gemu senŋan gewi.

15 Senŋan geŋetâ yuwu sâŋ ekyongop. “Lohimbine yekŋetâ yahatmu koko salehâk mansai yawu sâŋetgât yeŋe lohimbi senyeŋan kinmâ Anitâhât den lâuain sâŋ otmai. Yamâ Anitâŋeâmâ yengât biwiyenahât topŋe nanŋap. Yu ya otmâ manmai ya lohimbine ekŋetâ âlepŋe otmap yamâ Anitâŋe ekmu bâlemap.”

16 “Den âlâ sâŋmune nâŋgâŋet. Moseŋe girem den âlâlâ kulemguop otmu Anitâhât poropetelipŋe den kulemguwi ya tatmâ gam Yoane teteop yan andemŋe oap. Otmu Yoane teteop sâp yapâek lohimbine Anitâhâlen biwiyenŋe kepeinŋetâ tihi-tyeŋe otbuap yakât den pat âlepŋe ekyongom gan. Yawu otmâ lohimbi kiŋgitŋe orowâkŋe nâŋgâŋetâ bulâŋe otmu yakât bulâŋe mene sâŋ oai.

17 Hân himbim gulip otbuapgât Anitâŋe sâŋ kalop. Yamâ Mosehât girem den ya kum gulip tuhunomgât dop âlâ ki tap.”

18 “Den âlâ sâŋmune nâŋgâŋet. Lok âlâ me âlâŋe imbiŋahât hâkâŋ otmâ pilâm imbi ondop membuap. Yamâ lok yaŋe tosa umatŋe membuap. Yâhâ lok âlâ me âlâŋe imbi pilâ pilâŋe ya membuap ya yawuâk tosa umatŋe membuap. Otmu imbi âlâŋe lok pilâ pilâŋe ya membuap ya yawuâk tosa umatŋe membuap.” Yawu sâŋ ekyongop.

Lok iri sukumŋe orop otmu lok umburuk ya yetgât den.

¹⁹ Yesuņe den âlâen hâum yuwu sâm ekyongop. “Lok kutdâ âlâ iri sikum tewetsenņe pato tat-banġiopņe yuwu otmâ manminiop. Hâk katipņe âilonġo lonġo hanġalakmâ hilâmņe hilâmņe sot topņe topņe nem hop sambe kakņan manminiop.

²⁰ Yâhâ lok âlâ umburuk manop, yâkât kutņe Lasaro sâm. Yâhâmâ use kârikņe tetewanġimu hâhiwin kakņan manminiop.

²¹ Yawu otmâ lok kutdâ yaņe emetņan tatmâ sot nemu wahapņe gowelan kionop ya mem nembe sâm Lasaro emet gowetņan iminiop. Emet gowetņan im tatmu sosoņe taka useņe ya nimbi-lakuminiwi.

²² Sâp âlâen lok umburuk ya mumu Anitâhât anġelolipņane lâum yâhâ Awaraham gotņan katņetâ talop. Yâhâ sâp ki kâlep otmuâk lok kutdâ ya yawuâk mumu hanguwi.

²³ Yâhâ mumu umutņane hem topņan kâlâp sem talowân ge tatmâ hâhiwin pato nânġâop. Yawu otmâ senņe pilâm Awaraham yet Lasaro yelehop.

²⁴ Yelekmâ den kârikņan halahum yuwu sâm Awaraham ekuop. “Awoņ, yuwu sâmune nânġâ. Kâlâp kâlehen tatmâ hâhiwin bâleņe nanġan. Yakât otmâ Lasaro ekurâ hâlipņane to wâimâmâ nimbil-amnan katmu sânduk sâek.”

²⁵ Yawu sâmu Awarahamņe yuwu sâop. “Nanne, yuwu sâmune nânġâ. Emelâk herone otmâ hop sambe kakņan manon ya pesuk yap. Lasaro yâhâmâ hâhiwin kakņan manop ya gurâ yawuâk pesuk yap. Yakât otmâ tep hero kakņan tap. Gâmâ hâhiwin pato nânġâm tat.

²⁶ Yâhâ hohetnenņan hem pato kinsap. Yakât otmâ yupâ gâtņe âlâ me âlâņe gâhâlen gene sâm

hâum pâpgunomai. Otmu yeŋgâlen gâtŋe âlâ me âlâŋe yuân gane sâŋ yawuâk hâum pâpgunomai.”

²⁷⁻²⁸ Sâmu sâop. “Awoŋ, den âlâ sâmune nâŋgâ. Kapinan imilipne mome mansai. Yâkŋe yuân ge hâhiwin nâŋgâmai hât Lasaro hâŋgâgurâ ari girem den ekyongomu nâŋgân nâŋgânyeŋe pâroŋ sâekgât nanŋan.”

²⁹ Sâmu sâop. “Yawu bia. Moseŋe girem den âlâlâ kulemgup otmu Anitâhât poropeteliŋeŋe den kulemgui ya sâlikum nâŋgânomai. Nâŋe ki hâŋgângumune âwurem gewuap.”

³⁰ Sâmu sâop. “Awoŋ, yuwu sâmune nâŋgâ. Moseŋe den kulemgup otmu Anitâhât poropeteliŋeŋe den kulemgui ya sâlikumai yamâ ki tem lâumai. Yakât otmâ muwi yâk yeŋgâlen gâtŋe âlâ me âlâŋe mumuŋambâ yahatmâ ari ekyongonomai otmuâmâ orotmemeŋe bâleŋe bet pilâm Anitâ tem lâuwaŋginomai.”

³¹ Sâmu sâop. “Nanne, yuwu sâmune nâŋgâ. Moseŋe girem den âlâlâ kulemgup otmu Anitâhât poropeteliŋeŋe den kulemgui ya sâlikum nâŋgâŋetâ nahat otmu ki lâumai. Yakât otmâ muwi yâk yeŋgâlen gâtŋeŋe mumuŋambâ yahatmâ ari ekyongonomai otmuâmâ yakât dopŋeâk yâkât den nâŋgâŋetâ nahat otmu ki lâunomai. Yakât otmâ ki hâŋgângumune âwurem gewuap.” Yawu sâŋ ekuop.” Yesuŋe den âlâen hâum yawu sâŋ ekyongop.

17

*Tosa yakât topŋe
(Mataio 18:6-7,21-22 Mareko 9:42)*

1 Yesuŋe hoŋ bawalipŋe yuwu sâŋ ekyongop. “Lohimbi kerekŋe lohotŋe otmâ yuwu yawu otŋetâ bâlemu tosa meŋetgât Satanŋe kendâyiŋgimap. Otmu lohimbi âlâ me âlâŋe bukulipyenŋe otŋetâ bâleâkgât kendâyiŋgimai yamâ Anitâŋe matŋe umatŋe yiŋgimu menomai.

2 Yakât otmâ lohimbi âlâ me âlâŋe bukulipyenŋe kendâyiŋgiŋetâ otŋetâ bâlemap yâhâmâ mâmâlipyenŋe ki mem ga katyekbâi yamâ mem ga katyekbi.

3 Yakât otmâ biwiyenŋe galemahom manmâ yâhânomai.

Bukuhe âlâŋe bâleŋe topŋe topŋe mâŋgâehekmu ekurâ yetŋiâk tatmâ den heŋgeŋguromawot. Yawu otmutâ ârândâŋ otmu buku konok mandomawot.

4 Yâhâ hilâm konok yakât biwiŋan bukuhanŋe orotmeme kiŋgoŋ mâŋgâehekmâ yahatmu nombolân yâhâpŋe otbuap. Yawu gârâmâ mâŋgâehekbuap ya sâŋ tetem tosaŋe pilâwaŋgiwuatgât ekgohowuap otmuâmâ âlepŋe tosaŋe pilâwaŋgiwuat.” Yawu sâŋ ekyongop.

Yesuhâlen biwinenŋe kepeinomgât sâop.

5 Yawu sâmu hoŋ bawalipŋe yuwu sâŋ ekuwi. “Kutdâ, den eknongomat ya kerek nâŋgâmunŋe yakât bulâŋe tetewuapgât nanŋain. Yakât otmâ mem hewewen tuhunenekdâ gâhâlen biwinenŋe tinâk kepeim mannom.” Yawu sâwi.

6 Sâŋetâ yuwu sâŋ ekyongop. “Den âlâen hâum yuwu sâmune nâŋgâŋet. Nak âlâ, kutŋe bândup, yamâ lok âlâŋe kehetŋe tipŋe âlâ mem ari kalamŋan kalop. Katmu tatmu kâmŋe ga

takamu yaņak yâhâm kâlep pato otmâ nak nombotņe wangim kinmap. Yakât dopņeâk nâhâlen biwiyenaje kepeim manmâ yâhâ lakop endo kinsap enda ekuņetâ denyenę nâņgâm hindakmâ saruân kionbuap.” Yawu sâop.

Nenņe Anitâhât nep mem yuwu otmâ mannom.

⁷ Den âlâen hâum yuwu sâm ekyongop. “Yeņgâlen gâtņe âlâ me âlâhât hoņ bawalipyeņaje noniņ bulimakao galemğum nep tuhum emetsâpņan kapiân âwurem gaņetâ yuwu ki sâm ekyongonomai. “Emetyenjan yâhâ tatņetâ sot um yiņgiwe.”

⁸ Yawu bia. Yuwu mon sâm ekyongonomai. “Sot um nihiņetâ nemune ârândâņ otmu yeņe sot um nenomai.” Yawu sâm ekyongonomai.

⁹ Yakât yuwu sâmunę nâņgâņet. Lok kutdâlipyenaje hoņ bawalipyenę nep sâm yiņgimai ya tuhuņetâ ki mepaeyekmai. In nâņgâyiņgiņetâ ârândâņ otmap.

¹⁰ Yeņgât topyenę yawu tap. Nep sâm yiņgimune ya tuhum pesuk pilânomai yan yuwu sânomai. “Nen hoņ bawa mansain. Nep sâm ningiop ya konok tuhumain.” Yawu sânomai. Yawu sâm ekyongop.

Lok hâk bâle teteyiņgiop ya Yesuņe heņgemyongop.

¹¹ Yesuņe Yerusalem kapiân ariwe sâm Galilaia hân tânâmņambâ arim yaņak Samaria hân hâlâņmâ kapi bânęehen tap yan ariop.

¹² Yâhâ kapi ya ambolipņe lok nombolân imbât hâk bâle teteyiņgimu manminiwi. Otmu Samaria gâtņe lok âlâ hâk bâle tetewangimu manminiopņe yâk yeņgâlen torokatmu lok bāt nombot nombot

hârok yawu otbi. Yâkņe Yesu ekmâ kâlepņehembâ kinmâ

¹³ den kârikņan yuwu sâm ekuwi. “Wâe lok pato, Yesu, gâņe nâņgâningihât naņgain.” Yawu sâwi.

¹⁴ Sâņetâ sâop. “Hotom umai yengâlen arinjetâ hâkyeņe eknomai.” Yawu sâm ekyongomu ariwi.

Yâhâ mâtâwân arim tatņetâ hâkyeņe âlepņe olop.

¹⁵⁻¹⁶ Hâkyeņe âlepņe otmu eņakmâ Samaria gâtņe ya ikņiâk âwurem ari Yesuhât gotņan ba kinmâ heroņe otbaņgim mepaeop.

¹⁷ Yawu otmu Yesuņe lohimbi yan kinbi ya yuwu sâm ekyongop. “Lok bāt nombot nombot hârok heņgemyongoan. Yamâ lok nombolân imbât yamâ wonâmbâ?

¹⁸ Wongât Samaria gâtņe yuņak Anitâ mepaewe sâm âwurem takap?” Yawu sâm ekyongop.

¹⁹ Yâhâ lok ya yuwu sâm ekuop. “Nâhâlen bi-wihane kepeiat. Yakât otmâ Anitâņe nâņgâhihimu âlepņe oat. Yakât otmâ lohotņan bam ari.”

*Yesu âwurem gewuap yakât sâop.
(Mataio 24:23-28,37-41)*

²⁰ Sâp âlâen Parisaio lok nombotņane Yesu yuwu sâm âikuwi. “Sâp girawuân Anitâņe tihitnenņe otmu manman sânduhand mannom?” Sâņetâ sâop. “Anitâņe topņe katmâ tihityeņe otbuap sâp yan kulem topņe topņe ki tetemu ekmâ kiwilinomai.

²¹ Yakât otmâ yuwu ki sânomai. “Yuân topņe katmâ tihitnenņe otbuap. Me endaken topņe katmâ tihitnenņe otbuap.” Yawu ki sânomai. Yuwu sâmune nâņgâņet. Anitâņe emelâk tihityeņe otbe sâm hâņgânohomu ge mansan.” Yawu sâop.

²² Yawu sâ m ekyongomu arinjetâ hon bawalipne yuwu sâ m ekyongop. “Hâmbâi sâp âlâen nâ lok bulâne âwurem ge tihityene otmune biwiyene sânduk sâekgât biwiyenene ya mem mannomai. Gârâmâ sâp yan ki âwurem gemune neknomai.

²³ Yawu gârâmâ sâp yan lok nombotnane yuwu sâ m ekyongonomai. “Anitâne Yesu hângângumu âwurem ge tihitnenne otbuap sâop yamâ emelâk hângângumu ge endaken mansap, me wosaken me wosaken ge mansap.” Yawu sâ m ekyongonetâ yâk yenğât den ya ki nângânomai. Yawu otmâ ki pâinnekmâ âlâen âlâen arinomai. Nâ gewom yan yok pilâm ki gewom.

²⁴ Himbim belek sâmu laninane siliñ siliñ sâ m nombotgembâ nombot otmâ han sâmap yakât dopneâk Anitâne nâ lok bulâne hângânnohomu âwurem gewom. Âwurem gemune lohimbi hânñan kulemñan mansai kerekne nâhât laninne ekmâ topne nângânomai.

²⁵ Yâhâ angoânâmâ Yura nengât papatolipnenane nâhât hâkâñ otmâ hâhiwin nihinetâ sât gum mumbom.

²⁶ Yâhâ âwurem gewom yanâmâ pârâk sâ n sâ nâk gewom. Yâhâ âwurem gewom yakât sâpne tâlâhuwuap yanâmâ orotmeme girawuya otmâ mannomai yakât yuwu sâ mune nângâñet.

Emelâk embân lok âlâ, kutne Noa sâ m, manmu towat teteop dop yawuâk ya tetewuap.

²⁷ Emelâk Noane manop yanâmâ lohimbi gulip malap manmâ yene âi yenahâlâk nângâm manbi. Yawu manñetâ Noaneâmâ wanğa kâlehen yâhâop. Yawu otmâ nen âlepne mansainâk sâ m

gulip malap manmâ gañetâ yan Anitâñe nâñgâmu tonjelâk pato gemu to niñ niñ sâñ lohimbî kerek haranyongomu mum metewi.

28 Yâhâ yakât dopñeâk lok âlâ, kutñe Lot sâñ, yâkñe manmu towat teteop dop yawuâk ya tetewuap. Emelâk Lotñe manop yanâmâ lohimbî gulip malap otmâ soñgo bau sot kâlê nem yeñahâlâk nâñgâñetâ yahalop. Imbî anñi gunñi otbî. Emet opon tuhuwi. Nep topñe topñe tuhuñetâ Lotñe Sotom kapi ya pilâm ariop.

29 Yawu otmâ nen âlepñe mansainâk sâñ gulip malap manñetâ Anitâñe nâñgâmu himbimâmbâ kâlâpñe punduñ sâñ ge kapi ambolipñe kerek sem gulip tuhuyehop.

30 Yakât dopñeâk lohimbî nombotñane âlepñe mansainâk sâñ otñetâ yan Anitâñe yâhâpñe nâ hâñgâñnohomu gewom.

31 Sâp yan yuwu otnomai. Lok âlâ me âlâ kapi hâlâñmâ mannomainñe kasalipyenñe takañetâ yekmâ emetyenñan ki âwurem ari itâ pareñe menomai. Otmu lohimbî newân kinnomainñe kasalipyenñe takañetâ yekmâ âwurem ari emetyenñan iri sikumyenñe miaknehât ki nâñgâñomai.

32 Emelâk embâñân himbimâmbâ kâlâpñe punduñ sâñ ge Sotom kapi ambolipñe sem gulip tuhuyehop sâp yan Lot imbiñane kambenñe kakñambâ olelem ekmâ kâtembe olop. Yakât den pat yenñe nâñgâm hâkyenñe miangim mannomai.

33 Yakât otmâ yuwu sâñmune nâñgâñet. Lok âlâ me âlâñe manmanyenñe alitnomai yamâ hili-wahonomai. Yâhâ lok âlâ me âlâñe nâhâlen bi-

wiyenaje kepeim tem lâunihinjetâ yan lohimbi belângen mansainje yeknetâ bâlemu yongonetâ munomai yamâ Anitâne mumunambâ mem yahatyekbuap.

³⁴ Sâp gewom yan lok oponân inomai yamâ Anitâne nombotje ya meyekmâ nombotje pilâyekbuap.

³⁵ Yâhâ lohimbi âi kalam tuhum gulip malap mannomai gurâ nombotje meyekmâ nombotje pilâyekbuap.

³⁶ Yâhâ hat mannomai gurâ nombotje meyekmâ nombotje pilâyekbuap.”

³⁷ Yawu sâm ekyongomu yuwu sâm âikuwi. “Kutdâ, kapi wonân mem kâsipnongowuat?”

Sânetâ sâop. “Yâhâ umatje âlâlâ tetewuap yakât emet inânjan ekyongom gaman. Yukât bulâne hâmbâi tetewuawân ekmâ topje nângâm henjenjunomai.” Yawu sâop.

18

Imbi kambutje kiap ulitguminiop yan hâum sâop.

¹ Yesuhât honj bawalipnaje hilâm ârândân Anitâ orowâk den otmâ ki lohotje otnomaihât den âlâen hâum yuwu sâm ekyongop.

² “Kiap âlâ lohimbi yengât den sâm hâreyingim yan Anitâhât nângâmu gemu ki ewe katyehop.

³ Yâhâ kapi amboje, imbi kambut âlâ, yakâlen ari sâm guhunmâ yuwu sâm ekuminiop. “Âlepje den sâm hârerâ imbi âlâne mângâenehop yakât matje kâpekbanjiwom.”

⁴ Yawu sâm ekuminiop yamâ denje ki nângâm gaop. Yawu otmâ gamu sâp kâlep otmu biwinaje

yuwu nângâop. “Anitâhât nângâmune gemap. Otmu lohimbi ki ewe katyekman.

⁵ Yawu gârâmâ imbi kambut yuņe haonmâ ârândânj kâi kâi liņnihim tatmâ mem kopa tuhunekmapgât ihilâk nângâwanjgiwom.” Yawu sâop.

⁶ “Yâhâ imbi yaņe kiap ya ekumu tânguop yamâ yuwu.

⁷ Nen Anitâhât tem lâuwangim manmainņe haonmâ ârândânj ulitgum yâhânom otmuâmâ nângâningiwuap. Yâkņe biwi pâlâmņe otmâ dennenņe ki nângâwuapgât dop âlâ ki tap.

⁸ Ulitgumunņe in yawu nângâningiwuap. Yawu nângânomai. Yawu gârâmâ Anitâņe nâ lok bulâņe hângânnohomu himbimâmbâ âwurem gewom sâp yan lohimbi kiņgitņe orowâkņe nâhâlen biwiyenņe tiņâk kepeim mambotnihim mannomai me bia?” Yawu sâop.

Parisaio yet takesi meme lok

⁹ Lok nombotņe yenahât nângâņetâ yahatmu “nen lok âlepņe, uwawapņe bia mansain” sâm bukulipyenē yengât nângâņetâ gemap. Lok yawuya yengât nângâm Yesuņe den âlâen hâum yuwu sâop.

¹⁰ “Lok yâhâp opon kâmbukņan yâhâm Anitâ ulitguowot. Âlâmâ Parisaio. Otmu âlâmâ takesi meme lok.

¹¹ Parisaio yaņeâmâ ikņahât nângâmu yahatmu senņe ewan pilâm ekmâ yuwu sâop. “O Anitâ, yuwu sâmune nângâ. Lok nombotņe kapam kumai, kombo otmai, otņetâ bâlem gap. Nâ yawuya

bia. Otmu takesi meme lok endo kinsap nâ endawuya bia.

¹² Hilâm nombolân yâhâp yakât biwiñan hilâm yâhâp sot barak manmâ nângâhihim mepaehekman. Otmu tewetsenñe senñe âlâlâ tatnihiap yakât sâsâñambâ konok hârem gâhât pat kuhihiman.” Yawu sâop.

¹³ Otmu takesi meme lok yañeâmâ gulunjan kinmâ kâmgum den tâlâwâk yuwu sâop. “O Anitâ, tepge nângânihi. Nâ lok bâleñe mansanâke yamâ ki pilânekuat,” yawu sâop.

¹⁴ Yakât yuwu sâmune nângâñet. Anitâñe takesi meme lok yâkât nângâwanjim tosañe pilâop. Yâhâ Parisaio yâhâmâ tosañe yawuâk tatbañgiop. Yâhâ lok âlâ me âlâñe hâkyeñe mepaeakmâ manmai yamâ Anitâñe mem ge katyekbuap. Yâhâ lok âlâ me âlâñe yeñahât nângâñetâ gemu huruñ huruñ manmai ya yeñgât Anitâñe nângâmu yahatbuap.” Yawu sâm ekyongop.

*Yesuñe nan baralipyenñe lukuleyehop.
(Mataio 19:13-15 Mareko 10:13-16)*

¹⁵ Sâp yanâmâ lohimbi nombotñane nan baralipyenñe meyekmâ Yesuhâlen ariwi. Ari Yesuñe kunyeñan mem Anitâ ulitgumu lukuleyehâkgât ekuwi. Yawu otñetâ hoñ bawalipñane yekñetâ ki ârândân otmu kuyiñgiwi.

¹⁶ Kuyiñgiñetâ Yesuñe nimnaom ekyongomu gañetâ hoñ bawalipñe yuwu sâm ekyongop. “Kâmbukñe, ki kuyiñgiñet. Anitâñe nimnaom titipâ yu yeñgât tihityeñe otmap. Yakât otmâ dâiyekmâ nâhâlen gañet. Yeñe kuyiñgiñetâ ekmune ki ârândân oap.

17 Yakât yuwu sâmunê nângânet. Nimnaom titipânê Anitâhât den nângâm in yawu lâuwanjim manjetâ tihityenê otmap. Yakât dopneâk yenê tem lâuwanjinomai yanâmâ Anitânê tihityenê otbuap. Yawu otmâ sâp pato tetewuwân meyekbuap. Yâhâ yawu ki otnomai otmuâmâ Anitânê betyongomu belângen tatnomai.” Yawu sâm ekyongop.

Lok iri sikumyenê pato tatyinjiap yâk yengât topyenê

(Mataio 19:16-30 Mareko 10:17-31)

18 Yawu sâm ekyongomu Yura yengât papatolipyenê âlânê Yesu yuwu sâm âikuop. “Bawapi, manman koko salek ambojê mansat. Yakât otmâ sârâ nângâwê. Nânê girawu otmunê ârândân otmu Anitânê manman kârikjahât pat kunihiwuap?”

19 Sâmu sâop. “Wongât nâhât “Manman koko salek ambojê” yat? Anitâ konohâk manman koko salek ambojê tatmap.

20 Yakât otmâ gânê âinohoat yakât matjê yuwu sâmunê nângâ. Anitânê girem den Mose ekumu kulenguop ya sâlikum nângâmat me bia? Ya yuwu tap. Buku âlâhât imbi ki ekmâ otbuat. Lok nombotjê ki yongorâ munomai. Kombo ki meyingiwuat. Hakyenjan ki sâuwat. Den perâk ki sâm kâityongowuat. Âwâ mâmâhe yetgât lauyetjê lâum amutyetjan manbuat.”

21 Sâmu sâop. “Bawapi. Girem den sâm arat yuâmâ njanambâek lâum manmâ gaman.” Yawu sâop.

22 Sâmu sâop. “Yuwu otbuat. Senje âlâlâ pato tatgihiap ya kâsikum buku nombotje umburuk mansai ya yingiwuat. Yawu otmâ nâhâlen torokatdâmâ Anitâje manman kârikjahât pat kuhihiwuap.” Yawu sâop.

23 Yawu sâmu iri sikum me senje âlâlâ dondâ tatbangiop yakât nângâmu biwiye umatje otmu hâmeje bâleop.

24 Hâmeje bâlemu ekmâ Yesuje yuwu sâm honj bawalipje ekyongop. “Lok iri sikum pato tatyngiapjeâmâ Anitâhâlen biwiyenaje kepeim tem lâuwangine sâm otjetâ hâi hâine otmap.

25 Yakât topje nângâjetâ keterahâkgât den âlâen hâum yuwu sâmune nângâjet. Pusiye selonj watmu pin pinjan arimu yan watmâ ba membe sâm hâum pâpgumap. Yakât dopjeâk lohimbi iri sikumyeje pato tatyngiapje Anitâje tihityeje olâkgât mâtâp ya watmâ arine sâm otjetâ hâi hâine otbuap.

26 Yawu sâmu nângâjetâ sâtje otmu yuwu sâm âikuwi. “Lohimbi girawuyaje otjetâ ârândâj otmu Anitâje manman kârikjahât pat kuyingiwuap?”

27 Sâjetâ sâop. “Anitâhât manman kapiân arine sâm lokgât nângân nângân watmâ arinomaihât dop âlâ ki tap. Yamâ Anitâhât topje âlâ tap. Yakât otmâ yeje yu me ya otne sâm yâkât nângân nângân watmâ otnomaihât dop tap. Yâkne konok manman kârikje ya yingimu mem manmâ yâhânomai.” Yawu sâop.

28 Yawu sâmu Petoroje yuwu sâop. “Bâe, nenâmâ senje âlâlâ kerek betbangim gâhâlen torokatmâ hâhiwin kakjan manmâ gain.” Yawu sâop.

29 Sâmu sâop. “Lohimbiņe nâhâlen biwiyene katņetgât lok âlâ me âlâņe nâhât den ekyongonomaine âwâ mâmâlipyene, me imi garilipyene, me imbi naomlipyene, me hep torehenlipyene, me senne âlâlâ siminņe tatyņgiap ya kerek pilâm nâhât komolân torokatnomai.

30 Yawu otmâ nâhât komolân torokatmâ mannomai yanâmâ emelâk hep torehenlipyene orop herone otminiwi ya wangim herone pato kakņan mannomai. Otmu hâmbâi Anitâņe meyekmâ manman kârikņan katyekmu mannomai.” Yawu sâm ekyongop.

*Yesuņe mumbuap yakât kalimbuņe sâop.
(Mataio 20:17-19 Mareko 10:32-34)*

31 Yesuņe hoņ bawalipņe kâiân yâhâp meyekmâ yuwu sâm ekyongop. “Yuwu sâmune nâņgâņet. Yiwerene Yerusalem kapiân yâhânom. Yan yâhâmunņe emelâk emet inâņņan Anitâhât poropetelipņane lok bulâņe nâhât den kulemgum gawi yakât bulâņe tetewuap.

32 Yâhâ lok âlâņe nâņgâm bâlenihim hotom umai otmu Mosehât girem den kâsikum ningimai ya yeņgât bâtyeņan katnekbup. Bâtyeņan katnekmu den âiân katnekmâ mumbomgât den sâm hârenihinomai. Den sâm hârenihim Roma lok yeņgâlen katneķetâ yâkņe yuwu otnihinomai. Sennan gem tâpnohom, mem âlâlâ tuhunekņetâ hâhiwin pato nâņgâwom.

33 Otmu benņe howanân nohoņetâ mumbom. Mumunņe hannohoņetâ hilâm kalimbu pesuk sâmu yakât kakņan mumuņambâ yahatbom.” Yawu sâm ekyongop.

34 Yawu sâ m ekyongomu Yerusalem yâhânomai yakât nâ ngânetâ biwiyenje umatnje otmu nâ ngâm ketet otbi.

*Yesuje lok senje bok sâsâje henjenguop.
(Mataio 20:29-34 Mareko 10:46-52)*

35 Mâtâwân arim tatnetâ lohimbi kinjitnje orowâkne betyenjan watyekbi. Yawu otmâ arinetâ Yeriko kapi tâlâhumu mâtâp ginjan lok âlâ, senje bok sâsâje talop. Tatmâ senje âlâhât umburuk otmâ yajak lohimbi mâtâwân bam ganetâ ulityongom tatminiop.

36 Yawu otmâ lohimbi kinjitnje orowâkne mâtâp yawuâk arinetâ kâiyenje munje nâ ngâmâmâ yakât âiyongomu sâwi.

37 “Yesu Nasaret kapiân gâtne takap.” Yawu sâwi.

38 Yawu sânetâ nâ ngâm den kârikjan halahum yuwu sâop. “Yesu Dawitihât sen, gâje nâhât wehe nâ ngânihi.”

39 Yawu sâmu lohimbi gotjan kinbi je kuwanjiwi. Kuwanjinetâ witgum halahuop.

40-41 Witgum halahumu Yesuje nâ ngâm mâtâwân kinmâ “Ekujetâ gaek,” sâ m lohimbi ekyongop. Ekyongomu senje bok sâsâje ya lok nombotjane dâim yâkâlen banetâ yuwu sâ m âikuop. “Girawu otgihiwehât nanjat?”

Sâmu sâop. “Lok pato, sârâ senne hâreakmu ekbehât nanjan.”

42 Sâmu sâop. “Gâje nâhâlen biwihe hikuat. Yakât otmâ den yat ya bulâje tetehihiâk.”

43 Yawu sâmu yan senje hâreakmu ekmâ Yesu betjan sâ m Anitâ mepaeop. Yawu otmu lohimbi je

ya ekñetâ âlâ kândâkdâ otmu yâku yawuâk Anitâ mepaewi.

19

Lok tâlâwâk, kutñe Sakaio sâ, yâkât den pat

¹⁻² Yesuñe Yeriko kapiân yâhâmu lok âlâ, iri sikumñe pato tatbañgiop, kutñe Sakaio sâ, yâhâmâ takesi meme lok yengât kunyene manminiop.

³ Yâhâmâ lok tâlâwâk yakât otmâ lohimbi ho-hetyeñan kinmâ tik sâ Yesu ekbe sâ otmu ki ihiop.

⁴ Yakât otmâ yahatmâ wangiyekmâ sururuk sâ ari nak âlâ mâtâp ginñan kinop ya lâum pitik pitik yâhâ kakñan tatmâ biwiñane yuwu nângâop. “Yesu yupâ gam bamu ekbom.”

⁵ Yawu nângâm tatmu Yesuñe nak amutgen ga kinmâ senñe pilâm ewun Sakaio ekmâ yuwu sâ ekuop. “Sakaio, âun gâhât emelan yâhâ tatmâ nângâwom. Yakât otmâ in yawu pilâm gerâ arine.”

⁶ Yawu sâ ekumu pilâm ge herone otmâ dâimu emetñan ariowot.

⁷ Emetñan ari yâhâmutâ lok kerekñe ekñetâ bâlemu sâ guhuñmâ yuwu sâwi. “Wongât otmâ Yesuñe lok bâleñahât emelan yahap? Ya ki orotñe.” Yawu sâwi.

⁸ Yâhâ Sakaionje Yesu yuwu sâ ekuop. “Kutdâ, sâmunen nângâ. Tewetsenñe me senñe âlâlâ tatnihiap ya mem hionmâ lohimbi umburuk mansai ya kâsikum yinñiwom. Otmu lohimbi kâityongom yengât tewetsenñe konok meyinñiwan

gârâmâ yakât matjeâmâ nâñe imbât yingiwom.”
Yawu sâop.

9-10 Sâmu sâop. “Lohimbi bâleñe hem nâpumân ge hiliwahomaihât nâñgâm Anitâñe nâ lok bulâñe hâñgânnohomu gewan. Yawu gârâmâ lohimbiñe nâhâlen biwiyenâñe kepeñetâ yanâmâ manman kârikñahât pat kuyingiwuap. “Yâhâ gâ Awaraham sen. Gâñe nâhâlen biwihâñe kepeiat. Yakât otmâ Anitâñe manman kârikñahât pat kuhihap.

*Lok hilâm ihi, konam yakât den
(Mataio 25:14-30)*

11 Yeriko kapi ya pilâm Yerusalem kapi gotñan ariwi. Yesuhât den nâñgâm lohimbi orowâk ariwi yañe biwiyenâñe yuwu nâñgâwi. “Anitâñe Yesu mâmâñe otbañgimu kasalipnenñe watyekmu arinomial. Yâkñe yawu otmâ manman sânduhân katnenekbuap yakât sâpñe tâlâhuap.”

12 Biwiyenâñe yawu nâñgâwi yakât otmâ Yesuñe den âlâen hâum yuwu sâm ekyongop. “Lok kutdâ âlâñe lok âlâ mem kânâñgâmu yâkñe lohimbi galem-yongowuapgât sâpñe tâlâhuop.

13 Yawu otmâ lok yañe lok kutdâñahâlen ariwe sâm âi loklipñe bâlâk ñerek yongonmu gañetâ tewetsenñe kina bâlâk ñerek ya ârândâñâk yingim yuwu sâm ekyongop. “Pilâyekmâ kâlepñehen ariwom. Yawu gârâmâ tewetsenñe yingian yuñe mem âi tuhunjetâ tewetsenñe tetewuap yakât dopñe âwurem takamune tiripnohoñetâ ekbom.”

14 Yawu sâm pilâyekmâ ariop. Yâhâ lohimbi nombotñane lok yakât hâkâñ otmâ galem-yene ki olâkgât nâñgâm lok hoñ hâñgânyongoñetâ lok kutdâyehâlen ari yakât denñe sâwi.

15 Denje sâñetâ lok kutdâyeñaje ki nâñgâyinjiop. Yawu otmâ lok yawuâk galem sâñ kânâñgâop. Yawu gârâmâ lok kapi kâlepñehen ariop yaje âwurem taka âi loklipñe tewetsenñe yinjiop ya yongonmu gañetâ âlâku ikñiâk ikñiâk yuwu sâñ âiyongop. “Tewetsenñe yinjiwan yaje mem âi tuhujet amon teteap?” Yawu sâñ âiyongop.

16 Yâhâ âi lok angoân gaopñe yuwu sâop. “Lok pato. Gâñe kina bâlâk ñerek nihion yaje mem âi tuhumune âlâku kina bâlâk ñerek teteop.”

17 Sâmu sâop. “Âlepñe, tewetsenñe tipñe gihiwan yaje mem âi tuhurâ âilonjo teteap. Yakât otmâ nâñe galem katgekmune kapi bâlâk ñerek ya ambolipñe galem yongowuat.”

18 Yawu sâmu hoñ bawa âlâñe gam sâop. “Lok pato. Gâñe kina bâlâk ñerek nihion yaje mem âi tuhumune âlâku kina bâtnombot teteop.”

19 Sâmu sâop. “Âlepñe, nâñe galem sâñ katgekmune kapi bâtnombot ya galem yongowuat.”

20-21 Yawu sâñ ekumu arimu hoñ bawa âlâñeâmâ ga sâop. “Lok kutdâ, pato, gâhât topge nâñgâm heñgeñguan. Gâ lok sâtñe. Lok âlâ me âlâñe gâhât nep kâmetñetâ âlemap yamâ gikahâk nemat. Yawu otmat yakât sâñetâ nâñgâman. Yakât otmâmâ gâhât kiñgitnahât otmâ tewetsenñe nihion ya biatgihimap sâñ sâñgumnañe kurihim katmune tatmap.” Yawu sâñ kina bâlâk ñerek ya ambonjahât bâtnan kalop.

22 Sâmu sâop. “Gâ lok konam. Gikak den yat yawuâk mem purik pilâhihiwe. Sâñmune nâñgâ. Lok âlâ me âlâñe nâhât nep kâmetñetâ âlemap yamâ ninahâk neman yawu sâñetâ nanjat.

23 Yakât otmâ tewetsenņe gihiwan yu mem kât emetņan katdâ tatmu tewetsenņe âlâkuâk teteop mâne nâņgâmune ârândâņ otbâp.”

24 Yawu sâam ekum lohimbi yan kinbi yuwu sâam ekyongop. “Bukuņaje kina bâlâk ñerek mem kinsapņe nâhât tem lâum âi tuhum gap. Yakât otmâ lok yukât bâtņambâ kina bâlâk ñerek ya mem bukuņe waņet.”

25 Sâamu sâawi. “Yawu gârâmâ emelâk kina bâlâk ñerek miap.”

26 Sâaņetâ sâop. “Yuwu sâamune nâņgâaņet. Anitâņe lok âlâ me âlâ âi sâam yingimu biwiyenāe kepeim tuhumai yâhâmâ tâtâem mâmâņe otyingimu âilonņoâk tuhumai. Yawu gârâmâ lok âlâ me âlâ âi sâam yingimu ki tuhumai yâhâmâ betyongomap.

27 Yâhâ nâņe galemyeņe ki manbehât yeņe lok kutdânennāhâlen ari denne sâawi. Yawu gârâmâ lok ya ekyongonēetâ yuân ga sennennānâk yongonēetâ muņet.” Yawu sâam ekyongop.” Yesuņe den yan hâam ekyongop.

Yesuņe Yerusalem kapiân yâhâop.

(Mataio 21:1-11 Mareko 11:1-11 Yoane 12:12-19)

28 Yesuņe hoņ bawalipņe meyekmâ yapâ arinēetâ lohimbi kinņitņe orowâkņe betyenān sâawi.

29 Yawu otmâ ari Yerusalem kapi pato yakât gotņan kapi yâhâp, kutyetņe Betepahe otmu Betani sâam, ya Oliwa pumņan tap yan yâhâwi.

30 Yan yâhâ Yesuņe hoņ bawayâhâtņe yâhâp yuwu sâam hâņgânyotgop. “Kapi tipiņe ewapâ tap yan donņi nanņe âlâ hikum katņetâ kinsap ya lok ki kakņan tatmai. Ya holaņmâ mem geromawot.

31 Holarımutâ lok âlâne yuwu mon sâam âiyotgowuap. “Yet wongât taka yu holarıawot?” Yawu sâamuâmâ yuwu sâam ekuromawot. “Yiwereıe âi teteap. Yakât otmâ patonetıane yu mendehât hângânotgomu takait.” Yawu sâam ekuromawot.

Yesuıe yawu sâam hângânyotgomu yâhâ ekyotgop yawuâk mem teteowot.

32 Donıi nanıe emet âlâ hawııan hikum katbi ya holarıowot. Holarımutâ ambonane yelemâ sâop.

33 “Bâe. Yet âlâne sâamu yu holarıde sâam oawot?”

34-35 Sâamu sâowot. “Yiwereıe âi teteap. Yakât otmâ patonetıane yu mendehât hângânotgomu takait.” Yawu sâam ekumutâ nângâyitgimu holarımâ mem giowot. Mem ge yetıe hâk katipıe kâlep kalowot ya holarımâ lotohom kakıan kalowot. Katmutâ kakıan yâhâ talop.

36 Yâhâ tatmu Yerusalem kapiân yâhâwi. Yâhâıetâ lohimbi kınıtıe orowâk hâruhuakbıe Yesuhât nângâıetâ yahatmu yeıe hâk katipıe kâkâlep ya holarımâ mâtıp tete lıngatmâ ariwi. Lıngatmâ arııetâ donıi yanıe ya kakıan tâlim tâlim ariop.

37 Yâhâ Yerusalem kapi pato ya tâlâhumu Oliwa pumıe yakât talapıan gewi. Geıetâ kulem âlâlâ tuhumu ekmâ gawıe yakât nângâm herone otbanıim Anitâ mepaem den kârikıan halahum yuwu sâwi.

38 “Gâmâ tâmbânenıe Dawiti sen. Gike ombheâk ki takat. Anitâne âi sâam gihiop ya lâum kinmâ nengâlen mat takat. Yakât otmâ herone otgihim mepaeheksain.” Yawu sâwi.

³⁹ Yawu sâ mepaenjetâ Parisaionje yuwu sâ m Yesu ekuwi. “Lok pato, mepaehekmâ mansai ya kuyingirâ hutuk sânet.”

⁴⁰ Sânetâ sâop. “Nâne kuyingimune hutuk sânomaiâmâ kât yuñe âlepñe heronje otnihim den sâ mepaeneknomai.”

Yesuñe Yerusalem kapi ekmâ isiop.

⁴¹ Yerusalem kapi ginñan ari tatmâ ekmâ tepñe nângâm isem yuwu sâop.

⁴² “O, kapi ambolipñe. Biwi sânduhân manne sâ m yakât mâtâpñe yiwereñe teteap yamâ ekñetâ ki keterakyiñgiap.

⁴³⁻⁴⁴ Yiwereñe Anitâñe wawaeyekmâ tihityeñe otbe sâ m hângânnohomu takanâke yamâ nâhât nângânihiñetâ tâñât oap. Yakât matñe sâp âlâen kasalipyenñe taka hawamyongom mâtâp mañguyiñginomai. Mâtâp mañguyiñgim pañ kârikñe tap enda limbârõngum ge emetyeñe huhum gahaem itit kiom tuhuyiñgim yongonjetâ munomai. Yawu otyiñgiñetâ kapi yuñe kâwurumñañak kinbuap.” Yawu sâop.

Yesu opon kâmbukñan yâhâ watyehop.

(Mataio 21:12-17 Mareko 11:15-19 Yoane 2:13-22)

⁴⁵ Yawu sâmu Yerusalem kapi patoen yâhâwi. Yâhâñetâ Yesuñe dongi kakñambâ kionmu yañak yapâ opon kâmbukñan yâhâwi. Yâhâ opon kâmbukñe kâlehen lohimbine senñe âlâlâ angi gungi otmâ kinbi ya yekmâ Yesuñe nângâm bâleyiñgim yuwu sâ m ekyongop.

⁴⁶ “Yu oai yukât emet inânñan Anitâñe poropete âlâ ekumu kulemguop ya yuwu tap.

“Lohimbi hânñan kulemñan manmâ araiñe nâhât opon yukât kâlehen yâhâ mepaeneknomai.”

Den sâop yakât yuwu sâmunne nânğâñet. Yeñe yukât kâlehen tatmâ lohimbi kâityongom hâmeñe mem yahatmâ anğı guñgi otmâ gai. Yawu otmâ gai yu ekmune anğim bero emetñe yawuya oap. Opon kâmbukñe yu kâlehen ki orotñe otñetâ ekmune bâleap.” Yawu sâm watyekmu yahatmâ tiok taok otmâ arim kinbi.

⁴⁷ Otmu hilâm ârândân Yesuñe opon kâmbukñan yâhâ lohimbi den kâsikum yingio. Yawu otmu hotom uminiwi ya yeñğât kunlipyeñe otmu Mosehât girem den kâsikum yingiminiwi otmu Yura yeñğât papatolipyeñeñe Yesu kune sâm otbi.

⁴⁸ Yawu gârâmâ lohimbi kinğitñe orowâkñe Yesuhât denñe nânğâñetâ âlâ kândâkdâ otmu mem hawam mewam tuhum kinbi. Yakât otmâ kune sâm hâum pâpgum pilâwi.

20

Yesuñe âlâhât sâtğât âi miop ya ki sâm tetem ekyongop.

(Mataio 21:23-27 Mareko 11:27-33)

¹ Sâp âlâen Yesuñe opon kâmbukñan yâhâ kinmâ ikñe den pat âlepñe lohimbi kâsikum yingio. Sâp yan hotom uminiwi ya yeñğât kunlipyeñe, otmu Mosehât girem den kâsikum yingiminiwi, otmu Yura yeñğât papatolipyeñeñe yâkâlen ba yuwu sâm âikuwi.

² “Gâñe oran âlâhât sâtğât otmâ Anitâhât opon kâmbukñan yâhâ lohimbi watyehon?” Yawu sâm âikuwi.

³ Sâñetâ sâop. “Yeñe âinohoi gârâmâ nâku âiyongowe. Âiyongomune den matñe kâpekniñetâmâ nâñe âlâhât sâtñât âi yu mem gaman yakât topñe ekyongowom.

⁴ Yakât yuwu sâmune nâñgâñet. Yoaneñe âlâhât sâtñât otmâ lohimbi toen katyehop? Anitâhât me ondop yeñgât sâtñât otmâ âi ya tuhuop? Ya sâñetâ nâñgâwe.” Yawu sâop.

⁵ Yawu sâmu matñe kâpekbanjine sâmu pâpgum alahu gulahu otmâ yuwu sâwi. “Nenñe yuwu mon sânom. “Yoaneñe âi miop yamâ Anitâñe âi sâmu wañmu tuhuop.” Yawu sânom yamâ matñe yuwu mon sâwuap. “O, yenâmâ girawu otmâ Yoanehât den nâñgâñetâ ki bulâñe olop?” Yawu sâmu nenñe matñe girawu sâmu kâpekbanjinom? Anulaknom yakâ.

⁶ Otmu âlâ yuwu mon sânom. “Yâhâmâ lok yeñgât sâtñât otmâ âi ya miop.” Yawu sânom yamâ lohimbi dondâñe “Yoaneñe Anitâhât poropete manmâ yâkât sâtñât âi mem manop,” yawu nâñgâmai yakâ. Yakât otmâ nenñe yawu sânom yanâmâ lohimbi kinsai yuñe nâñgâm nongonomai yakâ.” Yawu nâñgâwi.

⁷ Yawu nâñgâm yuwu sâmu ekuwi. “Yoaneñe âlâhât sâtñât âi meminiop ya nen ki nanñain.”

⁸ Sâñetâ sâop. “Nâku yawuâk. Nâñe âlâhât sâtñât âi yu mem gaman yakât ki ekyongowom.” Yawu sâop.

*Wain kalam ambonahâlen hâmu sâop.
(Mataio 21:33-46 Mareko 12:1-12)*

⁹ Yesuñe den âlâen hâmu yuwu sâmu ekyongop. “Lok pato âlâñe wain kâmetñet sâmu nep

lok meyehop. Meyekmu ari dâmân sâhâm hawamgum wain kâmetbi. Otmu wain toņe ya mem mendâreņetâ gewuapgât waņga hâwiwi. Âi ya tuhum tiņ pilâņetâ nep ya galemgunomai sâm katyekmâ ikņe âlâengen ari sâp kâlep manop.

¹⁰ Ari sâp kâlep manmu wain kehetņe ya puru pato kinmâ hululuņ sâop. Yawu otmu amboņaņe ikņahât hâruhuniņet sâm hoņ bawa âlâ yakembâek hâņgângumu takaop. Takamu wain galemņe manbiņe kum watņetâ âwurem ariop.

¹¹ Âwurem arimu yawuâk kalam amboņaņe hoņ bawa âlâ hâņgângumu takaop. Hâņgângumu takamu arimu yâk gurâ yawuâk kum mem âlâlâ tuhuņetâ âwurem ariop.

¹² Âwurem arimu yawuâk kalam amboņaņe hoņ bawaņe kalimbunę hâņgângumu takamu yawuâk mâņgâeņetâ âwurem ariop.

¹³ Âwurem arimu kalam amboņaņe “Giratbe” sâm nâņgâop. Nâņgâmu tetemu biwiņaņe yuwu nâņgâop. “Nine nanne ombe bisine hâņgângumune arimu ekmâ yanâmâ ewe katnomai.” Biwiņaņe yawu nâņgâm ikņe nanņe hâņgângumu takaop.

¹⁴ Hâņgângumu takamu ekmâ yuwu sâwi. “Bâe, yuâmâ patonenņe ikņe nanņaņe takap. Âwâņe mumu yan kalam yuâmâ yâkņe ambokuwuap. Yakât otmâ kumunņe muâk. Kumunņe mumu yanâmâ kalam yuâmâ nengât otbuap.” Yawu sâwi.

¹⁵ Yawu sâm kum kekae topņehen pilâņetâ iop. “Yawu otņetâ kalam amboņaņe taka girawu otbuap?

¹⁶ Yâkņe taka yongomu muņetâ lok ondop meyekmâ kaweyenjan katyekmu kinnomai.”

Yawu sâop.

Yawu sâm ekyongomu nângânetâ porap otmu “Yawu ki otyingiwuap yakâ” sâwi.

17 Yawu sânetâ yuwu sâm âiyongop. “Anitâhât poropete âlâne den kulemguop yukât topne eknohonetâ nângâwe.

“Nep lokne emet tuhum nak âlâ eknetâ bâlemu mem ketetbi. Mem ketetbi ya Anitâne lâum kânângâmu kuhupin kârikne otmâ kinsap.” Yawu kulemguop tap.

18 Yâhâ lok âlâ me âlâne kuhupin yu ekmâ betbanjinomai yamâ hâhiwin nângânomai. Yawu gârâmâ kuhupin yu putuk sâm kionmâ yongowuap yamâ dâk dâk hutuk yongomu munomai.” Yawu sâop.

Anitâhât pat sâm yu ya katmunne tatmap ya wajnom.

(Mataio 22:15-22 Mareko 12:13-17)

19 Yesu den âlâen hâum sâop yu hotom uminiwi ya yengât kunlipyene otmu Mosehât girem den kâsikum yingiminiwi ya yengât topyene miop. Yakât nângânetâ biwiyenan tâlimu Yesu mem pâi emetnan katne sâm otbi. Yawu otbi yamâ lohimbi dondâ yan kinbiye Yesuhât nângânetâ yahalop. Yakât otmâ yâk yengât nângâm gorâyngimu pilâm Yesu den sâm tâpikguwuap nângâm yakât ekmâ kinbi.

20 Yâhâ Yesu sâm tâpikguwuap yanâmâ mem Roma lok yengât bâtyenan katnetâ yâkneâmâ mem pâi emetnan katnetâ talâkgât nângâm lok perâkne nombotne meyekmâ tewetsenye yingim enгыaten gewi. Enгыaten genetâ yâkne

Yesuŋe den sâŋ tâpikguâkgât yâkâlen ari topyene kurihiakmâ yuwu sâŋ âikuwi.

21 “Bawapi, gâhât topge nanŋain. Gâŋe den imbiâk ki sâmat. Den sâmat yamâ nâŋgâmunŋe bonŋeâk otmap. Otmu lohimbine gâhât girawu nâŋgâhihai yakât nâŋgâm ki gorâhihimap. Gâŋe lok âlâhât nâŋgârâ yahatmu âlâhât nâŋgârâ gemu yawu ki otmat. Otmu manman girawu manmunŋe Anitâŋe nenekmu ârândânŋ otbuap yakât den tâŋ tâŋâk eknongomat.

22 Yakât otmâ wuân me wuân otnom yakât sârâ nâŋgâne. Roma lok âlâŋe kunnenŋe mansap, kutŋe Sisa sâŋ, yâhâmâ haoŋmâ ârândânŋ takesi waŋmain. Yawu gârâmâ yawuâk waŋmâ yâhânom me bia? Yakât sârâ nâŋgâne.”

23 Yawu sâŋ âikuŋetâ biwiyenahât topŋe nâŋgâm yuwu sâŋ ekyongop.

24 “Kât nanŋe âlâ mem nihiŋetâ ekbe.” Yawu sâop.

Yawu sâmu waŋetâ mem tiripyongom yuwu sâop. “Kât nanŋe yu ekŋet. Âlâhât towat kât nanŋe yuân tap? Me âlâhât kutŋe tap?” Sâmu sâwi. “Roma lok patonenŋe, kutŋe Sisa, yakâ.”

25 Sâŋetâ sâop. “Sisahât pat sâŋ sâsâŋe sâŋ yu ya katŋetâ tap otmuâmâ yâk waŋnomai. Yâhâ Anitâhât pat sâŋ katŋetâ tatmap yâk waŋnomai.”

26 Yawu sâŋ ekyongomu nâŋgâŋetâ sâtŋe otmu den biaek kinbi. Yawu otmâ Yesuŋe lohimbi senyenjan kinmâ sâŋ tâpikgumu mem Roma lok yeŋgât bâtyenjan katne sâŋ otbi yamâ pâpgum pilâm ariwi.

*Anitâŋe mumuŋambâ mem yahatnenekbuap.
(Mataio 22:23-33 Mareko 12:18-27)*

²⁷ Sarukaio lok yuwu nâŋgâmai. “Anitâŋe mumuŋambâ mem yahatnenekbuapgât dop âlâ ki tap. Yakât otmâ mumunŋe pesuk sâmap.” Yawu nâŋgâmai. Yâkŋe yakât topŋe nâŋgânehât Yesuhâlen ari yuwu sâm âikuwi.

²⁸ “Bawapi, angoân Moseŋe den kulemguop ya yuwu tap.

“Lok âlâŋe imbi âlâ memu naom ki mewangimu lok ya mumbuap. Mumu imiŋaŋe yâkât kambut ya galemgum yâkât welâmân nimnaom mem ga katyekbuap.”

Moseŋe yawu kulemguop tap. Yakât topŋe sâm eknongohât yuwu sâmunŋe nâŋgâ.

²⁹ Imi ata nombolân yâhâp manbi. Manmâ angoân atayeŋe kunŋaŋe imbi memu imbiŋaŋe naom ki mewangimu inâk manmâ muop.

³⁰ Mumu imiŋaŋe atañahât kambut ya mem manmâ yâku inâk muop.

³¹ Otmu imiyetŋaŋe kambutyetŋe ya mem manmâ yâku yawuâk naom barahâk muop. Otmu imi ata ya hârokŋe kambutyetŋe yawuâk mem manmâ inâk muwi.

³² Aiop, kambutyetŋe yâku yawuâk muop.

³³ Imi ata nombolân yâhâp ya kerekŋe imbi ya mewi. Gârâmâ sâp pato tetemu Anitâŋe mumuŋambâ mem yahatnenekbuap yanâmâ imbi yamâ âlâŋe membuap.” Yawu sâwi.

³⁴ Sâŋetâ sâop. “Hânân yuân imbi aŋgi guŋgi otmâ miakmâ manmai.

³⁵ Yâhâ Anitâŋe lohimbi mumuŋambâ mem yahatyekmu manman kârikŋan mannomai. Sâp

yanâmâ himbimân Anitâhât anelolipnaje ki miak-
mai ya yengât dop otmâ yeje iknjiâk iknjiâk manno-
mai.

³⁶ Anitâje nine nanne baratne sâmb lohimb
meyekmu anelolipne yengât dop otmâ manman
kâriknjan mannomai.

³⁷ Yâhâ Anitâje mumunambâ mem
yahatyekbuap yakât topne yuwu sâmbune nângânet.
Nak topnan kâlâp semu laj laj sâop yakât den
pat Moseje kulempuop. Den kulempuop yan
Kutdâhât yuwu kulempuop. “Yâhâmâ Awaraham,
otmu nanje Isaka, otmu sesene Yakop yâk yengât
kunyene tatmâ gamap.” Yawu kulempuop tap.

³⁸ Den kulempuop yakât topneâmâ yuwu.
Emelâk nengât tâmbâlipnenne manmâ gawi. Otmu
yapâ torokatmâ manmâ ganjetâ ganjetâ benje
nen yu mansain yu. Otmu gâmbâlâk nengât sen
tetem mannomai. Nen kerek nengât kunnenne
yamâ Anitâ. Topne yawu tap. Yamâ yeje den ya
nângânetâ keterakyinjimbâp.” Yawu sâop.

³⁹⁻⁴⁰ Yawu sâmbu den âlâhât ekune sâmb otjetâ
umatne otmu pilâm Mosehât den kâsikum
yinjiminiwi nombotnaje yuwu sâmb ekuwi.
“Bawapi, den purik pilâningim eknongoat yakât
nângâmunne ârândâne oap.” Yawu sâmb ekuwi.

*Anitâje hângângumu gewuap sâmbiniwi yakât
Yesune âiyongop.*

(Mataio 22:41-46 Mareko 12:35-37)

⁴¹ Yawu gârâmâ Yesune yuwu sâmb âiyongop.
“Anitâje hângângumu ge tihitnenne otbuap yamâ
Dawitihât senâmbâ tetewuap.” yawu sâmbi.

⁴² Yawu gârâmâ Dawiti iknjak yuwu sâop.

“Anitâñe nâhât patone yuwu sâm ekuop.

⁴³ Gâñe nâhât gotnan ga kinmâ nâhât hañit mem kasalipge yongom mem ge katyekbuat.”
Yawu sâop.”

⁴⁴ Dawitiñe den yawu sâop yakât yuwu sâmune nâñgâñet. Anitâñe hâñgâñgumu gewuap yakât Dawitiñe yuwu sâop. “Yamâ patone,” sâop. Yawu gârâmâ yeñeâmâ “Yâkñe hâmbâi ge galemnon-gowuap,” sâmai. Den sâmai yamâ Dawitiñe den sâop ya orop ki lâuaksawot. Yakât nâñgâñmune keterahâkgât yeñe eknohoñetâ nâñgâñe.” Yawu sâop. Yawu sâm âiyongomu matñe sâñe sâm hâum pâpñum pilâwi.

Mosehât girem den kâsikum yingiminiwi ya Yesuñe sâm ge katyehop.

(Mataio 23:1-36 Mareko 12:38-40 Luka 11:37-54)

⁴⁵ Yâhâ lohimbi yan kinbiñe denñe nâñgâñ biwi golâek manñetgât den kârikñan yuwu sâm hoñ bawalipñe ekyongop.

⁴⁶ “Lohimbi nombotñane nenekñetâ yahalâkgât Mosehât girem den kâsikum ningimainñe sâñgumyeñe kâkâlep mânunjakmâ yañe holuñ holuñ sâmu yâhâm gemai. Otmu yeñahât nâñgâñetâ yahatmu miti emetñan yâhâ senñanâk tatnehât nâñgâñmai.

⁴⁷ Yawu otmai yamâ imbi kambut emetyeñambâ watyekmâ senñe âlâlâyeñe kombo meyingimai. Yawu otmâ topyeñe kurihiakmâ lohimbi senyeñan kinmâ Anitâ hâkyeñañak mepaemai. Yawu otmai yakât otmâ Anitâñe matñe amokñan yingimu menomai. Yâk yeñgât topyeñe yawu tap yakât

otmâ yâkne biwiyen an kionmaihât biwiyene galemahom mannomai.” Yawu sâ m ekyongop.

21

Imbi kambut âlâne nanne kuriŋ kuriŋ yâhâp kalop.

(Mareko 12:41-44)

¹ Yawu sâ m ekyongomâmâ Yesune senne pilâm lohimb i iri sikumyene pato tatyŋgiopne tewetsenne mem kondoân katmâ ariŋetâ yehop.

² Katmâ ariŋetâmâ imbi kambut âlâ senne âlâlâhât umburuk otmâ manopne tewetsenne nanne kuriŋ kuriŋ yâhâp mem yâhâ kalop.

³⁻⁴ Katmu Yesune ekmâ hoŋ bawalipne yuwu sâ m ekyongop. “Lok iri sikumyene pato tatyŋgiapne tewetsenne nombotneâk katsai. Yâhâ imbi kambut yuneâmâ nanne kuriŋ kuriŋ yâhâp kârikne tatbaŋgimap ya bâine katsap. Yakât otmâ Anitâne imbi kambut yu ekmu âilonŋo oap.” Yawu sâ op.

Kasalipyenane taka opon kâmbukne huhum iton galaŋ menomai.

(Mataio 24:1-2 Mareko 13:1-2)

⁵ Yawu sâ mu lohimb i kinbi nombotnane opon kâmbukne ekŋetâ âilonŋo otmu yuwu sâ wi. “An-itâhât opon kâmbukne yu senne âlâlâ kârikŋanak tuhuwi yu ekmunne âilonŋo lonŋo otmâ sem serekmâ iap.”

⁶ Yawu sâ ŋetâ Yesune yuwu sâ m ekyongop. “Opon kâmbukne yu ekŋetâ âilonŋo lonŋo oap yuâmâ hâmbâi kasalipyenane taka huhum iton

galaŋ mem senn̄e âlâlâ kâlehen tap yu mem ihilâk mahilâk tuhunomai.” Yawu sâop.

Umatŋe topŋe topŋe teteyiŋgiwuap yakât Yesuŋe sâop.

(Mataio 24:3-14 Mareko 13:3-13)

⁷ Sâmu sâwi. “Bawapi, gâŋe opon kâmbukŋahât den eknongoat yakât bonŋe sâp girawuân tetewuap? Otmu tetewe sâm otbuap yan wuân kulem tetemu ekmâ nâŋgâmunŋe keterakningiwuap?” Yawu sâwi.

⁸ Sâŋetâ sâop. “Lok nombotŋaŋe taka den perâkŋe yuwu sâm kâityongonomai. “Nâmâ Anitâŋe hâŋgânnohomu ge mansan,” yawu sânomai. Me yuwu mon sânomai. “Sâp pesuk sâwomap. Yakât otmâ nâhâlen torokatmâ tem lâunihinetâ nep menom,” yawu sânomai.

⁹ Otmu sâp yan kapam gotyenan me kâlepŋehen, me wosapâ wosapâ tetewuap yakât nâŋgâm ki gorâyŋgiwuap. Yawu tetemu yanâmâ “Anitâŋe emelâk sâm kalop yakât bulâŋe teteap,” yawu nâŋgânomai. Otmu kapam topŋe topŋe tetemu yan yeŋe nâhâitŋe “Getek âwurem gewomap,” yawu ki nâŋgânomai.

¹⁰ Anŋoân lohimbi hânŋan kulemŋan mansai dondâhâlâkŋe kasa oranŋim ahonomai.

¹¹ Otmu himbimâmbâ kulem topŋe topŋe tetemu yan umatŋe âlâlâ yuwu teteyiŋgiwuap. Hânŋan kulemŋan mososon awawi guwawi membuap. Po pato teteyiŋgiwuap. Mesek topŋe topŋe teteyiŋgimu lohimbi dondâhâlâkŋe munomai.

¹² Yawu gârâmâ umatŋe âlâlâ sâm aran yu ki tetewuap yan mitihât kasaŋe nâhât den pat âlepŋe

nângâñetâ gemu hakyenjan sâm den âiân katyeknomai. Den âiân katyekmâ mem âlâlâ tuhuyekmâ hâhiwin yinginomai. Otmu yeñe miti emetñan yâhâ nâhât den pat âlepñe ya ekyongonjetâ yâkñe nâñgâñetâ ki bulâñe otbuap. Yawu otmâ meyekmâ lok kunlipyenjan den sâm hâreyingñetgât yâk yengât senyenjan katyekñetâ kinnomai.

¹³ Yâk yengât senyenjan kinmâ yeñe nâhât den pat âlepñe sâm tetem ekyongonomai.

¹⁴ Sâp yan “Den mâtâpñe girawu watmâ ekyongomunñe nâñgâñetâ keterakyingñiwuap” yakât ki nâñgâm gorâyingñiwuap.

¹⁵ Sâp yanâmâ nâñe den âlâlâ nâñgân nâñgânyenjan katmune lauyeñe hewewen otmu den pat âlepñe sâm kusânmmâ ekyongonomai. Sâm kusânmmâ ekyongonjetâ kasalipyenjan denyeñe ya kuyingine sâm hâum pâpñgunomai. Yakât ki nâñgâm kiwilinj otnomai.

¹⁶⁻¹⁷ Sâp yan yeñe nâ orop biwinenñan kepeakmâ konohâk otmu mannomai yakât nâñgâm âwâ mâmâlipyenñe, imi atalipyenñe, wârâ toulipyenñe, hep torehenlipyenñe, bukulipyenñe, otmu lohimbî kerekñe nâñgâyingñetâ gemu hakyenjan sâm den âiân katyeknomai. Den âiân katyekmâ nombotñe yongonjetâ munomai.

¹⁸⁻¹⁹ Yawu otyingñetâ yanâmâ hâkyenñe ki biuk sâwuap. Yeñe kârihem kinmâ ki betnohonomai yanâmâ Anitâñe meyekmâ manman kârikñan katyekmu mannomai.” Yawu sâop.

Yerusalem kapi itit kiom tuhujetâ kâwurumñan jak kinbuap.

(Mataio 24:15-21 Mareko 13:14-19)

20 Yesuņe torokatmâ yuwu sâm ekyongop. “Kasalipyene yeņgât hep bero kiņgitņe orowâkņe taka Yerusalem kapi hawamgum kinņetâ kapi ambolipņane yekmâ yuwu nâņgânomai. “Nongom itit kiom tuhunenekne sâm takai mon?” Yawu nâņgânomai.

21 Yerusalem kapi hawamgum kinņetâ yekmâ Yuraia hânân kapi tatmâ arap ya ambolipņane pilâm itoņ galan otmâ hewukņehen ari misiņguraknomai. Otmu Yerusalem kapi ambolipņane gurâ yawuâk sururuk sâm ari misiņguraknomai. Yâhâ nep tuhuakmâ mannomaiņe âwurem taka kapiân iri sikumyene miaknehât ki nâņgânomai. Yekmâ yapâek hewukņehen ari misiņguraknomai.

22 Sâp yan Yura lohimbiņe otņetâ bâlemap yakât matņe menomai yakât nâņgâm emelâk emet inânņan miti pepaen kulemgowi.

23 Imbi tepdâ umat karat mannomai, otmu ņaņa hewâk hewâhâk mem hikakmâ manņetâ wâtyeņe ki tiņ tiņ sâwuap yaņe hewukņehen arine sâm otņetâ ki ihiwuap. Sâp yan umatņe pato nandoroņe kakyeņan yâhâwuap.

24 Nombotņe yongoņetâ munomai. Yâhâ nombotņe âlâmâ hikum meyekmâ kapi âlâengen ariņetâ hoņ bayiņgim mannomai. Yawu otyiņgim Yerusalem kapi itit kiom tuhuņetâ kâwurumņanak kinbisâp yakât Anitâņe sâm kalop. Yâhâ Anitâņe nâņgâyiņgimu âlâkuâk âwurem taka kasalipyene watyekņetâ ariņetâ kapiyene ya mem miwirikunomai.” Yawu sâop.

Yesuņe âwurem gewe sâm otbuap yan kulem topoņe

topņe tetemu eknom.

(Mataio 24:29-31 Mareko 13:24-27)

²⁵⁻²⁶ “Umatņe topņe topņe tetewuap yanâmâ hilâmġât emetsenņe, omoņġât emetsenņe, pitu âlâlâ himbimâmbâ pek sâm ġeņetâ kulem topņe topņe tetemu ekmâ kiņġityeņahât otmâ “Wosapâ ari misiņġuraknom,” sâm tepyeņe hârok hindânomai.

²⁷⁻²⁸ Kulem yawuya tetewuap yan nâņe âwurem ġe meyekmâ manman kârikņan katyekmune mannomaihât sâpņe tâlâhuap sâm senyeņe ewaken pilâm nâ neknomai. Sâp yanâmâ Anitâņe yâhâpņe hâņġânnohomu elem kulewoņboņ kakņambâ ġemune kulem âlâlâ tetewuap yan wâtne pato tetemu ekņetâ ae seņ seņ otbuap.

Bândup baiako yakât dop.

(Mataio 24:32-35 Mareko 13:28-31)

²⁹⁻³⁰ Sâp yan âwurem ġewom yakât nâņġâņetâ keterahâġġât den âlâen hâum sâwe. Nenâmâ bândup baiako ya huhuakmu ekmâ yanâmâ “Emet kinbe sâm oap,” sâmain.

³¹ Yakât dopņeâk hâmbâi den yan yukât bulâņe tetemu ekmâ yuwu sânomai. “Âo, yu Yesuņe emet inânņan den eknongop yakât bulâņe tetemu ek-sain.” Yawu sânomai.

³² Otmu den yan yuâmâ lohimbi âun yu mansai ki muņetâek bulâņe tetewuap. Yakât yuwu sâwe. Den yan yukât bulâņe bulâņanâk tetewuap.

³³ Yâhâ hân himbim pitu âlâlâ emelâk Anitâņe kalop ya biatmâ metewuap. Yawu ġârâmâ nâhât den yamâ ki biatbuap. Yamâ tat tat kârikņe tatmâ yâhâmbisâp.” Yawu sâm ekyongop.

Biwi ġolâek mannom.

34-35 Otmu Yesuŋe torokatmâ yuwu sâŋ ekyongop. “Gakom katŋetâ seloŋe ga goka nem gakom ya kum pesuk pilâmu dâk dâk hutuk kumap yakât dopŋeâk nâŋe pârâk sânsânâk tetem gemune yanâmâ lohimbi kerekŋe otmai memai yakât matŋe Anitâŋe yingimu menomai. Yakât otmâ yeŋe to kârîkŋe ki nem biwi hâlim otnomai. Me sot kâle, soŋgo bau, me senŋe âlâlâ topŋe topŋe miakmâ manman sânduhân manne sâŋ yakâlâk biwiyenŋe ki hikum mannomai.

36 Yawu otmâ manmâ umatŋe topŋe topŋe teteyingimu biwiyenŋe orotok sâmu loholemai hât biwi golâek manmâ Anitâhâlen biwiyenŋe kepeim ulitgum mannomai. Yawu manŋetâ nâŋe âwurem ge lohimbi biwiyenahât topŋe ekmâ nâŋgâm den sâŋ hâreyingiwom yanâmâ yeŋe ki aŋulaknomai.” Yawu sâŋ ekyongop.

37-38 Yâhâ omoŋânâk ârândân lohimbi kiŋgitŋe orowâkŋe Yesuhât denŋe nâŋgâne sâŋ opon kâmbukŋan yâhâ tatŋetâ den kâsikum yingim gaop. Yawu otmâ emet ŋiŋ sâowân kapi ya pilâm Oliwa pumŋan kapi âlâ tap yan yâhâ iminiop.

22

Yesu muâkŋat den sâŋ hikuwi.

(Mataio 26:1-5,14-16 Mareko 14:1-2,10-11 Yoane 11:45-53)

¹ Otmu Natik Hombaŋ ya tâlâhuop. Otmu hombaŋ yakât kutŋe âlâmâ “Tihit tihit Hombaŋ” yawu sâmai.

² Hombaŋ ya tâlâhumu yanâmâ hotom uminiwi ya yeŋgât kunlipyenŋe otmu Mosehât girem den

kâsikum yingiminiwiŋe menduhuakmâ Yesu kumunŋe mumbuap sâŋ yakât den hikuwi. Yawu gârâmâ Yesu mem kuŋetâ mumu lohimbiŋe ekmâ kuk otmaiŋat yok pilâm lohotŋan mem kuŋetâ mumbuap yakât den hikuwi.

Yurasiŋe Yesu betŋehen kionŋbuapŋat sâop.

³⁻⁴ Otmu sâp yan Yesuhât hoŋ bawalipŋe kâiân yâhâp yâk yengâlen gâtŋe âlâ, kutŋe Yurasi sâŋ, yâkât biwiŋan Satanŋe kionŋop. Satanŋe biwiŋan kionŋmu hotom uminiwi yengât kunlipyeŋe otmu opon kâmbukŋahât tembe lâu yengât kunlipyeŋe yengâlen ariop. Ari Yesu menomai yakât ekyongop.

⁵ Ekyongomu nâŋgâm heronŋe otmâ hâmeŋe waŋnomai yakât ekuwi.

⁶ Otmu girawu tuhum yok pilâm meŋetâ lohimbiŋe ki eknomai yakât nâŋgâm manop.

Yesu hoŋ bawayâhâtŋe sot um mem dinnan tuhuowot.

(Mataio 26:17-25 Mareko 14:12-21 Yoane 13:21-30)

⁷ Natik Hombaŋ ârândâŋ lama nanŋe gâim katmâ Anitâhât hotom uminiwi.

⁸ Sâp ya tetemu Yesuŋe Petoro yet Yoane yuwu sâŋ ekyotgom hâŋgânyotgop. “Yetŋe kulet sâŋ Yerusalem kapiân yâhâ sot umutâ gamunŋe orowâk nenom.”

⁹ Sâmu sâowot. “Emet wosan ari sot umutŋe semu gaŋetâ orowâk nenom?”

¹⁰ Sâmutâ sâop. “Kapiân yâhâmutâ hoŋ bawa lok âlâ âsâpŋe lâuakmâ arimu ekdomawot. Lok ya ekmâ betŋan watmâ ari emet âlâen yâhâmu ekmâ yan yâhâromawot.

11 Yâhâmâmâ emet yakât amboñe yuwu sâñ ekuromawot. “Nengât bawapinenñane yuwu yap. “Nâñe hoñ bawalipne meyekmune emet yukât biwiñe âlâen tatmâ sot um nenom.” Yawu yap yakât otmâ emet biwiñe ya tiripnotgorâ ekde,” yawu sâñ ekuromawot.

12 Yawu sâñ ekumutâ lok yañe dâiyelekmâ emet biwiñe âlâ mem henjenñuñetâ tap ya tiripyot-gowuap. Tiripyotgomu yanâmâ senñe âlâlâ mem dinñan tuhuromawot.”

13 Yawu sâñ hângânyotgomu yâhâowot. Yâhâ Yesuñe den ekyotgop watmâ senñe âlâlâ mem dinñan tuhuowot.

Yesuñe hoñ bawalipñe orop sot newi.

(Mataio 26:26-30 Mareko 14:22-26 1 Korinti 11:23-25)

14 Mem dinñan tuhumutâ emetsâpñe otmu yan Yesuñe hoñ bawalipñe nombotñe meyekmu yâhâ sot newi.

15 Nem tatñetâ Yesuñe yuwu sâñ ekyongop. “Sâñune nâñgâñet. Anitâhât den ki lâum manmaine menekmâ Roma yenñgât bâtyenñan katneknjetâ yâkñe mem âlâlâ tuhunekñetâ sâtgum mumbom. Yakât otmâ angoân yen orop tatmâ lau konok sot nem buku oranñim mannongât nâñgâm biwinane mem manmâ gan.

16 Yâhâ hambâi Anitâñe hângânnohomu âwurem gewom yanâmâ nâhât âine yakât bulâñe bâñe tetewuap. Sâp yanâmâ nenñe menduhuakmâ orowâk tatmâ sot nem yâhânom.”

17 Yawu sâñ wain to mem Anitâ mepaem yinñim yuwu sâñ ekyongop. “Wain to yu mem gâim anñim nenñet.

18 Nâñe sâp yupâek wain to yu yen orowâk tatmâ ki nem yâhâwom. Yamâ benñe nenomain yuñak ki pesuk sâwuap. Hâmbâi Anitâñe hângânnohomu âwurem gewom yanâmâ yen orowâk tatmâ nem yâhâmbisâin.

19 Otmu banja mem Anitâ mepaem motokmâ yingim yuwu sâm ekyongop. “Yu mem anjim neñet. Yuâmâ nâhât sunumne yawu oap. Nâñe yengât matyeñe membom. Yakât otmâ sâp sâsâñan banja nem yâhânomai yan nâ nângânihim manno-mai. Yawu sâm mem yingimu newi.

20 Sot nem tiñ pilâñetâ Yesuñe wain to ya yâhâpñe mem yingim yuwu sâm eknongop. “Wain to yuâmâ nâhât hepne yawu oap. Gârâmâ nohoñetâ hepne gemu mumbom yan Anitâñe nâhât den sâm kalop yakât bulâñe tâñ tâñâk tetewuap. Yawu otmâ Anitâñe lohimbi kerek yengât tosayeñe pilâyingiwuapgât mâtâp tetem henñeñguwuap.

21 Yawu gârâmâ yengâlebâ lok âlâñe betnehen kionmâ kasalipne yengât bâtyeñan mem katnekuap.

22 Nâ lok bulâñe nohoñetâ mumbom ya Anitâñe sâm kalowâke yamâ lok yañe yawu otnihiwuap yakât matñe Anitâñe matñe umatñe wañmu membuap.” Yawu sâop.

23 Yawu sâm ekyongomu topñe nângâne sâm “âlâhât yap” sâm âiahowi.

Yesu hoñ bawalipñe sâm kuanñiwi.

24 Yesu hoñ bawalipñe yengâlen gâtñe âlâ me âlâñe sâp patoen kunyeñe pato otbuap yakât sâm kuanñiwi.

25 Sâ m kuanġinjetâ Yesuġe den âlâen hâum yuwu sâ m ekyongop. “Lok papatolipyenaje nânġâmai dopġan lohimbi galemyongomai. Galemyongonjetâ lohimbiġe yâk yengât amutyenjan manmâ “Kutdâlipnenġe” sâ m heronġe nânġâyinġimai.

26 Papatolipyenaje otyinġimai yawu yenġeâmâ ki otnomai. Yengâlen gâtġe âlâ me âlâ bukulipyenaje yengât nânġâyinġinjetâ yahalâkgât yenġe menġetâ huruġ huruġ otmu yâk yengât amutyenjan mannomai. Otmu yengâlen gâtġe âlâ me âlânġe bukulipyenġe yengât kunyenġe pato tatne nânġâmainġe bukulipyenġe yengât hon bayinġinomai.

27 Sârġetâ nânġâwe. Lok girawuya yengât lohimbiġe nânġâyinġinjetâ yahatmap? In tatmâ sot nemai ya yengât nânġâyinġinjetâ yahatmap me sot, sot um hon kakolonġ otyinġimai ya yengât nânġâġnetâ yahatmap? Bulânġanâk in tatmâ sot nemai ya yengât nânġâyinġinjetâ yahatmap yakâ. Yawu ġârâmâ nânġeâmâ hon bayinġiman.

28 Nâ hâhiwin kakġan manmâ gamune yenġe ki pilânekmâ âlâengen arai.

29 Yakât otmâ sâp patoen nânġe tihityenġe otmâ galemyongowomġât pat awonġnaje kunihio. Yakât dopġeâk yenġe Isirae lohimbi komot kâiân yâhâp ya galemyongonomaihât nânġe nep sâ m yinġian.

30 Sâp patoen orowâk tatmâ nenom. Yanâmâ yenġe Isirae lohimbi komot kâiân yâhâp ya yengât den sâ m hâreyinġinomai ya sâ m yinġian.” Yawu sâop.

Petoroŋe betbaŋgiwuap yakât Yesuŋe sâop.
(Mataio 26:31-35 Mareko 14:27-31 Yoane 13:36-38)

³¹ Yawu sâm ekyongom benŋe Simon Petoro yuwu sâm ekuop. “Simon, den âlâen hâum yuwu sâmune nâŋgâ. Matuk mendâremunŋe toŋe gemu helekŋe mem pilâmunŋe arimap yakât dopŋeâk Satanŋe topyeŋe mem tetewe sâm hâhiwin yinŋgiwuapgât Anitâ ekuop.

³² Ekumu Anitâŋe nâŋgâwaŋgim ya sâm kalop. Yawu gârâmâ biwiyenŋe houŋ sâmapgât Anitâ ulitguwan. Ulitgumune yakât otmâ gâ gikiâk betnohowuat. Yawu otmâ sâp ki kâlep otmuâk nâhâlen biwihane tinâk kepeim bukulipge mem hewewenŋe tuhuyekbuat.” Yawu sâop.

³³ Yawu sâmu Petoroŋe yuwu sâm ekuop. “Kutdâ, gâ pâi emetŋan katgekŋetâ tatbuat yamâ nâ orowâk yan tatdomgât naŋgan. Me gâ gohoŋetâ mumbuat yanâmâ nâ orowâk notgonomaihât naŋgan. Nâŋe gâ ki pilâhekmâ ariwom.”

³⁴ Sâmu sâop. “Petoro, yuwu sâmune nâŋgâ. Gâ betnohom ki nâŋgâwaŋgian sâm kurihiakbuat. Kurihiakdâ kalimbuŋe otmu gokorok isewuap.” Yawu sâop.

Kapam yâhâp mem ariwi.

³⁵ Yawu sâm ekum benŋe hoŋ bawalipŋe kerek yuwu sâm ekyongop. “Emelâk hâŋgânyongomune tewetsenŋe, itâkat, kâi katipŋe, senŋe âlâlâ barahâk ari den kâsikum yinŋgiwi sâp yan umburuk otmâ manbi me bia?” Sâmu sâwi. “Bia.”

³⁶⁻³⁷ Sâŋetâ sâop. “Emelâk yawu otiâke yamâ yiwerenŋe yuâmâ tewetsenŋe, itâkat senŋe âlâlâ ya

miakmâ arinomai. Yâhâ emelâk emet inânjan nâhât nângâm den âlâ yuwu kulemgawi yakât bulâne nâhâlen tetewuap. “Yâkât nângânetâ lok bâlene yawu oap.” Den yakât bulâne nâhâlen tetewuap yakât otmâ yengâlen gâtne âlâ me âlâ kapam ki tatyngiap yâkneâmâ yengât hâk katipne tuhun pilâm yanje mem kapam puluhunomai.

³⁸ Sâmu sâwi. “Kutdâ, yu ek, kapam yâhâp tap.”

Sânetâ sâop. “Pesuk yap, yakât denje âlâ ki sâwe.”

*Yesuŋe Oliwa pumjan yâhâ Anitâ ulitguop.
(Mataio 26:36-46 Mareko 14:32-42)*

³⁹ Yâhâ Yesuŋe omoŋ ârândânâk Yerusalem kapi ya pilâm kapi âlâ Oliwa pumjan tap yan yâhâ iminiop. Yakât otmâ hoŋ bawalipne meyekmu Yerusalem pilâm Oliwa pumjan yâhâwi.

⁴⁰ Mâtâwân yâhâm tatnetâ hoŋ bawalipne katyekbe sâmu yuwu sâmu ekyongop. “Biwiyenje houŋ sâmu lohotne otmâ pilânekmaihât Anitâ ulitgunjet.”

⁴¹ Yawu sâmu ekyongom peren pilâm bam gâtneŋe ge tatmâ Anitâ ulitgum yuwu sâop.

⁴² “O awoŋ, umatne tetenihiwe sâmu oap yu nângârâ ki teteâkgât nanŋan. Yawu gârâmâ nâhât ombe watmâ ki otbuat. Gike ombeheâk watmâ otbuat.” Yawu sâmu ekuop.

⁴³ Yawu sâmu ekumu biwine houŋ sâmapgât anjelo âlâne himbimâmbâ ge mâmâne otbangiop.

⁴⁴ Yawu otmu hâkne biuk sâmu nângâm Anitâhâlen biwineŋe tiŋâk kepeim ulitguop. Ulitgumu ohowak birik birik kumu hep kâtnje papato

tirinj târâñ sâam gemu ekmain yakât dopñe tirinj târâñ sâam hânân giop.

⁴⁵ Yawu otmâ ulitgum tinj pilâm yahatmâ hoñ bawalipñe yengâlen ba yekmu biwiyene umatñe otmu yanjak aman pâlâmñe iwi.

⁴⁶ Aman pâlâmñe injetâ mândeyekmâ yuwu sâam ekyongop. “Yen wongât aman pâlâmñe iai? Lo-hotñe otmâ pilânekmaihât yahatmâ golâek tatmâ Anitâ ulitgunjet.” Yawu sâop.

Yesu mewi.

(Mataio 26:47-56 Mareko 14:43-50 Yoane 18:3-12)

⁴⁷ Yawu sâam ekyongomu bukuyene âlâ, kutñe Yurasi, yâkñe lok sesengâlâk dâiyekmu takawi. Takanjetâ Yurasi kulet sâyinjim Yesuhâlen ba parahuop.

⁴⁸ Parahumu Yesuñe yuwu sâam ekuop. “Menekñetgât dop kum parahunekdâ ekmune bâleap.” Yawu sâop.

⁴⁹ Yawu sâam ekumu Yesu mem âlâlâ tuhumai sâam hoñ bawalipñe yuwu sâam âikuwi. “O kutdâ, nângâningirâ tewet mem lawityekne.”

⁵⁰ Yawu sâñetâ yâk yengâlen gâtñe âlâne yahatmâ tewetñe mem hotom uminiwi ya yengât kunyenahât hoñ bawane ya ândâpñe bonângen ya topñambâek kârâm hâreop.

⁵¹ Kârâm hâremu Yesuñe “Pilâñet,” sâam kuyinjiop. Yawu sâam kuyinjim hoñ bawa yakât ândâpñe ya mem katmu katarahop.

⁵² Yawu otmâ hotom uminiwi ya yengât kunlipyene, otmu opon kâmbukñahât tembe lâu yengât kunlipyene otmu Yura yengât papatolipyene yekmâ Yesuñe yuwu sâam

ekyongop. “Yen unam tewet otmu kapamgât sâtņe metņe âlâlâ lâum takai. Yeņe nâhât lok bâleņe sâam menekne sâam takai me? Me lok bâleņe âlâ kune sâam takai? Yu ekmune bâleap.

⁵³ Nâņe hilâm ârândâņ Anitâhât opon kâmbukņan yâhâ lohimbî den kâsikum yîņgim gaman. Yan bân menekbâi. Yamâ sâp yiwereņe yu Omoņgât Amboņaņe biwiyeņe mem hâlimgumu menekno-maihât Anitâņe sâam kalop.” Yawu sâop.

Petoroņe Yesu betbaņgiop.

(Mataio 26:57-58,69-75 Mareko 14:53-54,66-72 Yoane 18:12-18,25-27)

⁵⁴ Yesuņe yawu sâam ekyongomu hotom uminiwi ya yengât kunyeņe pato yâkât emelan dâim ariwi. Dâi ariņetâ Petoroņe yok pilâm betyeņan watyekmâ ariop.

⁵⁵ Yesu mem emelan yâhâņetâ tembe lâu yaņeâmâ emet hawiņan ba kâlâp uņetâ semu nâņgâm ikaiakmâ tatbi. Yâhâ Petoro yâku yawuâk kâlâp nâņgâm ikaiakmâ talop.

⁵⁶ Yawu tatņetâ hoņ bawa imbi âlâņe Petoro ekmâ yuwu sâam tembe lâu tatbi ya ekyongop. “Lok yuâmâ yâk orop manņetâ yekman.” Yawu sâop.

⁵⁷ Yawu sâamu Petoroņe kurihîakmâ yuwu sâop. “Lok enda ki nâņgâwanņian.” Yawu sâop.

⁵⁸ Yawu sâamu tatņetâ benņe lok âlâņe ekmâ yuwu sâop. “Gâ yâk orop manmat.”

Sâamu sâop. “Nâ bia.”

⁵⁹ Yawu sâamu sâp ki kâllep otmuâk benņe lok âlâņe ekmâ yuwu sâop. Yesuâmâ Galilaia amboņe. Otmu gâ gurâ yawuâk Galilaia gâtņe. Yakât otmâ

gâmâ yâkât komolân gâtje geksan. Nângâmune yawu oap.” Yawu sâop.

⁶⁰ Sâmu sâop. “Lok sâm tai endamâ bulâjanâk ki nângâwanġian.” Yawu sâm oan mâne gokorok isiop.

⁶¹ Gokorok isian mâne Yesu Kutdâne purik sâm Petoro ehop. Ekmu yan Yesuġe emet inânġan den yuwu sâm ekuop ya nângâmu teteop. “Gâne nâhât “ki nângâwanġian” sârâ kalimbuġe otmu yan gokorok isewuap.”

⁶² Den ya nângâmu tetemu biwiġe ŋasinâk pato otmu pilâyekmâ ikŋiâk ba kinmâ hik ŋâik ŋâihâk isiop.

Yesu mem âlâlâ tuhuwi.

(Mataio 26:67-68 Mareko 14:65)

⁶³ Otmu tembe lâu nombotġe Yesu galemġum kinbiġe senġe sâhâm kâtâpġum ândâpġe huhuwi.

⁶⁴ Ândâpġe huhum nombotġane yuwu sâwi. “Bâiġ, ândâpġe âlâne huhuap?”

⁶⁵ Yawu sâm senġan gem hâim hilitbi.

Yesuġe ikġe topġe sâm tetem ekyongop.

(Mataio 26:59-66 Mareko 14:55-64 Yoane 18:19-24)

⁶⁶ Yawu otġetâmâ emet haġ sâmu yanâk Yura yeġgât papatolipyenġe, otmâ hotom uminiwi ya yeġgât kunlipyenġe, otmu Mosehât girem den kâsikum yinġiminiwiġe menduhuakġetâ tembe lâulipyenġane Yesu mem yâhâ katġetâ kinmu yuwu sâm âikuwi.

⁶⁷ “Anitâne tihitnenġe otbe sâm hâġgâġgohomu ge mansat me bia?”

Sâġetâ sâop. “Nine topne sâm tetem ekyongomuneâmâ nângâġetâ ki bulâne otbuap.

68 Yâhâ den âlâ âiyongomuneâmâ yeŋe matŋe ki sânomai.

69 Yawu gârâmâ nâ lok bulânŋe pilâyekmâ himbimân yâhâwom. Himbimân yâhâ Anitâ yahat yahatŋe, Wâtgât Amboŋe, yâk orowâk tatdom.”

70 Yawu sâmu nânŋâm pârâk pilâm yuwu sâm ekuwi. “Kutne “Lok Bulânŋe” sâm gikak ahonakmat. Yakât nânŋâmunŋe “Anitâhât Nanŋe” yawu oap. Yakât sârâ nânŋâne. “Nâ Anitâhât nanŋe mansan,” yawu sâmat me.”

Sânŋetâ sâop. “Den yu yai yakâ. Nâmâ Anitânŋe hânŋânnohomu gewan.”

71 Sâmu sâwi. “Bâiŋ, den kâmbukŋe hâlililŋe sâmu nânŋâmunŋe pesuk yap. Iknjâhât nânŋâmu yahat-sap.” Yawu sâwi.

23

Yesu dâim Pilatohâlen ariwi.

(Mataio 27:1-2,11-14 Mareko 15:1-5 Yoane 18:28-38)

1 Yawu sâm yahatmâ Yesu dâim Pilatohâlen ariwi.

2 Yâkâlen dâim ari katŋetâ kinmu yuwu sâm hakŋan sâwi. “Roma lok yeŋgât kunyeŋe pato yâk takesi ki waŋet” sâm lohimbi enŋatyenjan gemap. Otmu iknjâhât nânŋâmu yahatmu yuwu sâm ekyongomap. “Nâ Kiristo, lok kutdâ. Ninak galemyongom manmâ yâhâwom.” Yawu sâm hakŋan sâwi.

3 Yawu sâm Pilato ekuŋetâ yâkŋe purik sâm Yesu yuwu sâm âikuop. “Yura lohimbi yeŋgât lok kutdâ sâmai ya gâ me?”

Sâmu sâop. “Oŋ, den bulânŋe yat.” Yawu sâop.

4 Yawu sâmu hotom uminiwi otmu lohimbiņe denņe nâņgâne sâmu ga kinbi ya Pilatoņe yuwu sâmu ekyongop. “Lok yukât tosa ki mem tetean.”

5 Yawu sâmu iliwetmâ yuwu sâwi. “Yawu gârâmâ Galilaia Yuraia hânân kapi tatmâ arap yan lok yuņe yâhâm gem kapi ambolipņe den kâsikum yingim enġatyenjan gemu kuk kapam otmâ emet mem yâhâ katmai.” Yawu sâwi.

Yesu dâim Herotgâlen ariwi.

6 Yawu sâmu Pilato ekunetâ yuwu sâmu âiyongop. “Lok yuâmâ Galilaia gâtņe me?”

7 Sâmu sâwi. “On, yan gâtņe.”

Sânetâ sâop. “Ya Herotgât wahap, nâhât bia.” Yawu sâop.

Sâp yan Herotņe Galilaia hân pilâm Yerusalem kapiân ari tatmâ nâņgâop. Yakât otmâ Pilatoņe ekyongomu Yesu dâim Herotgâlen ariwi.

8 Yâhâ Yesuņe olop miop yakât den pat ya Herotņe emelâk nâņgâop. Yakât otmâ Yesuņe kulem âlâlâ tuhumu ekbeâk nâņgâm manmâ gaop. Yakât otmâ Yesu dâim yâkâlen arinetâ ekmâ tep âlep nâņgâop.

9 Otmu den hakņan sâwi yakât âikumumu den biaek kinop.

10 Den biaek kinmu hotom uminiwi otmu Mosehât girem den kâsikum yingiminiwiņe yahatmâ kinmâ den topņe topņe hakņan sâwi.

11 Yawu otņetâ Herotņe otmu tembe lâulipņe orowâk senņan gem hâim hilitbi. Yawu otņetâ Herotņe tembe lâulipņe ekyongomu hâk katipņe kâkâlep, kuriņ takop takop lok kutdâņe

mânunjakminiwi yawuya mem katbanġiwi. Yawu otbanġim Pilatohâlen dâim âwurem ariwi.

¹² Dâim âwurem ariġetâ ekmâ “Herotġe nâġġânihiap,” sâġm Pilatone Herotġât nâġġâmu yahatmu buku olowot. Yawu ġârâmâ emelâk emet inâġġan kasa oranġim gaowot ya sâp yan pesuk sâop.

Yesu den sâġm hârewanġiwi.

(Mataio 27:15-26 Mareko 15:6-15 Yoane 18:39-19:16)

¹³ Yâhâ Pilatohâlen dâim âwureġetâ hotom uminiwi ya yeġġât kunlipyeġe otmu Yura papatolipyenġe ya yeġġât den Pilatone katmu ikġe den sâsâ emetġan ari menduhuakbi. Menduhuakġetâ yan lohimbi inġe dondâhâlâkġe yekmâ denyenġe nâġġâne sâġm ba hawamġum kinbi.

¹⁴ Pilatone yuwu sâġm ekyongop. “Lok yuġe lohimbi yeġġât enġatyenġan ġemu kuk kapam otmai,” yawu sâġm yeġe nâhâlen dâim takai. Nâhâlen dâim takanġetâ senyenânâk âi pâi tuhum sâġm hârewanġim ekmune tosanġe bia oap.

¹⁵ Yakât otmâ Herotġe sâġm hârewanġiâġġât yâkâlen hânġânyongomune dâim arai. Otmu yâkġe ġurâ âi pâi tuhumu biatmu benġe nâhâlen yâhâpġe mem takai. Bulâġġanâk yuwu sâġmune nâġġanġet. Lok yukâlen tosa âlâ ki mem tetean.” Yawu sâop.

¹⁶⁻¹⁷ Tihit tihit Homban ârândânâk Pilatone yuwu otminiop. Lok tosa otġetâ pâi emetġan katyekġetâ tatminiwi yapâ ġâtġe âlâ me âlâhât lohimbiġe nâġġanġetâ dopġan otmu lok âlâ holanġbuat sâminiwi ya holanġyekmu ġeminiwi.

Yakât otmâ yuwu sâmb ekyongop. “Lok yu kumunje mumbuap yamâ tosa âlâ yâkâlen ki mem tetean. Yakât otmâ nânġânihiġetâ tembe lâulipne ekyongomune hâhiwin waġetâ holaġmune gewuap.” Yawu sâop.

18-19 Yâhâ sâp yan lok bâleġe âlâ, kutġe Barawa sâmb, yâkġe kapam ahowiân lok âlâ kumu muop. Yakât otmâ pâi emetġan mem katġetâ tاتمâ gaop yakât lohimbi kerekġe den kârikġan halahum yuwu sâwi. “Barawa holaġdâ giâk. Yâhâ Yesu yamâ kuġetâ muâk.”

20 Yawu sâwiâke yamâ Pilatoġe Yesu holaġmu giâkgât nânġâm âlâkuâk sâop. “Nâmâ Yesu holaġbom.”

21 Yawu sâmb lohimbi yaġe iliwetmâ den kârikġan halahum yuwu sâwi. “Yesu howanân kum kânânġâġetâ muâk, Howanân kum kânânġâġetâ muâk.”

22 Yawu sâġetâ Pilatoġe âlâkuâk yuwu sâmb ekyongop. “Wuân otmu bâleap? Nâġe âi pâi tuhum tosa âlâ yâkâlen ki mem tetean. Yakât otmâ tembe lâulipne ekyongomune hâhiwin waġetâ yanâmâ holaġmune gewuap.”

23 Yawu sâmb kunyeġe kârikġe otmâ sâwi. “Howanân kum kânânġâġetâ muâk.” Yawu sâġetâ Pilatoġe loholem lauyeġan miop.

24 Lauyeġan mem Yesu kuġetâ muâk sâmb sâmb hârewaġgiop.

25 Yâhâ Barawahât nânġâġetâ yahalop ġârâmâ yâk holaġmu giop.

Yesu howanân kuwi.
(Mataio 27:32-44 Mareko 15:21-32 Yoane 19:17-27)

²⁶ Pilatonje tembe lâulipnje ekyongomu Yesu dâim ariwi. Dâim mâtâwân arim tatjetâ lok âlâ, kutnje Simon sâm, yâhâmâ Kirene hânân gâtje, newângembâ takamu mewi. Mem Yesuhât howan ya kamberjan katjetâ lâum Yesu betjan sâop. Otmu lohîbi dondâhâlâknje betyenjan watyekmâ ariwi.

²⁷ Yâhâ imbi nombotnje Yesuhât we bâle nângâm dondâ isem orowâk ariwi.

²⁸ Isejetâ Yesunje purik sâm yekmâ yuwu sâm ekyongop. “Nâhât ki isejet, yeje otmu nimnaom-lipyeje yejahât iseangjet.

²⁹ Hâmbâi umatnje topnje topnje teteyingimu yuwu sânomai. “Bâe, imbi kâsi, imbi sihan, yâhâmâ naom barak mansai. Yakât otmâ yâk yengât nângâmunje âlepje oap. Nenjeâmâ girawu otmâ arinom.” Yawu sânomai.

³⁰ Yâhâ lohîmbi nombotjanje punje yukât yuwu sânomai. “Bâok sâm kurihinenehâk. Otmu kât kândun kum kurihinenehâk.” Yawu sânomai. Yakât den âlâen hâum yuwu sâmune nângâjet.

³¹ Nâ nak golâ yakât dop oan, yenâmâ nak mumunje yakât dop oai. Nak golâ unjetâ semu kâlingumap yamâ nak mumunje unjetâ sem laj laj sâmap. Nâ nohojetâ mumbom yamâ yenâmâ yongom meteyeknomai. Yakât otmâ yejahât iseangjet.” Yawu sâm ekyongop.

³² Yâhâ tembe lâulipyejanje pet kulem lok yâhâp orowâk yongone sâm meyekmâ ariwi.

³³ Arim hân âlâ, kutnje, Lok Kunje Hahitje sâm, yan ari Yesuhât hâk katipnje tuhum pilâm iknje

howanân kum kânângânetâ kinop. Yawu otmâ pet kulem lok yâhâp ya yotgom lâum kânângâyeleknetâ nombot nombot kinowot.

³⁴ Yawu otyinginetâ Yesuŋe yuwu sâm Anitâ ulitguop. “Awoŋ, otnihiai yukât topŋe ki nanŋai. Yakât otmâ tosayeŋe pilâyingihât nanŋan.”

Yawu sâmu tembe lâulipyenŋe yâkât hâk katipŋe mem “Âlâŋe miakbuap?” sâm mem ketetmâ katbi. Mem ketetmâ katŋetâ tatmu pepa duhatmâ tipi tapi tuhum kutyeŋe ikŋiâk ikŋiâk yan kulemgum amanân mânueŋetâ giop. Mânueŋetâ gemu mem gulip malap tuhum yapâ pepa âlâ meŋetâ kut teteop yaŋe miahop. Yawu otbi.

³⁵ Otmu Yura yeŋgât papatolipyenŋe Yesu girinbaŋgim lohimbi ekmâ kinbi ya yuwu sâm ekyongowi. “Lok yuŋe lohimbi nombotŋe tânyongomu ekmain. Yâhâ Anitâŋe hâŋgângumu ge Yura nengât tihitnenŋe otmâ kutdânenŋe mansap otmuâmâ ikŋe tânahom howanâmbâ kâpehâkmâ giâk.” Yawu sâm senŋan gewi.

³⁶ Otmu tembe lâulipyenŋe gurâ yawuâk senŋan gem girinbaŋgiwi. Yawu otmâ yâk yeŋgâlen gâtŋe âlâŋe ari sâŋgum âlâ mem nak bâtbâtŋe potonŋan pâŋ pâŋ kepeim yaŋe wain to bâleŋe yan walipgum mem yâhâ launŋan kalop.

³⁷ Launŋan katmâ yuwu sâm senŋan giop. “Gâmâ Yura yeŋgât lok kutdâ mansat otmuâmâ kâpehâkmâ ge.” Yawu sâop.

³⁸ Yâhâ howan yakât kunŋan den yuwu kulemgum katbi. “Lok yuâmâ Yura yeŋgât lok kutdâ.” Yawu sâm kulemgowi.

39 Yâhâ pet kulem lok yâhâp yotgom kânângâyelekñetâ kinowot ya âlâñe yawuâk senñan gem yuwu sâm sâwanjiop. “Bâe, lok kopa. Anitâñe tihitnenñe otbe sâm hângângohomu ge mansat. Yakât otmâ kâpehakhmâ gem net orowâk tânnotgorâ gene.”

40 Yawu sâmu bukunñe nekamñan yuwu sâop. “Girawu otmâ Anitâ ki ewe katsat? Papatolipnenñe dop konohâk sâm hâreningiai.

41 Yâhâ netñeâmâ otmutñe bâleop. Yakât otmâ sâm hârenitgim notgoñetâ mundom yañe ârândân oap. Yâhâ lok yuâmâ tosa ki olop yamâ imbiâk kuai.

42 Yawu sâm bukuñe ekuop. Denñe purik sâm Yesu yuwu sâm ekuop. “Yesu, yuwu sâmune nângâ. Anitâñe hângângohomu âwurem ge galem-nongowuat yan nâ nângânihiuwat.”

43 Sâmu sâop. “Emet ki ñij sâmuâk mum yâhâ manman sânduhân tatdom.”

Yesu muop.

(Mataio 27:45-56 Mareko 15:33-41 Yoane 19:28-30)

44 Yawu sâm ekumu hilâm kârikñan, 12 kilok olop yan Anitâñe nângâmu emetsenñe bok sâmu omoñ sahap. Omoñ sahakmâ yapâ ari emetsâpñe 3 kilok otmu emet lañinñe âlâkuâk pilâop.

45 Otmu emelâk lohimbi inñe opon kâmbukñe yakât biwiñe ekmai sâm sângum kâlep pato hikunñetâ ya kâtâpguminiop. Sângum yañe pânjambâek tok sâm hâreakmâ nombot nombot otmu tetekñan olop.

46 Sâp yanâk Yesuŋe den kârikŋan halahum yuwu sâm Anitâ ekuop. “Awon, mumbé sâm oan. Yakât otmâ umutne me.

47 Yesu muop sâp yan tembe lâu ya yengât kunyeŋe âlâ hâlâŋmâ kinopŋe ekmu âlâ kândâkdâ otmu Anitâ mepaem yuwu sâop. “Yuâmâ lok âlepŋe.” Yawu sâop.

48 Otmu lohimbi kinbiŋe kulem âlâlâ tetemu ekŋetâ âlâ kândâkdâ otmu muop yakât nâŋgâm bi-wiyenye umatŋe otmu emetyenehen âwurem ariwi.

49 Otmu imbi nombotŋaŋe Galilaia hân pilâm Yesu betŋan takawi yâkŋe bukulipyenye orowâk kâlepŋan kinmâ kulem teteop ya ekbi.

Yesu lâum ari hanguwi.

(Mataio 27:57-61 Mareko 15:42-47 Yoane 19:38-42)

50-51 Otmu lok âlâ, kutŋe Yosep sâm, yâkât topŋeâmâ yuwu. Lok yamâ Arimata kapi ya Yuraia hânân tap yapâ gâtŋe. Otmu Anitâŋe Isirae lohimbi yengât tihityenye otmâ ikŋe hon bawaŋe hâŋgâŋgumu gewuap sâminiwi yâkât mambotmâ lohotŋan manmâ gaop. Yâhâ emelâk hotom uminiwi ya yengât kunlipyenye otmu Mosehât girem den kâsikum yinŋiminiwi otmu Yura yengât papatolipyenyaŋe Yesu muâkgât den sâm hârewaŋgiwiâke yamâ yâkŋe nâŋgâmu ki ârândâŋ otmu sâyinŋiop. Lok yaŋe Yesu lâum ari hanguwe sâm Pilatohâlen ari tetewaŋgiop.

52-53 Tetewaŋgimu launjan memu bukulipŋe meyekmu ari howanâmbâ Yesu mem sâŋgum kaokŋe katipguwi. Katipgum lâum ari kât mâtâpŋe

âlâ, dikin yawuya, yamâ emelâk kusânâmâ mem tingâlonjetâ kinop yan lâum ari katbi.

⁵⁴ Yâhâ momeje emetsâpne sâp yan lâum ari katbi.

⁵⁵ Emet njin sâwe sâm otmu yan imbi nombotņane Galilaia hân pilâm Yesu betņan takawine Yosep orowâk ari sângum kaokne Yesu katipgum kât mâtâpņan katņetâ talop ya ekbi.

⁵⁶ Ekmâ to kukne suk suk âilonngo mem ga Yesu pirine sâm otmâ kapiân âwurem ariwi. Yâhâ emelâk embâņân Moseje girem den âlâ kulemguop ya yuwu tap. “Tatmâ nângâ nângâ sâpņan âi ki tuhunomai.” Den ya lâum kapiân in tatmâ nângâwi.

24

Yesuje mumunambâ yahalop.

(Mataio 28:1-10 Mareko 16:1-8 Yoane 20:1-10)

¹ Emet haņ sâmu imbi yaņe yahatmâ to kukne suk suk mem sumângen ariwi.

² Ari senyeje pilâm eksain mâne kât pato lâum hâpunjetâ ba mâtâpne ya maņguop ya âlâengen ba talop. Yawu otmu mâtâpne ya tetekņan kinmu ekbi.

³ Ekmâ kâlehen yâhâm Yesuhât pâinbi.

⁴ Yesuhât pâinnetâ biatmu kinnetâ yanâk anelo yâhâp yâk yetgât hâk katipne kaok bolan bolan yaņe pârâk sânsânâk teteyiņgim kinowot.

⁵ Teteyiņgim kinmutâ yelekmâ pârâk pilâm umutyene ariop.

Umutyene arimu yuwu sâm imbi ya ekyon-gowot. “Yenâmâ wongât lok senne golâ ya pâinmâ sumân takai?”

⁶ Emelâk yahatmâ arap. Emelâk yeŋe Galilaia hânân yâk orop manŋetâ den ekyongop yakât nelâm yongoap me?

⁷ Emelâk yuwu sâŋ ekyongop. “Lok âlâŋe nâ lok bulâŋe nâŋgâm bâlenihim Roma yeŋgât bâtyeŋan mem katnekmu nohoŋetâ mumbom. Mumune hannohoŋetâ hilâm kalimbu pesuk sâmu yan yahatbom.” Yesuŋe yawu sâŋ ekyongop.” Yawu sâowot.”

⁸ Yawu sâŋ ekyongomutâ nâŋgân nâŋgânyeŋe pâroŋ sâmu nâŋgâŋetâ teteop.

⁹ Nâŋgâŋetâ tetemu pilâyelekmâ âwurem ari yakât den pat Yesu hoŋ bawalipŋe kâiân konok otmu bukulipyeŋe nombotŋe 10 ekyongowi.

¹⁰ Imbi sumân ariwi ya yeŋgât kutyeŋeâmâ yuwu. Maria, Matala kapiân gâtŋe, âlâmâ Yoana, âlâmâ Maria Yakop mâmâŋe. Yâkŋeâmâ bukulipyeŋe orowâk ari den pat ya Yesu hoŋ bawalipŋe ekyongowi.

¹¹ Ekyongonŋetâ nâŋgâŋetâ porap olop.

¹² Yawu gârâmâ Petoroŋe yahatmâ sumâŋgen sururuk sâŋ ari lâŋ sâtŋanâk kinmâ ehop. Eksan mâne sâŋgum kâlep mem Yesu katipgum katbi yaŋahâk tatmu ehop. Ekmâ “wuân kulem eksan” sâŋ nâŋgâm kiwilim emetŋan âwurem ariop.

Lok yâhâp Emausi kapiâŋgen ariowot.

(Mareko 16:12-13)

¹³ Sâp yanâk Yesuhât komolân gâtŋe lok yâhâp Emausi kapi Yerusalem kapi gotŋanâk tap yan ariowot.

¹⁴ Mâtâwân arim tatmâ papatolipyeŋe Yesu kuŋetâ muop yakât alahum weyetŋe nâŋgâowot.

15 Yawu otmâ arim tatmutâ Yesuᅇ teteyitgimu orowâk ariwi.

16 Orowâk ari kundenᅇ ehoworâke yamâ lok ondop orop arain yawu nâᅇgâowot.

17 Yawu nâᅇgâmutâ Yesuᅇ yuwu sâᅇm âiyotgop. “Wuân denᅇ alahuawot?” Sâᅇmu hâᅇmeyetᅇ bâᅇlemu kinowot.

18 Yawu otmâ bukuᅇ ᅇlâ, kutᅇ Keleopa sâᅇm, yâkᅇ yuwu sâop. “Yâhâᅇlen papatolipnenᅇᅇ otbi yakât den pat Yerusalem kapî ambolipᅇ kerekᅇ nanᅇgain. Yakât otmâ girawu otmâ yakât pâᅇpᅇuat?”

19 Sâᅇmu sâop. “Wuân otbihât yat?”

Sâᅇmu sâop. “Wâe, wonâᅇgen? Yesu, Nasaret amboᅇ otbaᅇᅇgiwi yakât alahum gait. Anitâᅇ Yesu mâᅇmâᅇ otbaᅇᅇgimu yâkât den kâsikum ningim kuleᅇm topᅇ topᅇ tuhᅇm manmâ gaop.

20 Yakât otmâ lohimbi kerekᅇ nâᅇᅇgâwaᅇᅇᅇtâ yahatminiop. Yamâ hotom umai otᅇmu papatolipnenᅇᅇ yâkât den nâᅇᅇgâᅇtâ nahat otᅇmu “Kuᅇᅇtâ muâk” sâᅇm sâᅇm hâᅇrewaᅇᅇgiwi. Yawu sâᅇm hâᅇrewaᅇᅇᅇᅇ Roma lok galeᅇmlipnenᅇ ekyongonᅇtâ yâkᅇ lauyeᅇᅇan mem howanân kuᅇᅇtâ muop. Yakât den pat alahum gait.

21 Yâkᅇ Isirae nengât kasalipnenᅇᅇ yongom watyekᅇmu arinomial yawu nâᅇᅇgâᅇm biwinenᅇᅇᅇᅇ mem manmâ gawin. Yamâ yâhâᅇlen kuᅇᅇtâ muop.

22-23 Âun emet haᅇ sâᅇmu imbi nombotᅇᅇᅇᅇ sumâᅇᅇgen ari kuleᅇm ᅇlâ tetemu eksai. Kuleᅇm tetemu ekmâ âwureᅇm taka yakât yuwu sâᅇm eknongoi. “Anᅇlo yâhâᅇp teteningim “Yesu mumuᅇᅇambâ yahatsap” yawu sâᅇm eknongowot.”

24 Imbi yaņe yawu sâm eknongonjetâ bukulpnetņe nombotņane sumângen ari imbi yaņe den yai ya yeņe senyeņan Yesu ekņetâ ki tap.”

25 Yawu sâm ekumutâ Yesuņe yuwu sâop. “Nâņgân nâņgânyetņe umatņe. Emelâk Anitâņe poropeteliņne den ekyongomu kulemguwi ya nâņgâmutâ ki keterakyitgimap. Yakât otmâ yuwu sâmune nâņgâyet.

26 Anitâņe tihitnenņe otbe sâm ikņe hoņ bawaņe hâņgângumu ge manmu kuņetâ hâhiwin nâņgâm muop. Muop yamâ mumuņambâ yahatmâ tatmâ yâhâmbisâp ya Anitâņe sâm kalop.”

27 Yawu sâm topņe katmâ Mose otmu Anitâhât poropeteliņne miti pepaen den kulemguwi ya sâm kusânmâ ekyotgop.

28 Yawu otmâ Emausi kapi ginņan ariwi. Yan arimâmâ Yesuņe katyelekmâ kapi âlâengen ariwe sâm olop.

29 Yawu otmu alitmâ yuwu sâowot. “Emet ñiņ yap yakât otmâ orowâk yuân tatne.” Yawu sâm emetyetņan orowâk yâhâwi.

30 Yâhâ tatmâ sot um newi. Sot um nem tatņetâ Yesuņe baņga mem Anitâ mepaem motokmâ torehenņe yitgiop.

31 Yitgimu yanâk nâņgân nâņgânyetņe pâron sâmu kundenņe ekmutâ keterakyitgiop. Ekmutâ keterakyitgimu yanâk gulip olop.

32 Gulip otmu bukuņe âlâ yaņe bukuņe yuwu sâm ekuop. “Mâtâwân takain yan Anitâhât poropeteliņne nombotņe otmu Moseņe miti pepaen den kulemguwi yakât topņe sâm kusânmâ eknotgomu nâņgâm biwine yahatsap.” Yawu sâop.

³³ Yawu otmu in yawu yahatmâ Emausi kapi ya pilâm âwurem Yerusalem kapiân ariowot. Âwurem ari Yesu ikne hoŋ bawalipne kâiân konok otmu bukulipyene nombotne orowâk menduhuakmâ tathi yâk yenğâlen yâhâowot. Yâhâmutâ yuwu sâmb ekyotgowi.

³⁴ “Kutdâ mumuŋambâ yahatmâ Simon Petoro tetewaŋgimu eksap.”

³⁵ Yawu sâmb ekyotgoŋetâ benne kutdâne mâtâwân yâk teteyitgim emetyetŋan ari baŋga mem motokmâ yitgimu yan kundenne ekmutâ keterakyitgiop yakât ekyongowot.

Yesuŋe hoŋ bawalipne kâiân konok teteyiŋgimu ekbi.

(Mataio 28:16-20 Mareko 16:14-18 Yoane 20:19-23)

³⁶ Den ya ekyongomutâ yanâk Yesuŋe pârâk sânsânâk teteyiŋgiop.

³⁷ Teteyiŋgimu ekmâ “weke takap,” sâmb pârâk pilâm kiŋgityeŋahât otbi.

³⁸⁻³⁹ Yawu otŋetâ yuwu sâmb ekyongop. “Wongât biwiyene ahom niaksap? Nâŋe teteyiŋgian yuwu weke ki teteyiŋgimap. Yakât otmâ kâine bâte yu walipnohom nâŋgâm heŋgeŋuŋet. Weke bia. Nâ ninak gamune eŋaksain. Yakât otmâ biwiyene sânduk sâek.” Yawu sâop.

⁴⁰⁻⁴¹ Yawu sâmb ekyongomu nâŋgâŋetâ porap olop yamâ kâiŋe bâte kuwi ya tiripyongomu ekmâ olowâke yamâ herone nâŋgâwaŋgiwi. Yawu otŋetâ yuwu sâmb ekyongop. “Sot âlâ tap otmuâmâ mem nihiŋetâ nembe.”

42-43 Yawu sâ m ekyongomu iñan âlâ hot um katbi ya wañetâ mem niop. Mem nemu ekmâ “weke bia” sâ m tepyeñe hâlâlâk nâñgâwi.

44 Yesuñe iñan ya nem tiñ pilâm yuwu sâ m ekyongop. “Emelâk yen orowâk manmâ den topñe topñe kâsikum yingim gawan yan den âlâ yuwu sâ m ekyongowan. “Emelâk emet inânñan Mose, Dawiti, otmu Anitâhât poropetelipñe nom-botñañe nâhât nâñgâm miti pepaen den kulemgumini yakât bulâñe tetem heñgeñguwuapgât Anitâñe sâ m kalop.” Yawu sâ m ekyongowan.”

45 Yawu sâ m ekyongom den kulemguwi ya kâsikum yingimu nâñgâñetâ.

46 Den ya nâñgâñetâ keterakyingimu den bâñe yuwu sâ m ekyongop. Emelâk emet inânñan miti pepaen den âlâlâ kulemguwi yakât topñeâmâ yuwu tap. Anitâñe lohimbi kerek yeñgât tihityeñe otbe sâ m ikñe hoñ bawa hâñgângumu ge manbuap. Manmu lok bâleñañe mem âlâlâ tuhuñetâ hâhiwin nâñgâm mumbuap. Mumu hanguñetâ hilâm kalimbu pesuk sâ mu Anitâñe mumuñambâ mem yahatbuap.

47-48 Yakât otmâ lohimbiñe orotmemeyeñe bâleñe bet pilâm nâhâlen biwiyenañe kepeinomai otmuâmâ Anitâñe tosayeñe pilâyingim meyekbuap. Otmu yeñe ari nahat den pat âlepñe sâ m haok tuhuñetâ lohimbi hânñan kulemñan manmâ arañe nâñgânomai.

49 Otmu nâñe Wâtgât mâmâñahât Heak hâñgângumune ge âi sâ m yingian yukât mâmâñe otyingimu menomai ya awoñañe sâ m kalop. Yakât otmâ Yerusalem kapiân tatmâ

mambotnomai.” Yawu sâ̂m ekyongop.

Yesuŋe himbimân âwurem yâhâop.

(Mareko 16:19-20 Aposolo 1:9-12)

⁵⁰ Yerusalem kapi pato yakât gotŋan kapi âlâ, kutŋe Betani sâ̂m, ya tap. Yan meyekmâ ari An-itâŋe mâmâŋe otyiŋgiâkgât ulitguop.

⁵¹ Yawu otmâ pilâyekmâ himbimân yâhâop.

⁵² Himbimân yâhâmu mepaem tepeŋe heroŋe otmu Yerusalem kapiân âwurem ariwi. Âwurem ari opon kâmbukŋan yâhâ Anitâ mepaewi. Yawu.

Nâ bukuhe,
Luka

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

995083d2-705e-5a60-af47-1e36806ccbc